


# SINULO, KAUHANYO YABUNE

## KALULO YA III

 Ni itumezi Muzwale Neville. Mulena aku fuyole ni wena. Mi muzuhile cwani, sitopa sa Bibehe. Mi mañi ni mañi mu ikutwa cwani kakusasana cwana? Kihande, Na sepa. Amen. Lumwa mufuta wa . . . wo ki mufuta wa temuso ya putako ka ku zibisa taba yakuli lube mo kakusasana cwana, kakuli Ne ni sina . . . misipili yaka i ezizwe ka nako yene Ni ka funduka fela. Mi wo cwale kakuli so lukisizwe kunga sibaka mwa ka likweli ze silezi ze tatama, kihande, kanti, Ni hupuzi kuli kihande lube ni sebelezo kakusasana cwana kakuli ikaba nako yeñwi Ni si ka kuta kale hape, kuya ka mo Ni zibela; mwendi litabula le.

<sup>2</sup> Mi Ni ka . . . lu ka ya cwale biki yetaha ye kwa Beaumont, Texas, ko lu ka yo kalela kwani sunda ye tatama ni kufita mwa mukopano wa mazazi a eiti kamba a lishumi ni katengo ka—ka baba i cemezi ni bazamaisi ba likeleke ze shutana. Luli litusizwe hahulu ka *Libizo la Jesu* mwa Beaumont, Texas, kone luna lubile ni mukopano omutuna nako yeñwi yefitile, ona fani fela siswaniso se si mano swanisisiwa. Mi bona . . . Ni ziba kuli ba na ni mbasi kwani ni, Na lumela, ilonga batu ba twenti-sebene . . . kamba ki sitima se si longa baba twenti-sebene cwalo, baba taha kwa mukopano mwa Beaumont. Kwani kona koo mubusisi wa tolopo nana ni sikwata sa mapolisa inge ba zamaya mwa mikwakwa, bona kaufela. Neluna ni nako yende kwa Beaumont, mi lwa kutela kwateni mwa biki yetaha ye. Mi cwale ne lu kulubela kuba kwa San Antonio, kono haluna kuba ni nako yeñata ya zona, konji haiba kuba ni kukuta.

<sup>3</sup> Mi kuzwa kwani luya kwa Phoenix, Los Angeles, kuyopunya kwa Long Beach. Mi kipeto lwa kuta, haiba Mulena alata, lu kutela kwa Likamba la Upa, kukutela kwa Virginia ni South Carolina. Lu ka kutela kwa Bloomington, Illinois. Mi kuzwa kwani kuya kwa sikolo sa Lane High School, sunda ya mafelelezo mwa Lungu, ki Pisinisi ya Baana ba Sikreste. Mi kipeto Ni ya kuzwa kwani ni ye kwa mutulo wa British Columbia, ni kupahama mwa Alaska, ni kuba kwani kufita Mbuwana. Mi, he, lu sepa kuba ni nako yende.

<sup>4</sup> Ni lapela cwale haiba ziezi yani ye . . . Ni bile kuyona fa nako nyana nyana cwale ka za mitelo, kuama keleke ye kwanu, i ka fela ka nako yeo. Mi kipeto luka . . . Ni ka kona kuya kwabuse bwa mawate cwale haiba ki yona, ona mwa kweli ya Mbuwana, ye ka kondisa lika kuliba kwa Africa; ka kweli ya

Mbuwana, Sikulu, ni Muyana, mwa—mwa Africa. Kacwalo Ni tokwa litapelo za mina luli.

<sup>5</sup> Mi lu libelezi kutaha kwa Mulena. Lika ze kaufela ki “haiba ki tato ya Mulena,” mwabona. Ha lu zibi, Wa kona . . . Ze ha ki lika ze izamaelela fela, luna ni fela memo kaufela hamoho ni ku lapelela fateni, na kupa Mulena kuli, “Ki nzila ifi ye lu lukela kuya ka yona?” Mi—mi kubonahala kuli, cwale, Ha ni liezi fela kuba za ka, Ni tuhela kuli babañwi ba nahane fateni, ba lapele ka zona. Mi cwale kubonahala kuli kaufela ne lu etelelwa kuya kwa neku la wiko, mboela ni wiko ka nako ye. Kacwalo he ne luna ni limemo kai ni kai, kacwalo lwa kala fela kushetumuka. Mi sibaka sapili se si to ni kena mwa pilu neli Beaumont kamba San Antonio. Kacwalo lwa yo sibona, mi neluna ni memo mwa libaka zepeli kaufela. Mi ni . . .

<sup>6</sup> Ne lu bizize alimuñwi kwa Beaumont. Mi bakeñisa kuli nebana ni likeleke ze fote-tuu mwa kutwano, ba United Pentecostal ni babañwi cwalo, lwa hupula kuli muyaho omutuna no kaba hande kuli lu ba fe ona mwendi mazazi a lishumi kufita kufa a ketalizoho ni aketalizoho kwa sibaka kaufela. Ni sepa kuli haiba mu ka libeya kulo kulikuñwi sina cwalo ki hande. Mi, kuna ni batu babañata ba—ba tokwile mwa Beaumont ni kushetumuka mwa sibaka sa oli ya Texas kwani, mi kacwalo lu kulubela nako yende mwa Beaumont.

<sup>7</sup> Mi, cwale, ha lu liki kuya ko kuna ni tutengo to tutuna ni libaka zetuna. Kono lu lika kuya ka Mulena mwa ka lu etelela kuli lu ye, hakuna taba kamba ki yenyinyani cwani kamba ki yetuna cwani, taba fela kikuli Mulena a etelele. Cwale, ka nako kaufela, Na ka lufa pizo ya kwa *Masedonia* mi lwakona ku siya simu ka nako kaufela kuli lu ye kwa na Na ka lu bizeza, kai ni kai.

<sup>8</sup> Mi luli lu ikozi nako ye ya kopano mwahala Linzwi la Mulimu ni mina sicaba sesinde. Ni sepa kuli mukaba baba sephala cwale mi mutahe kwa keleke mu to utwela lituto za Biblele ka muzwale waluna ndwalume yo fa, Muzwale Neville, yo Ni paka hande kuli ki mutanga Mulena Mulimu, yanza zwelapili mwa butungi ni butungi ni Mulimu, mi Ni tabile hahulu ka seo.

<sup>9</sup> Mi keleke yenyinyani, Na mi kalimela ka Libizo la Mulena Jesu kuli muhulele mwa sishemo sa Mulimu, mu swale ka tukufalelo mi mutalime kwa Kalvari ka nako kaufela, kuzwisa mibisi ya bumaswe kaufela mwa pilu ya hao ni moyo, kuli Mulimu aitusise wena ka nako kaufela. Haiba nji mukile mwa ikutwa kueza sika, kamba sinulo kamba sesiñwi sitaha ku mina ka bunca, sika se si katulusa kamba nto yeñwi, mu tokomele! Satani u talifile mi ububebe ka mwa kona kubela. Mwabona? Mu li beye ni Linzwi la Mulimu mi mu buze mulisana wa mina. Mwabona?

<sup>10</sup> Mi mufumana limpo ni zeñwi cwalo halitaha mwa keleke, ni ku kusebeza kwa limpo zee. Mu si ka li lumeleza kale kuya kwa kusebeza ni lika zeñwi, pili. . . Mu ikutwa kuli lisweli kukena mwa lipilu za mina. . . Cwale, sila utalifile luli. Mwabona? Mi seo kona se si shandaula likeleke mwa liemba nako kaufela, ki mpo ya niti yebeleka ka mafosisa. Mwabona? Sika sa lika kueza Mulimu, ni ku sebeza ka mafosisa, sika ba fela—sika ba fela ka. . . Ha ki ku mi utwisa bumaswe fela, kono sika sinya keleke kaufela. Mwabona? Mu li batisise, mu linge hande mi ni kukena mwa Bibele, mi mu litatube mubone haiba ki Mulimu kamba nee. Muzwelepili fela ku li tatuba ni kulika, mubone haiba li petehile hande ka kushetumuka mwa mukoloko ni ka swanelo ni Linzwi. Kipeto u iketile, mwabona.

<sup>11</sup> Haibile fela Linzwi li bulezi kuli likaba fa, li ka beleka ka nzila yeñwi ye, mupile hande ni lona. Musike mwa nanuha, hakuna taba kamba mutu ueza sikamañi, kamba si bonahala cwani kuba sa niti. Haiba ha li monyehi mwa Mañolo kuzwa kwa Genese kuisa Sinulo, mu li tuhele fela ona cwalo. Musike mwa ikungela kolo ka kubapala, lu mwa mazazi a maungulo foo Satani hasweli fela kupuma ka mwa kona kubela.

<sup>12</sup> Muni swalele haiba Ni lika kunga sibaka sa nduna; Na hani ha ni nduna. Kono Ni ikutwa ku mina sina Paulusi hana bulezi kwa mulaho kwani ka kopano ya hae nako yeñwi kuli, “Mina mu linaleli mwa mushukwe waka.” Ha Ni ka silela mwabuse bwa naha mwabuse bwani, ni ku yo kopana ni mina mwa buino bo bu kanya bwani, Ni bata kuli mu yo yema kwani ni kubenya sina linaleli mwa mushukwe waka. Mwabona? Mi Ni—Ni bata kuli mube kwani, Ni bata kuyoba kwani.

<sup>13</sup> Mi Na hupula mwa pono yaka ha ne Ni boni Kubatani kwa Mulena, kamba sicaba sa Hae mwa Naha ye kanya yani, Na talima kwa ni kwa, Na ba bulelela. . . Mi ba ni bulelela kuli Uka ni atula pili ka Evangeli ye Ni kutaza. Se nili, “Ona cwalo fela Paulusi mwa na Li kutalelize!”

<sup>14</sup> Mi bona batu babalule lule bani ba huwa bali, “Lu sepile ona zeo!” Mwabona? Mwabona. Cwale, Ni bata kuli kube cwalo. Mi lu ka yo kopana kwani zazi leliñwi.

<sup>15</sup> Mi Mulimu na si ka luma Muzwale Neville ni Na kuba manduna, batili shangwe. Luna lu mizwale ba mina fela, mwa bona, bazamaisi ba Evangeli. Kacwalo kaufela luna ha lu belekeleñi hamoho.

<sup>16</sup> Mi fokuñwi haiba—haiba sesiñwi se si sebeza sina ni kubizwa kamba—kamba kubulela sesiñwi ka sona, ze bizizwe kamba nto yeñwi ye swana yani, mi mutu yana ni mpo yeo ha i hane, muhupule fela. . . ya hana, muhupule, mpo ne i si ka luka. Ne si Mulimu ka kukala. Moya wa Mulimu kamita uitukisize kufa sikuluho, ki omunde u i ikokobelize, wa lata. Mwabona. Haiba u yema ni kubulela kuli, “Ni ka eza cwalo ni hakuli cwalo,”

mwa ziba fokuñwi. . . Muhupule fela, kuli mioya ye mahañi ha ki ya Mulimu. Mwabona? Kona kuli kiñi hamuka ikungela sika sa kuyolisa kanti lika kaufela, lifasi kaufela, litezi Kanya ya Mulimu, mwa bona, mata a niti a Mulimu. Kiñi ha lu ka ikungela sa kuyolisa? Lu liyehile hahulu mwa musihali cwale; kono, muhupule, Bibebe ibulezi kuli uka taha sina. . . ka butali fela mwa kona kubela, ni kupuma bona ba Baketilwe haiba ku konahala. Mwabona?

<sup>17</sup> Mi, cwale, fokuñwi lu nahananga kuli lu Ketilwe, mi Ni sepa kuli lu cwalo, kono ha lu pileni fela hande ni Bibebe. Mi cwale haiba lika kaufela li lukile ka Mañolo, ni kuli libe mwa Mañolo, kutisa Kanya ku Mulimu ni likute la keleke, ni zeñwi cwalo, konakuli luziba kuli ki za Mulimu kakuli Bibebe ya li yemela. Kono tuto yaluna haina ku yemela zeo, haina kuba bunde, ika wela mwahali.

<sup>18</sup> Kacwalo he haiba sesiñwi si lu natile, hakuna taba kamba si bonahala cwani kuba sa niti, haiba ha si si ka luka, isiñi ka Mañolo, muzwe ku zona cwale; kakuli kuna—kuna ni Ya libelela luli, mwa bona.

<sup>19</sup> Kacwalo, mulapele cwale. Mi kamita, ni kaufela se mueza, mu ni lapelele kwateni. Mu ni lapelele kakuli se lu fita cwale mwa masimu ka nako ya mafelelezo, kuya ka muhupulo waka. Se luya cwale. . .

<sup>20</sup> Mi, muhupule, lika zetuna zanga sibaka, ha ku zibwi mwahala lifasi. Jesu ataha, apila, a shwa, mi a ipa, akutela kwa Kanya, mi ma milioni ne ba sa zibi sika ka zona. Mwabona? Ha ki ka lipalisa, zetuna, lika zetuna; kikuli “Na tile ku ba Hae Tota,” mwabona. Mi yena. . . “Ya na ni lizebe, a utwe seo Moya u si bulelela likeleke.” Isiñi wa kwande, “ki kwa Keleke.” Ki Keleke ye sweli ku nyanganya kwa Yona.

<sup>21</sup> Ne ni hupulanga ka kushutana ku zeo kufitela zazi leliñwi Abulela ku na; na ni kutiseze kwa mulaho mwa Linzwi mi na nahana ka mo bapolofita ne ba bulelezi kaufela fani Joani ha taha, ali, “Libaka ze lumbile lika patamiswa, mi libaka za misindi li ka ulululwa.” Ni ka mo mata a Mulimu akona ku belekela! Mi ni—ni. . . “Malundu kaufela na ka takisa inge lingunyana, mi matali a kambele mazoho.” Kihande, sani ne si bonahala kuli sesiñwi luli ne si ka ezahala. Mwabona? Mi hane kubile cwalo, ki sikamañi sene si ezahalile? Muuna muhulu a zwa mwa lihalaupa, mwendi wa mulelu omutelele luli ni kaemba ka mukata wa ngu ya kale ka na itamile. Nekusina tulimba-limba mwa lihalaupa mwani. Na bile kwani kuzwa kwa lilimo ze naini za kupepwa, mi nali wa myaha ye mashumi amalalu ka nako yani. Ataha inza zamaya kuzwa mwa lihalaupa, inza capwaela cwalo, inza kutaza kubaka, inza yemi mwa sileze mwendi se si mu cikiseza mwa mañwele, cwalo, fa makamba a Jordani. Mi fani

kona fo libaka zelumbile ne li ululuzwi mi libaka za misindi za ubelwa. Mwabona? Ki. . .

<sup>22</sup> Muna ni kuba ni kutwisiso ya moya. Muhupule, Mulimu ali kuba aeze cwalo mi haana kuba, mwa lifasi le, kupila mwa sibaka sa muikuhumuso. Wa li lwanisa. Ki mwa ka shwela. . . Mañusa amatuna haana kueza “zetuna za *kuli-ni-kuli* ni za *ni-kuli-*. . .” Ha si ezi cwalo. Batanga ba hae ha ba beleki ka nzila yeo. Butali bwa hae ni kanya bu pahami.

<sup>23</sup> Maabani, kamba mazazi amabeli afitile, hane ni ya kwa Kentucky, kwani kwa Kentucky ni mulikana ka yomunde, Muzwale Banks Wood, nekuna ni musali yana yemi kwani wa mupokola, mi ki hali, “Mushimani, ki hande lu zamaise ka kuiketa,” ali, “umatisa hahulu musali wateni bati.”

<sup>24</sup> Mi se Nili, “Eehe, yeo ki niti.” Se nili, “Mi naha haifita fa sibaka fo kuna ni ma milioni amañata mi ana ni kunga basali, kueza mapokola ni ku ba luma kuya kwani, ni bazamaisi ba tu cab in lika ze cwalo, ki iliñwi ya bitampatampa byaluna byebituna hahulu mwa naha ya luna.” Una ni fela musebezi olikani kwande kwani kihona inge—inge shakame haikena mwa ketele ya mafula. Mwabona? Fela ki—ki—fela ha ki sibaka sa hae. Mi se Nili, “Sani ne si ni katazanga hahulu, kono cwale Ni kala kuhupula kuli, ‘Kiñi, kona libaka, wo ha—wo ha ki mubuso wa luna, ha lu ba lifasi le.’” Bana ni . . . muna . . .

<sup>25</sup> Kiñi basali (bahame baluna) haba sa kutangi—milili yabona kueza ye mikuswani, ni mipende, ni za rock-ni-roll, ni lika ze kaufela? Kiñi, sicaba siyanga kwa likeleke ze zibahala fela ni lika zeñwi, ni kunahana kuli, “Zeo li lukile.” Kiñi? Ki. . . bona—bona ki ma American; ki ma American, ba na ni moya wa America. Luna halu ma American, lu Bakreste. Lu pila. . . moya wa luna ki wa Mubuso usili. Haiba moya wa luna no kaba wa mubuso wo kona kuli ne lu ka lapela ka lika ze, mi kipeto neluka lapela zona lipina za butanya ze kaufela ni kulapela ona lipina za rock-ni-roll ze. “Kaufela ko kuna ni pilu ya hao, ki ko kuna ni sifumu sa hao.” Mi sifumu sa luna si kwa lihalimu. Kacwalo he lu libile kwa Mubuso.

<sup>26</sup> Le ha ki lapa la luna, lu sweli fela ku yambaela fa ili kulika kutisa batu ba ba kwande kuzwa mwa lififi. Mi ni ye kwa muleneñi mi mwendi Ni yo ba ni mukopano omutuna wa muleneñi, ku yo tundanisa ka biki kamba kamba mazazi a lishumi, ka moyo ulimuñwi omunde kwande kwani; ulimuñwi, ulimuñwi fela o inzi kwande kwani.

<sup>27</sup> Mwakona kubulela kuli, “Mukopano neli o komokisa omutuna, likiti ze ketalizoho ba taha kwa katala”; hakulata hakuna neba alimuñwi wa bona yana pilisizwe, hakuna nihaiba alimuñwi wa bona. Mwabona? Mi kwa kona kuba. . . Mwakona ku nahana kuli nekuna ni, “Konji fela batu bababeli kona bene batile kwa katala”; kono alimuñwi wa bona ukona licwe la

butokwa. Lu sweli fela kucimbeka tunyandi mwa kasa. Mulimu u nopa tapi, Wa ziba yeli tapi ni ye si yona.

<sup>28</sup> Kacwalo, mwabona, lusweli fela kukutaza. Mi muhupule mueza lika zeswana mwa tabernakele ye. Kono muhupule se kamita kuli, “Lingu za ka liziba Linzwi la Ka.” Mi Linzwi la Mulimu kona Linzwi la Hae.

<sup>29</sup> Ne ni sweli kunahana zazi leliñwi ka mo batu baba bulela kuli kwali kuba kube . . . Kopano yeñwi ya likeleke ili, “Foliso ya bumulimu ha ki ya niti. Nekusina mutu yana filwe mpo ya foliso ya Bumulimu kwanda Muhalalehi Paulusi kamba baapositola, baba lishumi ka bababeli mwa ndu ya fahalimu. Ne ba filwe mpo ya foliso ya Bumulimu, mi ani aba mafelelezo. Ani neli mafelelezo.”

<sup>30</sup> Kono, mwa bona, ka siswaniso sesinde se sa Muzwale Willie, mwahali mo, sa lu swaniselize, ona muhala nyana wani ubile mwa likeleke kaufela ka nzila kaufela. Ha ni zibi kuli kopano yeswana yani ibulela sikamañi ka litaba za kale za keleke, ka za Irenaeus, ka Muhalalehi Martin? Ni babulaiwa bani kaufela mwahala lusika, ka myaha ye mianda anda kasamulaho wa lifu la baapositola, bene ba bulela ka malimi ni kufolisa bakuli ni kuzusa bafu ni kueza limakazo, keleke kaufela. Ha ni zibi ka bona, haiba no li fela kwa baapositola?

<sup>31</sup> Mwabona mo si bezi se si bunolo? Habana kutwisiso ya moya, ku felile. Mwabona, “Libofu! Bashwela mwa sibi ni mwa bumaswe!” *Sibi* si talusa “kusalumela.” Sika kaufela mwa ku sa lumela ki sibi. Haiba mutu nana ni libizo le—le li telele *cwalo* ka pampili ye mupaka (ya D.D., amabeli L., Ph.D., L.L.D.) mi bali “hakuna nto ya kuli foliso ya Bumulimu kamba kolobezo ya Moya o Kenile,” mutu ya cwalo yooo u mwa sibi. Wakona kutatulula likunutu za mifuta kaufela mwa Bibe, kono bupilo bwa hae luli (bupaki bwa hae) bu paka kuli u shwile. U shwile mwa sibi ni mwa bumaswe kakuli ki muezalibi.

<sup>32</sup> Sibi ki kusa lumela. Mutu kaufela ulukela . . . Sibi, ha ki kueza boozwa ni kuzuba makwai ni kubina ni—ni kuzwelapili ona cwalo. Sani ha ki sibi, yani ki milelo ya ku sa lumela. Kono haili—haili mulumeli . . . Hakuna taba kamba mutu hanwangi bucwala, usike wa zuba, ha ezi lika ze, ali kuba a bulele linzwi le li maswe fateni, ubuluka Milao Yelishumi kaufela, ukona kuba muezalibi yomunsu fela, mwabona, ka mipende fela mwa kona kubela. Haiba uhana sika kaufela sa mata a Mulimu, ki muezalibi! Linzwi lelili *sibi* ki “kusalumela.” Cwale, mu batisise fela, mubone haiba yeo ki niti kamba nee. Ya sa lumeli mwa Linzwi la Mulimu, ki muezalibi mi hakoni kukena mwa Mubuso wa Lihalimu.

<sup>33</sup> Cwale, oh, Ne ni hupula kuli kakusasana cwana, ka ku ikungela zona ka tato ya Mulena, ka taelo ya Moya o Kenile, kutaha kwa tabernakele hape mi mwendi ni ku mi inisa liholo

zepeli kamba zetalu. Kono Ni bata kufeza buka ya kauhanyo ya 4 ya Sinulo Ni si ka ya kale. Mi cwale Ni sepa kuli ha i mi katalisi, Ni sepa kuli ki—ki kanya ku mina. Ni sepa kuli ki sika se si ka minga hande ni ku mi tusa mwa mazazi a kwapili.

<sup>34</sup> Mi cwale mwendi . . . Ne ni bulelezi Billy kuli atahe kwanu kakusasana cwana ni kufa makadi a litapelo haiba kuna ni baenyi mwahala luna, kakuli lu ka zwa, mi . . . cwale, mi ha Ni zibi ha lu ka yo kuta. Mulimu ki yena fela yaziba zeo. Mi Ne ni bata . . . na hupula kuli mwendi mukopano wa mafelelezo haiba . . . mi ha na ni bizize ka nako yani mwendi—mwendi ka naini kiloko ki hali, “Tate, kuna ni batu kwani baba lukela ku lapelelwa. Ni ba buzize, kono” ali, “ki sicaba se—ki sicaba se si tahanga kwa kekeke ka nako kaufela.”

<sup>35</sup> Se nili, “Konakuli usike wa fa makadi a litapelo, mwabona.” Se nili, “Kakuli bani ki batu . . . Haiba luna ni kulapelela bakuli kakusasana cwana, luka biza sicaba ni ku si lapelela.” Kono se Nili, “Haiba ki—ki sicaba se si tahanga kwa tabernakele ye lu ziba . . . Batili, Ni bata muenyi.”

<sup>36</sup> Mi ki hali cwale, na zwezi kwande kwani mizuzu nyana yefitile fani hana ni katani inge ni yemi fani, ali, “Kihande, Ni file makadi a litapelo.” Ali, “Ka nako nyana fela mwahali mwani, Ni file makadi a litapelo.” Nali, “Wakona kueza kaufela zo bata.”

<sup>37</sup> Se nili, “Kihande, luka bona kamo liñusa li zamaela, kubona fo lu zamaela, mi kipeto lu ya. Ni . . .”

<sup>38</sup> Ki hali, “Kihande, buñata bwa batu neba bata makadi a litapelo, eni sha, kono” ali “nebali batu baba liteni mwa kekeke mwani.” Mwabona?

<sup>39</sup> Kihande, lu ziba kuli Mulimu ki Mulimu. Mi, mawi, zona lika fela Za eza! Kiñi, kanti—kanti luwaile lu lilanga nako kaufela, kwa batu ba lika zeshutana, ka litaba nyana fela cwalo fokuñwi, ni ka mo Mulimu a alabela litapelo!

<sup>40</sup> Hani zibi haiba kalibe yomunyinyani yani kamba muuna hae uteni mo yazwa kwa New Albany, be ne batisize mbututu ya na kamilwe ki sika fa mumizo busihu bobuñwi, ni katabi, mwa ndu yaka mwendi ka twelufu, wani kiloko? Kwani, kihande. Mbututu u cwani? [Muuna mwa kopano uli, “Uiketile!”—Mu.] Kihande, kihande, ku lukile.

<sup>41</sup> Mutuhele fela ni mi bonise, mwabona, kuli ki sika se mu sa zibi, seo ha si fiteleli Moya o Kenile ha ubulela. Fred Sothmann, muzwale wa luna yomunde, Fred; Ni mu utwile ha bulela “Amen” fa nako nyana, kono Ne ni si ka mu bona fa inezi. U inezi kai? Kana uteni mo? Kiyo, kiyo fa, Muzwale Fred Sothmann. Ni ku bonisa mo libezi ze bunolo . . . Nana ni balikani bene ba taha, bene bali Muzwale Welch Evans, Na akaleza, Ha ni zibi. Neba nani koloi kwani; neba kiile likwalo mi Fred alatehisa linotolo,

mi na nza talima kai ni kai mi a palelwa ku li fumana kai kamba kai. Mi Muzwale Welch na taha ona kwanu. Kacwalo lizazi la taha kuli na lukela kufita ni lika zeñwi, neba palezwi kufumana sinotolo kai ni kai, kacwalo a lizeza fela kwa hae, ali, “Muzwale Branham, likai linotolo? Lu ka li fumana kai?”

42 Cwale, sani sakona ku kama babañwi ba mina, kuli mutu abuze puzo ye cwalo. Kono mulibelele fela fa muzuzu, muhupule bana ba Jese ha ne ba bata limule? “Kacwalo kambe Ni na ni mpo mwa lizoho laka, Ne ni ka kenya lizoho ni ku zwisa . . . kupa, ni ife ku mupolofita, mi mwendi uka lu bulelela ko kuna ni limule zani.” Mwa hupula cwalo?

43 Mi ha na sweli ku zamaya mwa mukwakwa ba katana mupolofita. Ki hali, “U sweli kubata limule.” Ali, “Kifo, u kutele kwa hae,” ali, “li kutile kale.” Kana ki niti yeo?

44 Na lapela. Fred akuta a yo nopa linotolo. Kona cwalo. Mwabona?

45 Muzwale Ed Daulton, u kai kana? Ukai Ed Daulton? Ni ziba kuli uteni mo kokuñwi, Ni mu boni fa nako nyana yefitile. Oh, kwa mulaho kwani . . . ki yani fani. Na ni utwile fa mpwito yaba intercom ha ne ba zibahalisa kwa sicaba. Busihu bobuñwi pizo ya taha mi Muzwale Ed nali mwa butata bo butata bo bu sabisa. Ne ni bata ku mu tusa. “Batili,” ali, “Ni bata fela kuli u kupe Mulimu.” Na kupa Mulena kuli amu tuse. Mi ka zazi lelitatama musala hae a biza, yomuñwi ataha ku to mu tusa. Ku lukile. Ki niti yeo, Muzwale Ed?

46 Mwabona, Yena ki Mulimu fela. Ku felile, Yena ki Mulimu fela. Mwabona, Yena fela . . . Ki nako kaufela ku swalelela kwa sibaka sesiñwi kuya ku sesiñwi, sibaka sesiñwi kuya ku sesiñwi. Hakuna taba kamba ki butata mañi, Ki Mulimu. Ha lu yangi kafa ni kafa, kuitumba ka lika zeo, ha lu lukeli kuba cwalo. Fela musike mwa lumeleza lizoho la silyo kamba la nzohoto kuziba seo lizoho la bulyo li eza. Lwa bulelanga zeo mwahala luna kihona kono ha lu li hasanyi kwande kusili. Kakuli wani ki muikuhumuso, cwalo inge kuli, “Mulimu na ka li eza fela ku mutu alimuñwi.” Ukona ku li eza ku mutu kaufela yana ka—yana ka Mu lumela. Ki kulumela, tumelo! Kaufela—kaufela se mubata kueza, kaufela seo mihupulo ya mina ili sona, mu iise ku Mulimu. Uka—Uka—Uka—Uka lukisa lika kaufela. Nji cwani? Kacwalo U alabanga tapelo. Ki . . . Mulimu ki Ndate ya alaba litapelo.

47 Cwale, kacwalo he mwa . . . Na hupula, ka kukwala mwa mikopano ya mafelelezo ye ni zeñwi cwalo, sina hane luli . . . sina mo lu ezeza, ne luka—ne lukaba ni temuho kwa mafelelezo a mukopano, haiba Mulena wa lata, mi mwendi ka nako ya mukopano. Ha lu zibi fela Sa ka eza. Na lata ka nzila ye cwalo. Musike mwa itomela nto yeñwi, mu Mu tuhele fela aeze Mwa batela kuezeza.



48 Cwale, munge kauhanyo ya 4 ya Buka ya Sinulo, ni kuyemisa waci.

49 [Muuna yomuñwi ukaupa kubulela—Mu.] Eeni. Eeni, muzwale. [Muzwale ukala kupaka. Hakuna manzwi fa tepu.] Kiniti, Na lumela cwalo. Kiniti, na lumela cwalo.

50 Kwanu, Muzwale Welch Evans, Ni sepa kuli yani ki yena yainzi kwa mulaho kwani. Halu boneñi. . . Halunze lu apula mwa Sinulo 4.

51 Kwanu ha ki kale hahulu, mina kaufela ne mu utwile ni kubala mwa mutende ka za sikwata sa balizi sa kwanu mwa Louisville baba uzwa limota ze, ku liisa kwa Kentucky kokuñwi, kapili luli. Mi mwa Kentucky mane hamu lukeli kuba ni pampili ye paka, baka mi lukiseza ilimuñwi mwa Kentucky. Kacwalo fela muna ni . . . nto fela ye mu lukela kueza ki ku iisa kwani ni ku i lekisa. Kacwalo ba ka nga limota ze ni ku li matisa mwateni ni ku li lukisa hape, ni kutisa limota zani ku li lekisa. Kaufela ze mu lukela kuba ni zona ki nombolo ya musipili wa mina mi baka—baka mi pangela mapampili. Kacwalo ba pamulanga fela mota fa mukwakwa ni ku i kumatiseza mwa sintolo sesiñwi kokuñwi, ba yo cinca fela lika kaufela, mwabona, mi—mi ni kuipenta sinca ni zeñwi kaufela, ba i zwiseza fande ni ku ilekisa. Kuna ni lilata lelituna ka zona, mi sihulu mwa United States kaufela, mane hahulu—hahulu mwa mwa Kentucky. Ne ni balile mutende kwanu ha ki kale hahulu ka zona.

52 Kihande, yomutuna, wa pilu yende, Muzwale Evans ni lubasi lwa hae, inza zamaisa musipili kaufela kuzwa kwa Macon, Georgia, kwanu la Sunda ni sunda ku to teezeza Evangeli. Oh, ha ki likute ni leo balikani ba niti! Mi kipeto uya kwa Cafeteria ya bo Miller kokubanga za . . .

53 Ha ni bapazi sibaka sa bo Miller, kono Ni nahana kuli bana ni lico zende hahulu mwa Kentucky; Louisville, Kentucky, nihakuli cwalo. Kuya ka . . . Ha ni talusi mina mandu a kwa mukunda e Ni cile ku ona, cwale, Ni talusa kuli (mwa ziba) kwande. Mi Na celanga kwani, nina. Nakona kufepa lubasi lwaka kwani kusina ka kucipa kufita mo Ni ka ba fepela kwa lapa. Yeo ki niti.

54 Kacwalo he Na ya kwateni, mi kacwalo Muzwale Evans akena mi kipeto wa mulongela za kuca ni ku yemisa mota ya hae kwande fande. Ha taha kwande (ni liapalo za hae kaufela) ni lubasi ni bona kaufela, na sina mota kamba sika kaufela. Ne se ii congile kale. Kihande, mutu ya shebile, Muzwale Evans ki mutu yaswana sina luna kaufela, una ni musebezi nyana kulo kwani, u belekela fa limota, ulekanga bingengemwa ni ku bi lukisa. Ki mutu ya shebile, mi u banga ni masheleñi a hae kutaha kwanu kakuli wa lumela mwa mufuta wa Evangeli ye. Ni lapela kuli Mulimu aba lumele numwana kulo kwani, kuli aba tuse mwa naha yani.

55 Cwale, Muzwale Evans ataha, kacwalo na sa zibi sa kueza. A zibisa mapokola mi ba palelwa ku ifumana. Kacwalo ataha kwa ndu, yena ni Muzwale Fred ni babañwi, lwa ina mwa muzuzu inge lu ambola ka zona. Se nili, “Cwale. . .” Cwalo kona mo lu ezezanga, lwa ina mwa muzuzu, lu fumana se si ezahala, mi kipeto lu ya ku Mulimu. Kacwalo hane lu kupile Mulena kuli, “A sikulule muuna yana ngile mota yani, ku mu kutisa, kaufela kwa na inzi.”

56 Hañata ba li matisenga kwa Bowling Green kamba kokuñwi, ku li zusa mwa sibaka mo ba kona kuba swala kwanu, mwa bona, kacwalo ne ba ka kakona. . . kufitela ba li penta sinca ni ku li lukisa. Ye neli mota yende, Ni sepa kuli neli station wagon. Kana neli cwalo nji, Muzwale Evans? Neli mota ya—ya station wagon.

57 Kacwalo, mi kacwalo kiñi ze ne ezahalile, lwa yo kubama ni kulapela. Mi cwale—cwale Mulena a lufa bupaki, za ba hande kaufela, lika kaufela hande. Kacwalo he mata a Mulena ataha ku luna. Muzwale Evans aya fande mi a kala kuzamaya, a etelwela kuya ka nzila yeñwi.

58 Na kutile ona kwanu mwa Jeffersonville. Mota ne i uzwizwe mwa Louisville; fa ne ku inzi mota ya hae yali kuina fani itezi mafula akona ku izamaisa kuyofita. . . oh, kuzwa ku zona, kuli akone ku i pamula kuzamaya mane kufita kwa Bowling Green ni kukuta. Ba zwa mwa mota, ba yemisa mota, ba siya likii mwahali, ba ikela fela ni ku isiya inge iyemi ona fani, ona kwaku mwa Jeffersonville mo kona mwa na i fumani; isiñi Louisville, ona kwanu kwa Jeff., ni ku ikutisa kuto punya ni yona kwanu.

59 Mwa ziba, Mulena wakona kueza linyunywani ku Mu utwela, Wakona kueza kuli batu ba Mu utwe, Wakona kueza kuli sila sa Hae si Mu utwe. Yena. . . Eeni, sha, Ki Mulimu. Fa nekuinzi mota ya hae kusina neba nto iliñwi ye ne tondahala, neli fela licika la mungomo wa mafula o ne bata kuli bafite kwa Bowling Green, mi Moya o Kenile no lukela kubulela kuli, “Sikuluha! Kutela kwa mulaho foo mi u ise mota yeo kwa Jeffersonville. A to yemisa fela fa mukwakwao, ni ku ibeya ona *fani*, (kakuli Ni ka mu luma fela kutaha *kwanu* italimile kwa mulaho neku *le* kuli aifumane).” Kana ki niti yeo, Muzwale Welch? Ki niti yeo. Mwabona.

60 Ki Mulimu! Wa alaba litapelo, Muzwale Roy. Yena fela. . . Yani ki, Muzwale Slaughter, yani ki taba yeswana fela, Na folisize njanana ya mina. Mi Ni ziba kuli Wa folisa, Wa alaba litapelo, Usa eza limakazo, Usali Mulimu, Yena kamita nali Mulimu, Yena kamita ukana aba Mulimu!

Ki—Ki Mulimu fa situwa sa ndu, (Ki nto mañi,  
u opelanga cwani muzwale mwa keleke mo?)  
Mulimu mwa situngu, Mulimu kwande mwa  
simu,

Mulimu mwa mota, Ki Mulimu kai ni kai,  
 Ki Mulimu mwahala—mwahala lika kaufela ni  
 mwahala zona, Mulimu.

<sup>61</sup> Oh, ha ki bunde ni boo! Ne luka kutaza kasamulaho nyana mi haluna kukena mwa tuto ye.

Ku lukile, ha lu inamiseñi lito ho zaluna fa nako nyana kwa tapelo.

<sup>62</sup> Ndate ya Musa yakwa Lihalimu, lu lata hahulu Linzwi la Hao le Likenile kufitela lipilu zaluna li tuka mwahali ku luna, ha lu ziba kuli Moya wa Hao utaha mwahala luna ni ku to ambola ku luna, mi lipilu za luna za nanuha ni ku Li swala. Mi lu bkwata fela kuba hande ka Lona, Mulena.

<sup>63</sup> Mi ka kuziba kuli mwa hola yensu ye mo kuna ni kulyangana kokutuna hahulu. . . Sina mupolofita hana ize, “Mwa mazazi a maungulo ku ka taha tala,” sesiñwi se si swana cwalo, “ha ki ka buhobe ni ka mezi, kono ki ka kuutwa Linzwi la niti la Mulimu; mi baana ba ka mata kuzwa kwa upa kuya kwa wiko, mutulo ni mboela, kubata kufumana Linzwi la niti la Mulimu.” Linzwi! Linzwi ki sikamañi? Jesu ki Linzwi, “Linzwi ne li ezizwe nama mi la to yaha ku luna.” Kubona ponahazo ya Linzwi la Mulimu la niti le li bonahalile kuya ka Mañolo ni kutisa lika ku ezahala, kuli, mo batu ba ka zamaela ni kubata ni ku palelwa ku Li fumana. O Mulimu, lu tabile hahulu, lu tabile hahulu kuli lu Mu fumani myaha ya kwa mulaho, bunde kwa lipilu za luna, ni kubona kuli ha lu si ka lyangana ni hanyinyani.

<sup>64</sup> O Mulimu, U ize, “Baba ziba Mulimu wa bona baka eza ze komokisa ka lizazi leo.” Mi ki luna ba fa mwa mazazi a maungulo, inge lubona lika kaufela za na bulezi Jesu kuli lika ezahala, ka ku bonahala mwahala luna. Lisupo luli, ze komokisa, limakazo ze ezahala, kuya fela ka nzila ya Na li ezize ka yona. Sina ha Na bulezi kuli, “Ona mo ne kuinezi mwa mazazi a Sodoma, kona mo ku kabelani ha taha Mwana mutu.”

<sup>65</sup> Mi, Mulena, Wa lu lumeleza, ka Moya o Kenile, ku kenya mwateni Linzwi lani ni kunga lika za niti zani ni ku li tamahanya kwa Kalvari, ka Linzwi, ni kubona kuli ku Yena luna ni mutalelela. Mi bufumu ni limbuyoti ni kanya ni zeo kaufela liya ku Yena Ya swanela, ya na ti lo nga Buka mwa lizoho la bulyo la Ya inzi fa Lubona, ni kuina ku fa Teni Kasibili, kakuli Na bulailwe kuzwa kwa mutomo wa lifasi.

<sup>66</sup> Lu bulela za Hae kakusasana cwana, Ndate. Lu lapela kuli U fuyole lipilu za luna. Tuhela Moya wa Hae u zamaye mwahala luna mi u lu fuyole, mane u ekeze kwa kutwisiso ya luna, folisa matuku mwahala luna, ni ku lufa kukoma ka sishemo.

<sup>67</sup> Mi, Mulimu, hanze Ni ya kwande mwa simu ku yo talimana ni sila, Ni lemuha kuli Ni apezi hande ka hola kaufela ka tapelo. Oh, mo Ni itingezi fa lilwaniso zani, sila sa taha, kono ni ziba

kuli sapalo si swanezi kakuli boma ni bondate, ni bashimani ni basizana, Bakreste, baba pepilwe sinca ka kutwisiso, sicaba se si tamehile kuliba Lihalimu si fa mañwele a sona sa lapela, “O Mulimu, aku fe tukuluho!” Mi, Ndate, lu lapela kuli U lu lumeleze kukena mwa llinzila za sila kwande kwani ni kukoma moyo kaufela o munde o libelezi. Eza, Mulena, ni ku ba tisa kuzwa mwa lififi kukena mwa Liseli. Kakuli lu kupa ka Libizo la Jesu. Amen.

<sup>68</sup> Cwale, mwa kauhanyo ya 4 ya Buka ya Sinulo. Ne lufelize kauhanyo ya 3, mi ha lu ngeni ka likute mi Ni ka lika ku sa mi buluka nako yetelele. Kono mwa kauhanyo ya 3 ye, Keleke ya ngelwa mwahalimu sina mufuta, fani Joani ha ngelwa mwahalimu. Keleke ya ngelwa mwahalimu, mi kuzwa ka nako yani kutaha cwalo i talimana ni Isilaele, kufitela Kutaha hape. Kana hamuboni mo si inezi? Sicaba kacenu, mo si inezi, “Sesiñwi sesituna si ka nyunga lifasi kaufela ni lika kaufela.” Zeo ha ki mañolo! Batili, sha. Taba yetatama mwa mukoloko ki kuya kwa Keleke. Mubale mwa masika a likeleke, mwa bona kana . . .

<sup>69</sup> Cwale, lika zeñwi ze zelukela kunga sibaka, ka nako ya Mukiti wa Sinawenga fani Keleke haise ili mwa Kanya. Mulimu ukutela hape ka limakazo zetuna za kueza, limakazo ni kwa lihaha za kwahule ni lika zeñwi, ka Majuda, ha li fiti kwa Keleke ni hanyinyani.

<sup>70</sup> Fa kauhanyo ya 3 kona fo lu felela lusika lwa Keleke. Yeo ki niti. Mi lusika lwa Keleke lwa felai ka bunyinyani cwalo mo lu fumanezi. . . Muteeleze fela faa. Ni—Ni balile taba ye hape kakusasana, ne i ni katalize fela kumwenkauha mwa liмбаemba, sibaka ni buino bwa Krete kwa mafelelezo a lusika lwa Keleke, ifumanwa fa timana ya 20 kuisa fa timana ya 22 ya Sinulo 3. Munahane ka zona Krete, kwa mafelelezo, kona kwa Inzi! Kana U kai kwa mafelelezo a lusika lwa Keleke? Fande a keleke ya Hae, a kashiwa ka likopano ni lituto za litumelo. Ki mubonelo o cwani wa Hae? Kulika ku kutela mwahali. Bwani kona buino bo butomolisa pilu!

<sup>71</sup> Mi lufumana cwana fa kuli, “kasamulaho wa lika ze,” autwa Linzwi le li ambola ni yena kuli . . . Oh, neli sikamañi sani? Moya no zwile mwa lifasi. “Kasamulaho wa lika ze,” ukala kauhanyo ya 1, kamba—kamba timana ya 1:

*Hakufelile zeo Na talima, mi, nabona, sikwalo sa kwaluha mwa lihalimu: . . .*

<sup>72</sup> Sinulo 4:1, kasamulaho Keleke imano ngiwa, mi ni—ni Sikwalo sa kwaluha. Mi lu fitile ku zeo kaufela mi lu fumani kuli yani neli Krete, son Sikwalo. Mi lona Linzwi leli swana lene li zamaya mwahala malambi a sebene a gauda hape neli Linzwi leli swana la na utwile mwa Lihalimu, le lili, “Taha kwanu kambama.” Joani ha na kambami. Ne ku yemela Keleke ye ne liba mwa Kuungelwa.

73 Joani naile mwa Moya, a ngelwa mwa Lihalimu mi abona lika kaufela kuli Mulimu na sepisize ni kubulela kwa balutiwa kuli, “Ki sikamañi seo ku mina haiba a liyeha kufitela Ni taha?” Na boni kutaha kwa Mulena ni sene si ka ezahala. Na boni fa lifasi sene si ka ezahala fa lifasi kwa Kuungelwa kwa Keleke, mi a shimbiwa ni ku yo boniswa kupunya kwa njetumuko ya zona mane ku yo fita kwa puso ya Mileniamu. Oh, ha ki nto yende yeo nji?

74 Cwale, ne lu mu siile Sunda yefelile fa kauhanyo ya 4 ni timana ya 4.

*Mi kupotoloha lubona nekuna ni lipula ze mashumi amabeli ni zene: mi fa lipula ze ne Ni boni kuinzi babahulu baba mashumi amabeli ni babane bali ku yena, inge ba apezi liapalo zesweu; mi ne apezi likuwani za bulena kwa lito ho za bona.*

75 Cwale, lu fumani kuli ba neli babahulu. *Yomuhulu* ha talimwi kuli ki Lingeloi kamba Sibupiwa sifi kaufela. Ki batu baba liuluzwi, babahulu! Kakuli ki. . . Mabona, likuwani za bulena, ni puso ha li ba ami, kwa Mangeloi. Kono haili likuwani za bulena ni mabona, ni zeñwi cwalo, ki za batu. Mi babahulu ba baapeswa mushukwe mi baina fa mabona. Mi lwa ba fumana kwa libaka zeñwi za Mañolo kuli neli ba apositola baba lishumi ka bababeli mi neli mapatriareka baba lishumi ka bababeli. *Mashumi amabeli ni babane* ba bona, ili kutalusa kuli “twenti-foo”: baapositola baba twelufu, mapatriareka baba twelufu.

76 Mi, lu fumani, neba munzi ono tuluka kuzwa ku Mulimu mwa Lihalimu. . . Kasumulaho lifasi li panca mi kaufela li yo shwelela mi hakuna ze siyezi mwa lifasi kwanda mufuse wa macwe o cisa (kona fela ze ka siyala), hakuna kuba liwate ni lelikana. Liwate li ka oma.

77 Sina hane Ni ambola maabani busihu ku yomuñwi, kamba maabani, kokuñwi, lifasi ne li yemanga sina cwana, ona *fani*, kupotoloha lizazi, kucisa mubili kaufela ku kambama ni ku shetumuka. Kafoo kwa British mwa libaka zenani litwa, mwakona kukata mwatasi mwani ka liñokolwa ze mianda iketalizoho ni kufumana linzalu. La taha ka sipundumukela, la ba kangelisa inge filichi cwale. Inge *kufela mezi* mwa mubili, ni zeñwi cwalo, ni *filichi* ya mina ni ku kangelisa miselo yamina ni lika za myaha ni myaha ni myaha ye sa taha. Mwabona? Kona mo ne kuinezi ka nako yani. Kapili kwa taha sinyeho ya muunda mi ya yundisa lifasi kaufela. Mi hane kubile cwalo, mata a atomic a li zwise mwa muzamao wa lona, mi la kangela ni kuinelela ona fani. Mwabona? Mukate mwatasi mwakona ku a fumana, fahalimu mwa libaka zebata ni kokuñwi, likota za nzalu ni zeñwi cwalo. Kubonisa kuli ne kupilanga batu sapili handende, ne kuyahilwe hande. Kono cwale li zikinyehile.

78 Cwale, ko Ni nahana kuli Mulimu na fumani mezi ani, mi Genese ikala, Genese 1, “Lifasi ne li sina sibupeho, mi nelili fela, mi mezi nali fahalimwa buliba. Moya wa Mulimu no ambalala fahalimwa mezi mi ali, ‘Ha ku be liseli.’” Mulimu na kauhanyize cwale mubu ni mezi, hana bupile lifasi. Kono lifasi kaufela ne li kwahezwi. Cwale, sa Na ezize, Yena fela . . . mwa mbyumbyulu, Yena fela . . . buino bwa sibaka ki . . . Libaka za lihalimu litezi fela haidrojini ni okisijini, ni zeñwi cwalo. Mi A li nanula fela kuzwa mwa lifasi ni ku li kauhanya. Nekusina liwate fa lifasi ka nako yani. Mulimu na selaela lifasi, mane pula ne sa nelangi. Na li selaelanga ka maweluwelu ni lika zeñwi, kulukisa miloho. Mi cwale ha Na . . . Taba fela ya Na ezize kwani . . .

79 Fani mutu hana li kasheza kwande a nzila ya lona, ki sikamañi sene si ezahalile? Ne li yumbilwe hape mwa . . . kucisa kwani mwatasi *mo*, mi ni silami kwahalimu *kwani*. Mi ni kucisa ni kubata, ki sikamañi se si tahile mwateni? Lwa ikutwela ona fa mahaulo ao cwale, kwqa cisa mwahali ni kubata fande. Mwabona mifufuzo? Mi pula ha ki nto isili kono ki kufufulelwa, mifufuzo. Mi mezi ki mufuse. Mi kacwalo he ha se i . . .

80 Na lata pina yani:

U beile lizoho la Hao, Mulena yomunde, mwa  
mabala,  
Wa beya lizoho la Hao lelinde fa lika zeñata;  
Mulena, wa be Wa sela sibuba,  
Wa nanula lilundu,  
Oh! Mulena, beya lizoho la Hao lelinde kuna.  
U ezize malu, ku panga malu a bupa pula,  
Kuzwa kwa pula kwa nela liwate,  
Kwa liwate kutahile malu  
Ku lufa bupilo ka buñata;  
Wena usweli lifasi ni lihalimu mwa taelo ya  
Hao, Mulena,  
Oh! Shangwe aku ni beye lizoho la Hao lelinde.  
(Oh, ha ki bunde ni boo! Eeni, ki Mulimu wa  
Lihalimu.)

81 Mi mwa nako tuna ye, i yendamezi sina *cwana* cwale, mi U lu file sepiso, “Hakusana mezi, kono mulilo ka nako ye!” Kufita kuli ba li kasheze kwahule . . . Ba nepela lifasi kwahule ni lizazi, eeni sha, ne li batile. Haiba mu li nepela mwa lizazi, li ka tuka. Mi ka Mwa na li bulaezi fela ka mezi ni kubeya buta mwa mbyumbyulu, Yena “hasana kueza cwalo ni kamuta,” cwale, Na file sepiso kuli Uka “li icisa!” Kacwalo ki fo he cwale fo kutahile sibi ni ze ebelelisa ni busafa kaufela . . .

82 Mi ha ki kale hahulu Ne ni sweli ku kambama mwa mabala. Sina mushimani yomunyinyani ne Ni nahananga, na kunga libuka zaka za litaba za kale za libaka za lifasi ni kunahana ka mabala a kwa wiko amatuna. “Zazi leliñwi,” Se nili, “Ni ka

pila kwani kwa kozo mi ko ku kuzize ko kusina sibi, mi Ni ka lima masimu mi Ni ka zuma sina mu Indian. Mi Nika—Nika pila kwani, bupilo bwa kozo, mazazi kaufela a bupilo bwaka.” Kono cwale seli. . . muuna wa mukuwa ubile teñi. Ko kuya mukuwa, sibi si na ni yena. Ki yena sibulai yomutuna hahulu ni sibulai sa sicaba kaufela mwa lifasi, ki muuna wa mukuwa. Ki yena mukwenuheli kwa mibala kaufela!

<sup>83</sup> Kwanu ha ki kale hahulu mwa mutende (Muzwale Thom fa, yazwa kwa Africa), Ne ni boni kaemba mwa pampili lisunda zepeli kwa mulaho, Na lumela neli cwalo, mi ki hali. . . se bali, “Haiba ma American ba sa lumelezwa kuya kwa Africa, mwa lilimo ze lishumi kuzwa cwale tau yetuna ya Africa ikaba siyo kufebelela, litou.” Bakwenuheli ba kunupa fela kai ni kai ko bakona. Siswaniso sa lipoho zepeli zetuna inge linanuzi ya poho yeñwi ye ne holofezi. Ne ku bonahala inge kuli mioko nebuba mwa meto a zona. Ne li sa lati. . . kuli kushwe ya musali. Mi yeñwi ni yeñwi inge i nanulezi kwa makupo, sina *cwana*, kuli isike ya wela. . . fa fasi. Ne ikunupilwe fela mwa liembaemba. Mutangana ya ikunupela fela cwalo ha lukeli kuba ni tobolo mwa lizoho la hae. Yeo ki niti. Hauna mayemo hande kuli u i swale.

<sup>84</sup> Cwale, lilimo nyana kwa mulaho, ne ni lika kumatisa mutapi, wa likwalata, ku mulikana ka yomunde, Muzwale Roy Roberson ni babañwi kwa mulaho kwani, hane Ni sweli ku zamaya mwa Colorado; ne ba ziba kuli ne luna ni mutapi omunde. Jeff ni Na ne lu nani zona kwani mwahala myaha ni myaha, mwendi neli bukaufi ni eite ya kwalata mwa mutapi. Ba lumeleza babañwi batu ba liofisi za mwa Denver kutaha kwani ni malukwe a liapalo za sisali, ze na ni mungundo ya sisali kwa mahutu. Bani ki bazumi. Hmm! Ki bao bataha kwani, sikwata, mwa limota ni lika zeñwi ze cwalo, ba kena mwa libaka za luna kwani.

<sup>85</sup> Mi ne Ni sweli ku sabisa likwalata zani fa lilundu kwa mulaho wa zona, mwendi neli maili kamba zepeli, mi ne li sweli ku ya inge li sheshela cwalo. Muna ni ku li shembashemba hande, lipoho zetuna ni lika zeñwi; ha u sa ezi cwalo, mu lyanganisa mutapi kaufela. Kuswana fela sina kul uta likomu kamba sika kaufela. Limunanu za mwa naheñi li lukela kuba nto yeswana ku luna. Ha ki fa kuitutela kunonga. Haiba mubata ku kunupa sika kaufela ili kubona kuli waziba kunonga bana fa kukunupa. Yeo ki niti. Ki maswabisa ku ikunupela fela ze cwalo. Ki sibi, ha ki bumulumu!

<sup>86</sup> Mi Na talima fa lipaundi ze mwanda ni mashumi amabeli ka zetalu mwa litobolo za mushini, cwalo, ku li kunupa fa maheta a zona. Mi habusa lelitatama, Muzwale Banks Wood fa ni na, lwa ya fa lilundu, Ne ni balile libaka ze naintini zetezi fela mali. Hakuna ze ba ziba ka za kuzuma; wakona ku kunupa folofolo yetuna sina cwalo, wakona ku inata kuinata kupunya mwahali

mane ni kuibulaya. Mi se li sabela fela kwahule, “bang bang bang”, ba kunupa iliñwi ka iliñwi hape. Kiñi, li ka shwa. Mi ki sikamañi se si ka . . . Kasamulaho wa fibeles ili kenela, haiba mu ka li fumana ha lisana bunde, za isinyehela feela; mi manoñu, maakanyani ni zeñwi, za icela zona. Mibili ye naintini ya zona yelota fela mali, lipoho zetuna, litaku zetuna *zani* ntatalitanti fa mubu, mi mali na sweli kusulauha cwalo kwa mautu amabeli kone li kunupilwe ni ku pazulwa ka litobolo zani. Ha ba lukeli kulumeleza muyambaeli ya cwalo kuli aswale tobolo mwa lizoho la hae. Yeo ki niti. Haana mayemo a kuswala tobolo. Oh, ki nto yesabisa hahulu, ki sibi ka bushwandi kueza cwalo.

<sup>87</sup> Zeo li maswe, kono bao ki ma American. Canada, mina sicaba sesinde se si zwa kwa Canada! Haiba America izwelapili cwalo, Canada ikaba sina America mwa kunyazahala, kasamulaho nyana. Mu ye kwa milulwani ya Canada kai ni kai, mu ka fumana buino bwa naha ya America mwa sibaka sateni. America ye kona lihule la linaha. Ona cwalo kona mwa inezi, mi ukaba ya maswe hahulu kufita sapili cwale. Utaha kwa mafelelezo a hae! Biblele ibulela za sinyeho ya yona, ibulela mo i ka bela. America: ye totobezi mwatasi, ye bolile, ye masila, haina bunde. Yeo luli ki niti. Ibile naha yetuna. U lwezi liñusa la Evangeli. Ki sikamañi se si eza mo i inezi? Kakuli u fulalezi Liñusa la Evangeli, ni ku hana Niti. Wa sabisa. Una ni zona ze sa taha, musike mwa bilaela. Ni li boni kale mwa pono kakuli SA BULELA MULENA KISONA! Za taha. Uka lifa ka libi za hae.

<sup>88</sup> Kwa mulaho kwani fani America hane ili America, neli naha yetuna. Naha yetuna hahulu ye zibahalile kwa lifasi kwanda Israel, neli America, kono ke i kenya mwa kutampakana cwale. I hanile Liñusa. Hakuna za ngile konji fela . . . Cwale una ni fela . . . Mwakona kubona fa inzi cwale. Mañi ni mañi wa ziba cwalo, mwa liketisa za mafelelezo kubonisa fo ku yemi mayemo a hae. Uh-huh. Ha zibi.

<sup>89</sup> Cwale, babahulu ba bainzi fa lubona ni mushukwe wa hae. Cwale, timana ya 5, lu ka kalisa:

*Mi kuzwa mwa lubona neku zwa mamonyi . . .  
mishika . . . manzwi: mi nekuna ni malambi a sebene  
a tuka mulilo fapila lubona, ili Mioya ye sebene ya  
Mulimu.*

<sup>90</sup> Oh, Na lata cwalo! Mina bo? Oh, Ni ikutwa fela kuli koti yaka ya ni likana handende, mwa ziba. Na fela . . . mi . . . Oh, Ni talusa mwa koti ya moya, eeni sha, mwa ziba. Ku lukile.

<sup>91</sup> “Kuzwa mwa Lubona.” Ha lu amboleñi fa Lubona lo cwale ka mizuzu yelikani. Lo ne si Lubona lwa sishemo. Lubona lwa Sishemo lu felile; hakusana sishemo, ki kwande a sishemo. Lu ka ba cwani . . . Sipula sa katulo sikaba cwani sipula sa katulo sa Kreste, sipula sa katulo, ona Katulo ya Lubona Lolusweu?



Kana ku kaba sishemo kanti nako yeo? Hakuna neba siemba silisiñwi sa sishemo se si ka fiwa. Fa Lubona lwa katulo mwa kona kuhuwa “sishemo” kufitela mu palelwa kuhuwa, mi kikuli, wakona kuhuwela mwa moya kokuñwi, kakuli hakusana sishemo hape.

<sup>92</sup> *Cwale* kona lizazi la sishemo! *Cwale*, ha lu kuteleñi mwa Testamente ya Kale mo hanyinyani fela ni kufumana seo sishemo sili sona. Mu kutele kwa mulaho mi mubone sene si ezahalile kwa Lubona loo. Lubona loo, eeni sha, ki—ki sipula sa katulo. Mi mube . . . libaka kacenu ha ku sa na ni sishemo, kakuli sipula sa sishemo si fafalezwa ka kutwano ye sa liteni. Mali! Mi haibile fela Mali a mwa sipula sa katulo konakuli hakusana katulo hape, ki sishemo, kakuli Sesiñwi si shwile kuli sitibe katulo. Haiba mwa si bona, muli “Amen.” [Kopano ili, “Amen!”—Mu.] Haibile fela Mali ateni fa sipula sa sishemo, ki kubonisa kuli Sesiñwi ne si shwile kuli sitibele katulo. Kono *cwale* Keleke ha se ingilwe, sipula sa sishemo si ba sipula sa katulo!

<sup>93</sup> Fabuse, mwa ziba, mwa Testamente ye Nca mo, hape, “Ni tempele.” Foo kona—kona muatuli . . . mwa sibaka se si kenile, muatuli fa sipula mwa sibaka sesi kenile. *Cwale*, sipula sa katulo sani mwa sibaka sesi kenile ne si tala musi. Neli sikamañi sani? Sina Lilundu la Sinai, katulo! Sishemo ne si zwile fa—fa Lubona lwa Mulimu. Mulimu uka atula lifasi kusina sishemo. Ki ba bakai baba ziba cwalo?

<sup>94</sup> Nto iliñwi fela Ya ka lemuha mwa lizazi lani, ki sikamañi Seo? Mali. Yeo kona nto inosi fela ye tabisa Mulimu ya nyemile.

<sup>95</sup> Adama ni Eva neba bile ni sapalo sesinde sina ba Methodist kaufela, ba Baptist, Presbyterian, kamba Mapentekota mo ne ba ka ezeza, ne si apesa mapunu abona. Kono Mulimu na kona kubona kupunya ni kwabuse, kacwalo A bulaya folofolo ni kunga mukata wa ye shwile ka—matalo wa folofolo ye shwile ni ku i apesa. Mali nana ni kunga sibaka sa yona. Sani ne si tibela buhali bwa Hae, Na bona mali ni ku kuta mwa mulaho, kakuli sesiñwi ne si suluzi bupilo bwa sona. O Mulimu!

<sup>96</sup> Munahane ka zona! Nto fela ye ka tibela Mulimu ki Mali. Mi kuna ni fela Mali a mufuta ulimuñwi Aka yemela sani, mi ani ki a Mwana Hae Tota. Ha Ka bona Mali a Mwana Hae Tota, Uka kuta mwa mulaho. Kakuli yani kona mpo yeli . . . Mulimu u file ku Mwana Hae, ku to liulula ba Na izibezi kale, mi li tisa Mulimu mwa kukuta mwa mulaho kwa katulo ya Hae. Kono *cwale* Mali ani ha sa zusizwe, mi kaufela ba ba zibilwe kale ba bizezwa mwa Mubili omunde, Keleke ya Hae i itukisize mi ya ngelwa mwahalimu, kipeto buhali bwa Mulimu bu tulukela sicaba.

<sup>97</sup> Oh, muzwale, u si lati ku yo yema kwani! Tuhela kuli ni yeme fa pila tcancaule mwa liembaemba, tuhela kuli ni sahiwe mainci a ka mainci, sika kaufela ha si ezahale (sina buitamo bwa ba Knights of Columbus), ha ba ni pazule fs mba ni kucisa saufa

ni lika zeñwi kaufela kuna, mi mazoho a ka ni mautu a pumiwe kwateni, seo kaufela sikona kuba sona, kono *nisike* na yo yema fa Lubona Lolusweu lwa katulo fapila Mulimu.

<sup>98</sup> Oh, ha lu boneñi ninge lubona nyana loo *fa* fapila sipula sa Kreste ni kuamuhela Mali a Hae. Hakuna sika mwa mazoho aka se Ni tisa, Mulena.

Hakuna—hakuna sibuba sesiñwi se Ni ziba,  
Hakuna sika kwanda Mali a Jesu; (Kona fela ze  
Ni ziba ka zona.)

Ye kona sepo yaka kaufela ni kupila,  
Hakuna konji Mali a Jesu feela.

<sup>99</sup> Ki kabakaleo Eddie Perronet . . . na sikuluhezi kwa lipina za hae. Ha na li Mukreste, Mukreste ya tezi luli, ne ba sa lati kuleka lipina za hae. Zazi leliñwi abulela kuli, “Ni ka ñola iliñwi, mi zazi leliñwi . . . ba ka i amuhela.” (Mi sicaba ne si bata nto yeñwi yebonahala bunca mwa lipina za bulapeli.) Zazi leliñwi Moya o Kenile wa mu swala, mi a nopa siñoliso ni ku ñola kuli:

Kamukana amu lumbe mata a Libizo la Jesu  
kaufela!  
Mangeloi kamukana awe ka mañwele;  
Amutise mushukwe wa silena,  
Mu Mu apese mushukwe Mulena wa babusisi.  
Kakuli ku Kreste, yena Licwe lelitile, Ni yemi;  
Libaka zeñwi kaufela ki lishabati,  
Libaka zeñwi kaufela ki lishabati.

<sup>100</sup> Kamba ki keleke, kamba ki mulikani, kamba ki sila, kamba ki naha, kamba ki bufumu, kamba ki bubotana, kamba ki zende, kamba kaufela seo sili sona, libaka zeñwi kaufela ki lishabati! Yeo kona nto inosi fela, mafelelezo a ka fela. Kono:

. . . Kreste, yena Licwe leli tiile lani, Ni yema;  
Libaka zeñwi kaufela ki lishabati. (Mubuluke  
seo mwa minahano ya mina.)

<sup>101</sup> Mulemuhe! Ha lu yeni mwa Levitike 16, ni kubala kwa mulaho, kwa mulaho koo wa Bibeke cwale, mwa milao ya Malivi, ni kubona mo mwa Levitike—Levitike kauhanyo ya 16. Mi lukalele ka timana ya 14 ya kauhanyo ya 16. Oh, Na—Na lata kunga ka kuiketa fela ka litaba ze, ku li tatulula. Levitike fouti- . . . kamba Levitike 16:14.

*Mi ange mali a pohwana, mi ka munwana wa hae  
hase fahalimwa ka munwana wa hae situlo sa sishemo  
(Fa sipula sa sishemo! Mutalime, lu ka kena ku se  
kasamulaho nyana.) . . . east; . . .*

<sup>102</sup> Musike mwa libala linzwi leo “Neku la upa”! Kana Jesu u zwelela kai? Kwa upa, mwa lilu la Kanya. Kana l-i-z-a-z-i lipazulelanga kai? Upa. Kana M-w-a-n-a u ka zuhela kai? Upa.

Kana sipula sa sishemo ne si inzi kai? Kwa upa. Ki kabakalañi ha Ni mi inisize kutalima neku la upa *le*? Kiñi? Aletare iinezi kwa upa. Lu ka libona kasamulaho nyana, ha ki bunde ni boo, Ni ka li swanisa. Ne ni kupile babañata mo ne Ni ka konela kutisa mapampili ni zeñwi cwalo, kuli ni nge pampili ye mwa mizuzu yelikani. Ku lukile:

*. . . a si fafaleza . . . kwa neku la upa; u sase ni fapila sipula sa sishemo . . . mali ka munwana wa hae ha sebene.*

<sup>103</sup> Oh, kana ha ki nto yende yeo? “Linako ze sebene kwa upa.” Ki sikamañi seo? Masika a Likeleke Zesupa aka apeswa ka Mali. Haleluya! Mali a Jesu Krete ki a kwanile ku zona hande, maabani, kacenu, ni kuyakuile, mi kwa lusika kaufela, kuli apilise mueza libi kaufela, afolise mutu kaufela ya kula, kutisa makazo kaufela, sisupo kaufela se si lukela kuezahala. “Linako ze sebene,” koo mwa Testamente ya Kale, myaha ye mianda ye lishumi ka yemine ni ye nainte Krete asika taha kale. Munahane ka zona! Sisupo, “linako ze sebene li ka . . .”

*U ka taba sicembwe . . . sa ku ezeza sitabelo, sicaba bakeñisa sibi, u ka isa mali a sona kwa buse . . . kwa buse bwa lisila, mi uka eza ka ona mwa na ezelize ka mali a pohwana, . . . ku li fafaleza fa sipula sa sishemo, mi fapila sipula sa sishemo:*

*Mi kamukwalo cwalo uka ezeza sibaka se si kenile sebelezo ya tifo, kabakala . . . masila a . . . a bana ba Isilaele, ni kabakala libi kaufela ze ba fosize ka zona: u ka eza cwalo ni bakeñisa tende ya kopano yeinzi ku bona, mwa hala za bona ze—ze si ka kena.*

<sup>104</sup> Neli sikamañi sani? “Sipula sa sishemo.” Kana bainzi kai cwale? Mi mwahali a areka nekuna ni sikamañi? Neli mulao. Mi mulao, ku foseza mulao ulimuñwi no lukela kushwa kusina sishemo. Kono bakeñisa kuli nemukaba ni sishemo, mali nana ni kubeiwa fa aletare. Ba lamba sipula sa sishemo. Mi sipula sa sishemo kona katala fo u kubama ni kukupa sishemo. Mulimu wa hanisa kuli lu li zwise mwa likeleke za luna, aletare ya kale koo batu bakona kukubama ni kubiza Mulimu ka sishemo. Mi sishemo si fumile, mi si buba kuzwa mwa Mali a Mulena Jesu. Cwale, hape, sani kona sishemo. Sani kona sipula sa sishemo.

<sup>105</sup> Kono mulemuhe mwahali mo, ne si sipula sa sishemo, kakuli ne kuna ni “mamonyi ni mishika ni manzwi.” Hakuna mamonyi ni mishika kwa sishemo. Yeo ki katulo.

<sup>106</sup> Halu apuleñi mwa Exoda, kauhanyo ya 19 ya Exoda ni timana ya 16. Exoda, kauhanyo ya 19 ya Exoda, mi ha lu kaleni ni timana ya 16:

*Mi kwa ezahahala kuli . . .*

Muteeleze ka...fani Mulimu ha kambamela fa Lilundu la Sinai:

*Mi ka lizazi la bulalu ka nako ya kakusasana, mishika ya ba teni...ni mamonyi, ni lilu lelikima fa ngo ya lilundu, ni mulumo wa tolombita o mutuna hahulu; (Linzwi la tolombita ki sikamañi? Ki lingeloi lelituna.) kuli mane sicaba kaufela... (Muteeleze!)... sicaba kaufela...se sili mwa mafulo sa ngangama.*

107 “Katulo!” Whew! Ne ba ile kwani mi Mulimu na bafile sishemo sa ku zamaya, kono ne ba tokwa mulao. Bona... Mulimu na bata kuli babe likopano ze shutana; ne ba bata kupanga kopano ku zona, sika sene bakona ku kanana ka sona, kufita kuli ba latelele fela Mulimu ni kupila mwatasa mafulo a Hae, mwatasa mata a Hae. Sishemo ne si tizise mupolofita, sishemo ne si lukisize tifo (ngunyana), muhau no tizise lika ze kaufela, kono niteñi ne ba sa bata katulo. Ne ba bata sika sene bakona kueza.

108 Mulimu ali, “Ba kubukanye hamoho, Ni ka ba zibisa sona. Ni ka ba bonisa seo sili sona.” Mubale! Muteeleze! Mi linzwi la tolombita la huwa hahulu mane katata kufitela li to nyunga lifasi. Mwabona seo katulo ili sona. Hani lati zeo. Uni fe sishemo!

109 [Muzwale Fred uli, “Muzwale Branham?—Mu.] Mi... [Muzwale Branham?”] Eeni? [“Neli sikamañi seo—seo Liñolo la mafelelezo le mu balile?”] Yani neli Exoda, ki—ki—ki kauhanyo ya 19 ni timana ya 16, Muzwale Fred. Exoda 19:16.

110 Cwale, mulemuhe timana ya 17:

*Mi Mushe a zwise sicaba kuzwa mwa mafulo ku to katanyeza... Mulimu; (Oh, mawi! Ni bata ku Mu katanyeza mwa kozo, isiñi ze cwalo.) mi ba yema mwa mukulo wa lilundu. (Kwa mulaho kafoo.)*

111 Muhupule, lilundu lani ne li swanisize mwa matuko a lona. Nihaiaba kuli komu ne i ka ngunyuta kwa lilundu, neina ni kushwela ona fani, ne sa koni kutaha fa Pila Mulimu. Mi Mulimu... “Mi Mushe a tisa sicaba.”

112 Cwale, timana ya 18, timana yetatama:

*Mi lilundu la Sinai ne li twishana... musu, kakuli MULENA na shetumukezi ku lona ali mwa mulilo:... (Ki kutwishana fela musu ni kulyakata inge ondo.)*

113 Ki sikamañi sa Na tulukezi? Isiñi mwa Kanya ya Hae ya Shekina, kono mwa buhali bwa katulo ya Hae.

*... musu wa lona waya mwa halimu inge musu wa liyekuyeku, mi lilundu kamukana la njanja hahulu. (Muzwale, Hani lati kuba kwani!)*

*Mi cwale lilata la tolombita ha li nze liekezeha hahulu katata cwalo, Mushe a bulela, mi Mulimu amu alaba ka*

*linzwi le li utwahala.* (Mushe a bulela; isiñi sicaba, ne ba sweli ku njanja mwa liemba emba.)

*Mi cwale—mi MULENA a shetumukela fa lilundu la Sinai, fa ngo ya lilundu: mi MULENA abizeza Mushe fa ngo ya lilundu; mi Mushe a kambama.*

*Mi MULENA ali ku Mushe, Shetumuka, mi u laele sicaba, kakuli ba ka swana ba punyeleza ku MULENA ku to buha, mi kwa shwa babañata.*

114 [Hakuna manzwi fa tepu—Mu.] Sicaba si inzi kwa mulaho wa keleke mi ba seha mutu ya bulela ka malimi, kamba kubinela mwa Moya; ki ku shwa, ku nyefula Moya o Kenile, kuswaiwa kuyakuile! “Yo kaufela ya bulela linzwi ka kulwanisa Moya o Kenile haana ku swalelwa mwa lifasi le, nihaiba mwa lifasi le li sa taha.” Musike mwa Li buha fela! Muinele kwahule ni Lona kamba ku Li amuhele!

115 Kihande lu tuhele Liñolo leo. Lu ipalele lona, ze siyezi zateni, mubone sa na bulezi Mulimu. Mi sicaba sali, “Oh, Mushe, wena ubulele. Ku sike kwa bulela Mulimu hape! Kambe ne lu si ka kupa taba ye.” Mwabona? “Ha ku ambole ku luna, Mushe. Mulimu ha ka bulela, kaufela luna luka shwa.” Mwabona, Mulimu na ezize tifo.

116 Cwale, “Linzwi la fa Lubona.” Mulemuhe mwa Lubona loo, “fapila Lubona nekuna ni linaledi ze sebene,” ki Linzwi la linaledi. “Manzwi,” mwa bona. Nekuna ni abañata mwa Sinulo 4 mo, kamba 5, lu fumana kuli, “Mi kuzwa mwa Lubona kwa zwa mamonyi, mishika, ni manzwi.” Hakuna linzwi li *liliñwi*; “manzwi,” mwa buñata. Neli sikamañi sani? Mulimu na ambola kwa keleke, inza iponahaza Iliyena mwahala Mioya ye supa. Mi mutoziwa wa niti wa Mulimu ha bulela, ki Linzwi la Mulimu! Ku Li hana ki kuzusa kandela. Mwabona? “Manzwi,” Linzwi la Masika a Likeleke Zesupa (ona mwa lilulu le), manzwi a bulela ka mishika ni mamonyi.

117 Mazazi a cwale balata hahulu kuli, “Kihande, ha lu lumeli mwa kubulela kuli ‘lihele’ fa katala.” Oh, makeke! Kuyabana luli! Hmm! Lu tokwa baana ba Mulimu, baana babasike ba keshebisa!

118 Cwale, mutu kaufela hakoni kuba mukutazi, kono una ni linzwi. Mi haiba haukoni ku kutaza kwa sicaba sebelezo. . . Haiba u mukutazi, u bizelizwe kwa katala ku to kutaza. Haiba ha u cwalo, u sa li mukutazi, kono *pilela* sicaba kutazo. Tuhela kuli kutazo ya hao *ipiliwe*, mi ki Linzwi la Mulimu le li ka nyaza baba Li hana. Ba li, “Hakuna ya kona kusupa munwana fa bupilo bwa hae muuna kamba musali. Ki babande, ba bapila. . . Bona. . . Haiba kukile kwaba muuna wa Mulimu, ki yena muuna yani kamba musali yani.” Mwabona, mupile ka likutazo za mina. Usike wa lika ku ba mukutazi haiba ha u si ka bizezwa kuba mukutazi; mu ka lyangana fela, ni hakuli cwalo, ni kuswaba

fela, mi mu ka katalisa sicaba, mane hamuna kuziba. . . Kihande, uka—uka ba lyanganisa ni wena hamoho, hape. Upile fela ni kutazo ya hao!

<sup>119</sup> Mukutazi ubizizwe kuli akutaze za hae, ni kupila ni zona. Haiba ha ukoni kupila Cwalo, konakuli tuhela ku Li kutazanga. Kono mu lukela kupila kuya ka likutazo za mina.

<sup>120</sup> Ku lukile, fa nekuna ni “manzwi.” Oh, mo lu tokwela mwa Jeffersonville likiti za manzwi a piliwa, mushika wa Mulimu u nzo luma mwa bunde ni kukena, kukena, bupilo bo bu si silafala, baba zamaya mwa lifasi kacenu, kusina nyazo. Eeni, sha, Bakreste ba niti, kona mushika o lwanisa sila. Diabulosi haana taba kamba u kona kuhuwa cwani; diabulosi haana taba kamba ukona kutula cwani kamba ukona kueza cwani se kamba kuhuwa. Kono se si holofaza diabulosi ki kubona bupilo bo bu kenisizwe, bo bu ipile ku Mulimu; kubulela sika ka yena, mu mu bize sika kaufela, ka bunde fela mo kukona kubela ni kuzwelapili ona cwalo. Oh, mawi! Zeo za mu yumbela kwahule, kona mushika o nyanganyisa diabulosi.

<sup>121</sup> Inge fela kuli, “Kihande,” mu li, “haiba na ka kutaza inge Billy Graham kamba Oral Roberts, kamba mutu yomuñwi, mubuleli yomotuna ya mata, uka ba. . .” Oh, batili! Fokuñwi diabulosi wa li sehanga fela zeo. Ha isezi ngana ku zeo ni hanyinyani. Munge lituto za bulapeli—bulapeli kaufela lituto ze mubata ni lituto bumulumu kaufela, mi diabulosi uka ina fela kwa mulaho ni ku li seha. Kono ha bona Bupilo bwani!

<sup>122</sup> Mutalime balutiwa bani kwani, yena mwana wa butuku bwani yani zazi lani ni kanono, kuli, “Zwa ku yena, diabulosi! Zwa ku yena, diabulosi! Zwa ku yena, diabulosi!”

<sup>123</sup> Diabulosi ainzi fani, inge ali, “Cwale, kana ha u ikutwisi maswabi nji? Cwale, mwa bona se mueza? Jesu na mi bulelezi, Na mi lumile, kuli mu ni leleke. Hakuna nihaiba alimuñwi wa mina yakona kueza cwalo.”

<sup>124</sup> Kono, muzwale, ha ba Mu bona inza taha, Alimuñwi ataha inza zamaya ka kukuza. Uh-huh. Oh, mawi! Na sa lukeli kubulela sika. Diabulosi yani nana ni kusaba ona fani. Na ziba kuli nana ni kufunduka, kapili, kakuli nekutaha Bupilo; isiñi fela kutazo, kono ki Bupilo. Ali, “Zwa ku yena.” Oh, mawi! Sani ne si ezize lika! Ka kukuza; Na ziba sa Na bulela, Na ziba sa Na eza.

<sup>125</sup> Cwale, “Manzwi,” manzwi a litolombita zesupa, neli manzwi a linaleli zesupa, balumiwa baba supa. Kono cwale mutalime fa:

. . . mi . . . malambi a sebene . . . fapila lubona, ili Mioya  
ye sebene ya Mulimu.

<sup>126</sup> “Malambi a sebene.” Ha lu swaniseni hanyinyani fa, Lubona, sibaka se si kenile, ni kopano. Mi ona fa neku na ni (iliñwi, yabubeli, yabulalu, yabune, yabuketalizoho, yabusilezi,

yabusupa) linaleli ze sebene, malambi a sebene, Mioya ye sebene; ha ki kotalusa kuli Mulimu u mwa Mioya ye sebene, kono ki “likalulo ze sebene za Moya o Kenile oswana.”

127 Moya o Kenile ukai? Fa fa Lubona, wa benya mwa lusika lwa keleke kaufela. Lusika lwa keleke *ye* lu sweli ku bonahala kwa mulaho neku *le*, manzwi a Mulimu, Jesu Krete wa swana maabani, kacenu, ni kuyakuile. Mwabona, sebene, nekuna ni “manzwi.” “Ni malambi a sebene a mulilo,” Mioya ye sebene, “ili Mioya ye sebene ya Mulimu.”

128 Muhupule Lisunda nyana zefitile ne lu talimile mwateni, yona daimondi yetuna? Kono li pumakilwe mwa mikwa yeshutana kuli li monyehe mulilo ni maseli ku lona. Yani kona nzila, “Jesu Krete ki yena makalelo a pupo ya Mulimu,” Sinulo 1. Kana ku cwalo? Kona kuli Mulimu na bupilwe lili? Ki yena makalelo a pupo ya Mulimu. Kanti Mulimu ki wa Kuyakuile. Kana ku cwalo? Kono cwale Mulimu ha bupiwa . . . haiba mbututu yomunyinyani yana itwezi mwa mba ya mahe, ili mwalyanjo. Mi akala kuhula ka kubupiwa mwa maselu a mwahala hae kuli apepe mwana yomunyinyani yoo, ani neli ona makalelo a pupo ya Mulimu, “Kakuli Mulimu na ezizwe nama a to yaha ku luna, mi aba *Emanuele*, ‘Mulimu una ni luna,’ makalelo a pupo ya Mulimu.”

129 Mi cwale mwa Licwe lelituna lelinde lani le li zwile kwa liluli. . . kakuli Na bupilwe kwa liluli. Kana ki niti yeo? Na ca lico sina mo Ni celanga, Na cile lico sina mo mu celanga ni mina. Kanti, mane ka liluli la mubili, Na tiloba kalsiamu, potashi, petroliamu, liseli la kozimiki, kono ku Yena neku na ni Liseli la Kuyakuile. Ki kabakaleo baana ba babutali ne ba ize kwa Naleli, “Lu etelele kwa Liseli la hao le li petehile.”

130 Ne ba sweli fela ku monyeha Liseli la Liseli Lililiñwi leli petehile. Mi ki Yani nali fani, ona Liseli le li petehile la Mulimu, ona makalelo a pupo ya Mulimu. Cwale, mwahali mwani nekuna ni Yena. . .

131 Kana Na ka kona cwani ku iponahaza Iliyena kwa linaleli za Hae za lifasi, kasamulaho baana ba babutali ba Mu bona mwa Lihalimu, mi baba mioya ye sebeleza fa lifasi fa? “Na holofezi (ili Daimondi yetuna, ye sehuluzwi) ka libi za luna, a titikelwa bumaswe bwa luna, koto ye lu fumani kozo ka yona iwezi Yena fahalimu, ka miupa ya Hae lu folisizwe.” Neli sikamañi sene Si ezahala? Kumonyeha!

132 Mutu kaufela ya ipapata kuba mutanga Mulimu, ya latula foliso ya Bumulimu ni mata a Hae, ha amuheli liseli la hae kuzwa kwa Daimondi yani, ha ngi liseli la hae kuzwa fa Lubona lwani. Kakuli Li Mu bonisa kuba ya swana maabani, kacenu, ni kuyakuile mwahala linaleli ze sebene ni Masika a Likeleke Zesupa.

133 Oh, tumbo ibe ku Mulimu! Ni sepa kuli kwa swanela kuli mukutazi a lapele Mulimu kuzwa fa katala, ka buitungelo ni milumbeko ni likute ni ka mata. Oh, haki niti ni yeo, mo si tabiseza moyo waka kufitela Ni utwa inge Ni ka huwa, ni kumata mata ni kutulaka mo ne Ni konela, kakuli kuna ni Sesiñwi mwahali kuna se si ni cincize mo ne Ni belanga sapili. Ha ni yo mo Ni lukela kubela, mi isiñi se Ni bata kuba sona, kono Ni ziba kuli Ni cincizwe kuzwa ku sene Ni banga sona. Sesiñwi si ezahalile, sesiñwi si ngile sibaka!

134 Ni kuyema fa kubona Linzwi la Kuyakuile le li kashize liñungwa kaufela! Ha ne ba lika kucisaa Libibele ni lika kaufela, La boniswa ona cwalo ka kuswana, kakuli Ne li bulezi kuli, “Lihalimu ni lifasi li ka fela, kono Manzwi a Ka haana kufela.”

135 Kwa ñambamo kwanu bukaufi ni Chicago cwale, mi ni—ni Bibele iinzi fa katala ya keleke. Kwa mulaho kafoo Ndwa ya Pili ya Lifasi isika kalisa kale, mulumiwa nana ni yona mi mulikana hae a baka, mi na bata kufa mulumiwa yani Bibele ya hae, ali, “Ha ni koni ku kufa ye, ki boma be ne ba ni file yona.” Ali, “Ha, Ni ka fita kwa ndu, Ni ka ku lumeleza iliñwi.”

136 Akala kukuta mwabuse bwa liwate nmi sisepe sa ma German sa—sa panca. Ne ba si ka fumana siemba sa sona. Mi lilimo zepeli kasamulaho, kwa likamba, ba bona sikwakwati se si cimbauka. Babañwi ba bona neba hupula kuli ikona kuba nto yene nwezi mwa mezi, mi kacwalo ba nga sipongisi sani ni ku ku sikwalula, batu bababeli inge ba zamaya cwalo. Mi mwahali mwani, nto fela yene tilo pilile, nekuna ni yona Bibele yana lumeleza ku mukutazi yani. I beilwe fa katala fa bukaufi ni Chicago kacenu, mwa keleke ya Methodist. “Lihalimu ni lifasi li ka fela, kono Manzwi a Ka haana kufela.”

137 Ka nako ya muunda kwanu, ka 1937, keleke nyana ya kale ye, sileze ni zeñwi cwalo ze neli ku yona, ne lu pahama fahalimu a yona fa mwa—mwa mukolo wa kubeta. Muunda ne u ekezehile. Mi, kihande, busihu bwani Ni ma no kutaza Evangeli na siya Bibele yaka inge i kwaluhile fa katala hane Ni ile kwa ndu; ni ku bulela kuli muunda wani no taha, Se nili, “Ne ni muboni inza pima ka liñokolwa ze mashumi amabeli ka amabeli mwa mukwakwa wa Spring kwanu.”

138 Muzwale Jim Wiseheart wa mucembele ni babañwi neba ni seha. Mwa hupula cwalo, Muzwale George? Se nili. . . Yena—yena ali, “Oh, Billy, mwa ’84 neli fela mainci a silezi mwa mukwakwa wa Spring Street.”

139 Se nili, “Ne boni muuna yana zwa mwa mbyumbyulu, mi anga kakota ka kupimisa ni ku ka kakatela mwa mukwakwa wa Spring Street, ali liñokolwa ze mashumi amabeli ka amabeli.”

Ki hali, “U tabezi fela.”



Se nili, “Ha ni si ka tabela! Kakuli SA BULELA MULENA KISONA!”

140 Mu ba buze kuli neli liñokolwa zekai ze neli mwa Spring Street. Ki liñokolwa ze mashumi amabeli ka amabeli ka—a mainci! Ka kukumbahala.

141 Mi Bibebe ya kale yani kone i kotalizwe busihu bwani. . . Akala kunela, muunda u nzo fetauha ine o bila ni zeñwi cwalo, mi kekeke ya kale ye. . . Lipula za yo kakatela mwa situwa, Bibebe yaya tiba hande ku yo swala kwa situwa sa mwahali, inza sweli kutapisa mwatasi mo ka mezi ani kaufela ana pahama cwalo. Katala ka pahama fahalimu fani. Za taha ona cwalo kutuluka; mi sipula kaufela saina hande mwa sibaka se si swana, ni Bibebe ya to lula mwa sibaka se si swana, ona mezi ani kaufela, kono niteni ne i sa kwaluhile, mwa kauhanyo yeswana fa sibaka se si swana.

142 “Lihalimu ni lifasi lika fela, kono Linzwi la Ka halina ku fela.”

143 Mane Bibebe yani mo i cimbaukezi mwa mezi a lizwai ka myaha yemibeli kusina nihaiba ku nyanganyisa manzwi ku Yona! Linzwi la Mulimu ki la niti. Amen.

144 Na hupula kasumulaho wa fani, Muzwale Jim Wiseheart a tabela hahulu ka sani, nako kaufela ha na banga ni butuku fa lizoho la hae. . . Na bile ni butata nyana ha to kwanisa lilimo ze sebente-faifi za kupepwa, a kula butuku bwa kuopa mwa lingongo. Butuku ne bu mu kataza *fa*, kipeto u matela kunga Bibebe, ni ku i kwalula, ku to i lula fateni, butuku bobuñwi fafasi *fa*. Na ya kwateni zazi leliñwi mi nana ni Libebebe zeñata fahalimwa hae Ne ni sa boni Muzwale Jim, nana ni fela Libebebe fa mubili kaufela! Ki hali, “Ki sepišo ya Mulimu!” Kona cwalo.

145 “Lihalimu ni lifasi li ka fela, kono Manzwi a Ka haana kufela.”

146 Muhupule muuna muhulu na tahanga ku to ni bona. Mi hakuna ni yomukana wa sicaba sa habo mo ha Ni sa ziba. Mi ne Ni mu tusanga nyana, mwa ziba, cwalo, kakuli na sa hulile mi na tokwa masheleni mi na tahanga. Ki hali. . . Zazi leliñwi Ne ni zwa kwa Canada, na sikuluha, na zwela fela fande a munyako, mi ki hali, “Billy, mwana ka, leliñwi la mazazi aa uka kuta mi Malume Jim hasana ku sundululana kupahama ni ku shetumuka mwa mukwakwa kwanu ni kamuta.” Yani neli nako ya mafelelezo. Hane Ni li mwa Canada, Na amuhela telegiramu; kuli na sa shwezi kale mwa mazoho a Kezeli Morgan. Nana ni butuku bwa pilu, mi ba mu matiseza kwa sipatela, ba yo mu bona mi atimela.

147 Kezeli Margie, kana uteni mo kakusasana cwana? Yena kamita wa tahanga. Kaufela mina mwa ziba. Iliñwi ya litaba za kansa yetuna kwani kwa Sipatela sa Baptist sa shwile ka myaha

ye sebentini, kwa Medical Clinic kwani fa litaba za piho, ya ku “u bulaiwa ki kansa,” myaha ye sebentini kwa mulaho. Upila kwa 412 Knobloch Avenue, ukulela mwa sipatela kwanu. Oh, muhau o komokisa, ha ki muhuwo kwa munati!

148 Jim Tom Robertson, muyemeli wa likuta mwa Louisville, mi kaufela lwa ziba Jim Tom. Kona ze ne mu tisize kuli a lumele mwa Liñusa le, na ile kwateni kwani. Mi bo ndatahe ki balibañwi ba litho za babeleki kwani kwa sipatela. Neba ile ku yo batisisa, kuli babone haiba neli niti kuli na shwa ka kansa, mi ba mu palelwa ni ku mu kutisa kwa hae, mi bahupula kuli ne ba ziba kuli na sa shwile kale. Mi ndatahe a li batisia, mi ki niti. Mi Jim Tom ali, “Ki buhata; uinzi ona fa cwale, Na kona ku kuisa ku yena.”

149 Oh, oh, Ki—Ki Mulimu wa niti, nji Cwani? Ni tabile hahulu Wa kona kotalima kufitelela mafosisa a luna, nji cwani? Si luezisa ku Mu lata ka lipilu za luna kaufela.

150 Mabona, mamonyi. . . Sikamañi? “Malambi a sebene,” kamba malambi, kamba linaleli ze sebene, ze bizwa “Mioya ye sebene,” kotalusa kuli kona- . . . likalulo ze sebene za Moya o Kenile wa Masika a Likeleke Zesupa mwa lipula za sishemo kwa sicaba. Ki ze fa: lipula ze sebene za sishemo, lipula ze sebene, likeleke ze sebene, linaleli ze sebene, likalulo ze sebene, Mioya ye sebene, malambi a sebene. Oh, mawi, Mulimu mwa bezi ya petehile luli! Kaufela. . .

151 Liteni mwani ka lipalo za Bibebe; lipalo za Bibebe kona nto ye petehile hahulu ku zeliteni mwa lifasi. Hamukoni kuba ni mafosisa kuzwa kwa Genese kuisa Sinulo, mwa lipalo za Bibebe. Isiñi siemba sesiñwi sa libuka zeñozwi kuli hamukoni kufumana mafosisa fa kubala litimana zetalu; kono isiñi mwa Bi- . . .

152 Ba bile balika ka myaha ye mianda yemibeli kuli ba ekeze mubamba kwa Tapelo ya Mulena, kamba kuzusa yeñwi ku Yona. I petehile! Haku konahali ku ekeza ni hanyinyani kamba kuzusa sika Kwateni. Neba sweli ku nahana kuli baka panga tapelo iutwahale hande. Ba ka lika kubeya se ku Yona, ni ku beya *sani* ku Yona, kamba ku zusa se ku Yona; ha ki niti fela. Mwabona, Ku petahalile! Linzila za Mulimu kaufela li petahalile.

153 Kabakaleo luna ha lu si ka petahala, kono Na ize “Mu be baba petehile sina Ndata mina mwa Lihalimu hali ya petehile.” Lukona kuba cwani? Ka Mali amande a Jesu Krete, ku libala za luna ni kupila fela ka Yena. Ki fo he cwale. Ki bunde mañi Bo!

154 Ku lukile, timana ya 6 cwale haiba lu ka kena ku yona. “Malambi a sebene.”

*Mi fapila lubona. . . nekuna ni liwate la siiponi inge se si benya: mi mwahala lubona, ni kupotoloha lubona, nekuna ni libupiwa zene zena ni meto kwa mulaho ni kwa mulaho. (Oh, mawi! Mutalime se!). . . libatana*

*zetezi meto—zena ni meto kwa meto mi libe- . . . (Cwale, mulibelele). . . fapila lubona . . . nekuna ni liwate la siiponi se si benya: mi mwahala lubona, nekuna ni zene . . . ni kupotoloha . . . lubona, nekuna ni libatana zene zetezi meto kwa pata ni kwa mulaho.*

155 Cwale, “liwate la siiponi.” Mina baba ka . . . Mi . . . Se ha ki sisupo hahulu fa, kono Ni bata ku takula se fa muzuzu fela. Cwale, cwale lubata kubala fateni fa hanyinyani fela. Liwate la siiponi li swanisizwe mwa tempele ya kale, kakuli Mushe na laezwi ki Mulimu kuli a yahe tempele fa lifasi sina mwa na I bonezi mwa lihalimu. Mañi ni mañi wa ziba cwalo. Ku lukile.

156 Mi haluboneni ni swanise fela kaemba nyana fa cwale, ni bulele kuli, ki ye *fa* areka mwa Testamente ya Kale, ku lukile, nto yetatama, yene bizwa kuli “Kukena ko ku fitelezi.” Mi sibaka se si tatama fa neli aletare, yene bizwa kuli “sibaka se si kenile.” Mi ona *fani* ku si ka ba kale “liwate la sipi,” i bizwa cwalo. Ka manzwi amañwi, neli sibaka koo sitabelo . . . litabelo ne li tapisizwe—ne li tapisezwa fa li si ka amuhelwa kale . . . fa aletare; fa aletare ya sipi, kamba aletare ya sipi ko ne ku cisezwa sitabelo.

157 Cwale, lu bata kutalima se cwale fo ne kuna ni . . . kone si inzi. Mi, cwale—cwale, mwa liwate la siiponi le . . . nelili fapila Lubona ni fapila sibaka se si kenile. Fela . . . Cwale muhupule, likandela ze sebene za gauda ze beilwe *fa* sina cwana, mi ataha sikotolo. Mwabona? Cwale, yani kona ye monyeha liseli kuzwa mwa sibaka se si kenile kutaha *kwanu*. Cwale, haiba mina . . . batili, hamu lukeli kuñola zeo konji haiba fela mwabata, kono sani ki . . . Ni na ni sesiñwi fa se ne Ni swanisize, sene Ni bata ku mi fitiseza. Kono cwale, mwa bona, *ye* ne i bizwa kuli nika ya siiponi; ne si nto yetuna hahulu, ne itomilwe fela kamba mane neli mwa buino bwa tempele. Ne itomilwe sina *cwana* fa, neli liwate la siiponi, neli sikotolo se si ezizwe ka sipi kone ba tapiseza litabelo. Mane litabelo li si ka cisiwa kale kamba ku amuhelwa, nebana ni ku li kutapisa.

158 Oh, kana sani ha si koni kuba ni kutazo cwale, Dokota. Oh, mawi! Kana sani—kana sani ha si koni fela . . . Sa ni tabisa fela, “ku litapisa.” Sitabelo kaufela si si ka amuhelwa kale ku Mulimu, pili sina ni kutapiswa. Cwani? Isiñi ka maikuto, kono kutapiswa ka Linzwi. Cwale, lwakona kukuta ni kufumana fo ku inzi muluti wa Sijuda yoo . . . hane Ni kutaza ka kutazo ya mezi a kauhano yani, sitole se si fubelu, mezi ana bulukiwa, kuli na ezizwe mezi a kauhano. Mi lu si ka taha kale ku Mulimu ka tumelo ya niti, lu lukela kutaha pili ka mezi a kauhano. Eeni, sha. Mu lukela kutaha ka sikamañi? Ka Linzwi!

159 Oh, mutuhele fela ni bone haiba Ni kona fela kubulela kuli mube . . . mutu ni mutu a teezeze hande. Cwale, amu apale munahano wa mina wa moya. Muzwise fateni sitibiso sa ndwa

ni kuapala munahano wa moya cwale, kakuli se kutaha nto yeñwi. “Kutapiswa li si ka amuhelwa kale kwa katala,” lina ni kutapiswa pili ka mezi a kauhano.

<sup>160</sup> Cwale, amu apule hamoho nina mwa Maefese 5, muswale fa sibaka seo ni kukuta, ki makepe fela amanyinyani kwa mulaho, mwa Maefese kauhanyo ya 5 ni timana ya 26:

*Kuli akone kutapisa ni ku i kenisa. . .* (Ki Keleke, yasweli kubulela ka yona.)

<sup>161</sup> Mwabona, cwale, haluboneñi ni kutele fahule nyana kufita foo. Mukutele kwa mulaho fa timana ya 21, hamunze mutalimela:

*Muipeye kwatasi a yomuñwi ni yomuñwi mwa sabo ya Mulimu.*

<sup>162</sup> “Muipeye ili mina.” Kopano, muipeye ili mina ku mulisana wa mina. Mulisana, ipeye kwatsi a kopano ya hao. Haiba kutaha kusa utwana nyana, usike waba kwa neku lifi kaufela, ipeye fela kwatasi ikokobeze iliwena kwa kopano kaufela. Kopano, haiba mukala kuhohana, muipeye ili mina ku mulisana wa mina mwa sabo ya Mulimu. Mwabona? Oh, muzwale! Hmm!

*Basali, muipeye kwatasa muuna mina, sina ha mu ipeya kwatasa Mulena,* (Kakuli ki mulena mina.)

<sup>163</sup> Ki babakai baba ziba cwalo, mina basali? Yani luli ki niti. Bible ibulezi ona cwalo kwa simuluhu. Isali nzila yeswana.

*Basali, muipeye kwatasa muuna hao, sina ha mu ipeya kwatasa Mulena.*

*Kakuli muuna ki toho ya musali, sina Krete hali toho ya keleke: mi ki yena mupilisi wa mubili.*

<sup>164</sup> Ni muuna hae u cwalo. Mina kaufela mwa ziba cwalo, mina sicaba babanyalani ni babahulile, kamba bana baba hulile baba ziba nzila ya bupilo. Ku lukile.

*. . . sina ku Mulena.*

*Kakuli muuna ki toho ya musali, sina Krete hali toho ya keleke: mi ki yena mupilisi wa mubili.*

*Kabakaleo sina keleke ha i ipeya ku utwa Krete, konakuli basali babe cwalo kwa baana ba bona mwa litaba kaufela.*

*Baana, mulate basali ba mina, mane sina Krete mwa latezi keleke, mi a itobohile bakenisa yona; (Usike wa mu hata! Haiba ueza cwalo, ha u swaneli kuba muuna yanyezi. Yeo ki niti!)*

*Kuli a kone. . .*

Muteeleze, ki se fa! Mwa si utwa cwale:

*Kuli akone ku itapisa ni ku i kenisa ka kutapiswa kwa mezi a . . .* [Kopano ili, “Linzwi!”—Mu.] Hmm!

165 Mi, mulapeli kaufela ya kena ka *Se* uswanezi kutaha ka Linzwi. Kuna ni babañata baba tahanga ka linzila lisili. Ni lumela mwa makande amanyinyani ni lika zeñwi, za kuli “bo maho ba ba shwile myaha ya kale kale kafoo ba ku libelezi mwa Lihalimu,” zeo kaufela lieza fela hande *kasamulaho* Linzwi limano kutazwa. Batu babañata ba tahanga kwa katala kakuli ba bata ku kopana ni bomaa bona mwa Lihalimu. Zeo ki zende, u lukela kuezwa cwalo, kono leo ha ki libaka le mu lukela kutela kwa katala. Utaha kwa katala ku to ipulela libi za hao kakuli Kreste na shwezi mwa sibaka sa hao, ka Linzwi!

166 Mi, litabelo kaufela ze sa tahi ka mukwa o swanela ka Linzwi halina kuamuhelwa he. Kana ku cwalo? (Oh, muzwale, Ni toile kubulela cwana. Oh, Ni toile ku bulelanga cwalo. Mu ni swalele ka kubulela cwalo.) Ki kabakaleo Likezo 19 iyemi mwa Bibebe, “Kikuli mu amuhezi Moya o Kenile nako ye mu lumela?”

Se bali, “Luna . . . mane ha lu zibi . . .”

Ali, “Cwale, ne mu kolobelizwe cwani? Kiñi ha mu si ka kena Mwateni?”

167 Ne ba tile ka nzila isili kwanda Linzwi! Bali, “Oh, lufitile mwa mukwa oswana, ne lu kolobelizwe ki . . . Joani.”

Na ize, “Zeo halina ku beleka. Joani na kolobeza fela kwa kubaka, isiñi kwa swalelo ya libi.”

168 Mi ba si no utwa Cwalo, ba kolobezwa sinca. Kiñi? Ka Linzwi! “Ba tapile ka mezi a Linzwi.” Linzwi ne li bulezi kuli, “Libizo la Jesu Kreste!” Sika kaufela se si tibela lika kaufela ku Sani ki sa buhata!

169 Cwale, muzwale waka yomunde, Ni ziba kuli ye ki tepu hape. Cwale, musike mwa taba. Mutuhele ni bulele cwana ka lilato la bumulimu, hola i fitile fo Ni sa koni kubuluka litaba ze ni hanyinyani, seli fakaufi hahulu ni Kutaha. Mwabona? “Bulalu bwa bumulimu ki bwa diabulosi!” Ni bulela kuli SA BULELA MULENA KISONA! Mutalime ko li zwelezi. Li zwelezi kwa Katengo ka ba Nicene fani keleke ya Katolika hainga buzamaisi. Linzwi la kuli “bulalu” mane ha li si ka bulelwa nahaiba mwa Buka kaufela ya Bibebe. Mi kuya ka Balimu *babalalu*, zeo lizwa kwa lihele. Kuna ni Mulimu alimuñwi. Yeo luli ki niti.

170 Cwale, kana ubulela kuli, “Kana wa lumela kuli batu ba kaufela babali—babali ba za bulalu bazwa kwa lihele nji?” Batili, sha. Ni lumela kuli ki Bakreste. Kono hola i sutelezi, muzwale, fo ba fosa ka niti.

171 Mutu kaufela, kai ni kai, nako kaufela, ya bata ku ambola fa taba yeo, taha kuna; mukutazi kaufela, bishopu, bishopu yomutuna, kaufela so kona kuba sona. Mi se sa tepiñiwa, si ka ya mwahala lifasi. Ni kupa ka lilato la sizwale, kuli mutu kaufela ya ni teezeza fa tepu ye mwahala lifasi, ya ka taha ku na ni ku ni bonisa palo iliñwi ya Mañolo kamba kalulo iliñwi mwa litaba

za kale (ibe zakale ze pakilwe hande) koo mutu kaufela akile a kolobezwa ka libizo la “Ndate, Mwana, ni Moya o Kenile” kufitela ba ikopanya kwa keleke ya Katolika, Ni ka cinca tuto yaka. Mutu kaufela na kolobelizwe ka Libizo la Jesu Krete! Mi mizwale yaka yeminde, meto a mina a fofalazwe kwa lika zeo. Mulapele kuli Mulimu amife Liseli!

<sup>172</sup> Cwale, haiba muna ni Liñolo la ku li yemela, Ni ka na ni mi libelela kamba kuteya zebe kwa pizo ya mina. Muna ni . . . mina . . . Kwabuse bwa tepu ye, musweli kuzamaya ka kulata kwa butimbi bwa moya haiba ha mu ni swabisi ka zeo. Haiba mubata kuziba Liseli ni lififi, ha lu buzeni Mulimu. Muhupule, Ni bulela kuli SA BULELA MULENA KISONA! Haiba mu ni lumela kuba mutanga Hae. . . Mi haiba zeo ne si kuya ka Linzwi, nelika fosahala. Mi haiba ha si lumelelani ka Linzwi, ki musebezi wa hao kutaha u ni otolole hande, uh-huh, mwabona se si ezahala. Uh-huh. Ki mafosisa!

<sup>173</sup> Ni lumela kuli buñata bwa batu ba tumelo ya balimu babalalu baba lumela mwa Balimu babalalu baba pilisizwe, kakuli ha ba zibi shutano ni yekana. Lu ka fita ku zeo fa liñusa.

<sup>174</sup> Cwale, mu si ke mwatima tepu ni kuzwa mwa ndu kuya fande, mina mizwale ba tumelo ya bulalu; muteeleze ku Se. Kono muine fela mukuzize ka mizuzu yelikani. Mu na ni sikoloti. U kolotezi kopano ya henu. Mwabona? Musike mwa tuhela ku amuhelanga matepu, muine fela ni Ona. Mu A tatube ka Linzwi mi mubone haiba A lukile. Bibeke ibulezi kuli, “Munyake lika kaufela.”

<sup>175</sup> Ni ziba kuli ha Ki nto ye zibahala, kona mwa na bezi ni Jesu, kona mo ne kuinezi ni Liñusa, kamita. Mu ni latile ha Ni taha ku to folisa bakuli ni baba zielehile mwahala mina, ne mu hupula kuli neli ze tuna, likwata zetuna ni kuyaha keleke. Cwale, Jesu na ezize nto yeswana kufitela zazi leliñwi Ha fita fa Niti. Mi Ha na ezize cwalo, mane nihaiba baba mashumi a supile ba Mu fulalela. Mi Asikuluhela ku babañwi, baba lishumi ka bababeli, mi ali, “Kana ni mina mukaya?”

    Mi Pitrosi abulela manzwi amande ani, “Mulena, ki ku mañi ko lu ka ya, kakuli Manzwi a Hao fela kona a Kuyakuile?”

<sup>176</sup> Mi Linzwi la Mulimu fela linosi ki la Kuyakuile! Mi mu ni fumanele kai ni kai koo Mulimu nana ni ya na kolobelizwe ka libizo la “Ndate, Mwana, Moya o Kenile.”

<sup>177</sup> Mu ye mwa Mateu 28:19, “Ndate, Mwana, ni Moya o Kenile,” mwa na bulelezi Mateu kuli, “Muye cwale, mulute macaba kaufela, mu ba kolobeze ka Libizo la Ndate, Mwana, Moya o Kenile”? Mi mutu kaufela ya nahana kuli “Ndate, Mwana, Moya o Kenile” ki libizo, si bonisa kuli kuna ni se si fosahalile ni tuto ya hae. (Cwale, kuli wa sitopa sa bu sebene abulelele cwalo mabishopu ba ba teezeza ku Se.) Ndate ha ki libizo, Mwana ha ki

libizo, mi *Moya o Kenile* ha ki libizo. Ki *malumbatina* aya kwa *Libizo* (la Ndate, Mwana, Moya o Kenile), ili yena Jesu Kreste.

<sup>178</sup> Muhupule, zeo ha li yo mwa buhali, li bulezwi mka lilato ni likute la bumulimu, ka lilato ni ka tokomelo ya Mubili okwanile wa Kreste ko Ni memilwe ki mizwale baka ba tumelo ya balimu babalalu (ni mwahala lifasi kaufela) ku to kutaza mwa kopano ya bona. Kono Na li kuba ni bulele zeo ha Ni li mwahala mina. Ni bata kuba . . . Kwanda kuli u ni kupe ili wena, mi Ni ka ya kwa parish ni ambole ni wena ka zona. Kono fapila kopano ya mina, ne lika ba lyanganisa. Ki sibaka sa hao kuli ube ni Sinulo mi ulute mutapi wa hao, ki wena mulisana wa mutapi. Ni bulela kwa bakutazi. Haiba nji ha mu utwisisi, mutahe, luine mi lu to utwana hamoho. Bibeles ibulezi kuli, “Munyake lika kaufela, mi mu kumalele katata ku ze lukile.”

<sup>179</sup> “Liwate la siiponi,” kone ku tapiswa sitabelo . . . Mi lu tapile . . . Oh, musike mwa libala zeo, lwa kutela ku zona kasamulaho nyana, “Kutapiswa ka mezi a Linzwi.” Konakuli mu lukela kuutwa Linzwi musika kena kale mwateni, kakuli nzila fela iliñwi ye mukona kutalima ku Mulimu ka yona, ki ka tumelo. Kana ki niti yeo? “Tumelo itaha ka kuutwa, kuutwa Linzwi,” ku tapiswa lizwalo la luna. Isiñi ku kopana ni mutu, isiñi ku kopana ni ndate, isiñi ku kopana ni me, isiñi ku kopana ni mbututu (zani kaufela ki za niti, luka eza cwalo), kono taba yapili ye lu lukela kutaha kayona ki nzila ya Mulimu ya ku atumela; luka tapiswa ha lu utwa Linzwi la Mulimu.

<sup>180</sup> Ka tumelo lwa zamaya. *Sishemo*, “sa ku ezelize Mulimu.” Yeo ki niti. U lumela ku Mulimu, u lumela ku Mulimu; mi u sa ikutwa fela kuswaba, u swalezwi kale.

<sup>181</sup> Sina hane Ni ambola ni muzwale maabani, yana lyangani nyana ka zona, mi se Nili, “Talima, muzwale, haiba ubulezi sesiñwi se si ka filikanya maikuto a musala hao, kapili no ka mu utwela butuku, u swabile kuli u ezize cwalo, u bakile kale mwa pilu ya hao. Yeo ki niti. Kono u lukela ku mu bulelela zona. Mu lukela ku ya mi muli, ‘Mulatiwa, Ni—Ni swabile kuli Ni bulezi cwalo.’ Konakuli fohe kipeto u bakile za niti.” Cwale, cwalo kona mo kuinezi ni Mulimu.

<sup>182</sup> Muuna ya na ka bulela kuli, “Ni holofalize maikuto a hae, hakuna shutano ni yekana, Ni ka mu bulelela kuli Ni swabile, kono luli ha Ni cwalo,” u muipi. Mwabona? Yeo ki niti. Zeo halina ku amuhelwa ki Mulimu.

<sup>183</sup> Mu lukela ku swabela libi za mina ka kutala. Mi cwale ha u ziba kuli u swabile ka libi za hao, mi cwale “Baka, ni ku kolobezwa ka Libizo la Jesu Kreste kwa swalelo ya libi za hao, mi mu ka amuhela swalelo, mu amuhele Moya o Kenile.” Mwabona, ka bunolo fela, Mulimu u li ezize ka bunolo hahulu.

<sup>184</sup> Mi fa . . . lu lemuha fa mwa “liwate la siiponi,” ne li swana sina busweu bobuli twaa. Cwale, liwate la siiponi li swanisizwe,

li swanisizwe ka liwate la sipi. Le ki liwate la siiponi, mwa Lihalimu. Mushe na li boni sina siiponi ni kueza sene si bizwa kuli “liwate la sipi,” aletare ya sipi, sitabelo sa sipi. . . aletare ya sipi, nitaluse.

<sup>185</sup> Mwa ziba seo sipi ibulela mwa Bibebe? Katulo. Na ezize noha ya kopa. Kana *noha* italusa sikamañi? Sisupo sa *noha* ne si talusa “sibi se si atuzwi kale,” mwa simu ya Edeni, mi, “Lisito la hao lika pyata toho ya yona; toho ya hae ika luma kwa lisito la hae.”

<sup>186</sup> Mi *sipi* iyemela “Katulo ye Pahami,” aletare ya sipi, fo ne ku cisezwa sitabelo; sikotolo sa sipi, fo ne ku tapiswa ka mezi a Linzwi. Mwabona? Mo-. . . Elia, mwa mazazi a hae, azwela kwande mi atalima mwahalimu, mi ali, “Lihalimu libonahala inge sipi.” (Katulo Yepahami fa naha ye hanilwe.) Oh, mawi! Sipi, ye shengunuzwi!

<sup>187</sup> Cwale lutile fa “sikotolo.” Mi mu lemuha kuli sikotolo se ne si li mukungulu mi ne si swana sina kristale yesweu. Kiñi? Keleke ne se i liuluzwi kale!

<sup>188</sup> Cwale, cwale, lu lemuha kasamulaho nyana, kuli, fani balumeli ba Nyandiso ha ba taha, lu fumana hape kuli litezi fela mulilo. Kana mwa ziba. . . Kikuli mubata kubala seo? Ha lu fiteñi mwa Sinulo cwale, kauhanyo ya 15, timana ya 2, ni kubala fo lubona mulilo wa sipi wo hape. Ku lukile:

*Cwale Na bona lingeloi leliñwi. . . Na bona sisupo sesiñwi mwa lihalimu, (Kiniti.) yetuna yekomokisa, mangeloi a sebene asweli. . . likozi ze sebene za mafelelezo; kakuli ki ka zona ku ka petahala buhali bwa Mulimu.*

Cwale ki “buhali” bwa Mulimu. Mutalime:

*Na bona nto yeswana inge liwate la siiponi le li kopani ni mulilo: (Cwale, mutalime.) mi ba ba ne ba tuzi sibata ni siswaniso sa sona, ni palo ya libizo la sona, ne ba yemi fa liwate la siiponi, basweli liharepa. . . za Mulimu.*

*Mi ba opela pina ya Mushe mutanga Mulimu, . . .*

<sup>189</sup> Oh, kana mwa bona nji? “Nako ya nyandiso.” Oh! Kana mu akufile nji? [Kopano ya alaba kuli, “Batili!”—Mu.] Ku lukile, amuteeleze, ha lu lemuheñi nto yeñwi fa.

<sup>190</sup> Lu taha cwani? Lu lukela kutaha (yona Keleke ya Bamacaba ye) kwa Linzwi le, liwate la siiponi, mezi, mezi a Linzwi (Kana ki niti yeo?), mulemuhe Linzwi ka mo Li ñolezwi. Mi sitabelo si amuhezwi ni kutazwa ka Moya o Kenile kuzwa mwahali, si benya mwa Liseli la lusika lwani. Kuzwa ku se. . . Ki Se fa si zwelela mwa sibaka se si kenile se kutaha *fa*, kuzwa mwa naleli kutaha ku *fa*. Mwa utwa kana?

<sup>191</sup> Mulemuhe, cwale, kwa mafelelezo a lusika loo, Joani, ha na boni liwate la sipi kwani, ne li “bonahala hande sina kristale



yesweu.” Neli sikamañi sani? Linzwi ne li zusizwe mwa lifasi, ku ngiwa mwa Keleke, mi ne li “ne i bonahala hande sina kristale yesweu,” nekusina Mali, lusika lwa Keleke ne se lu felile.

<sup>192</sup> Cwale, mwa Sinulo 15, bo masiyaleti ba Peu ya musali, bene bali balumeli ba Nyandiso bene ba keni mwa Nyandiso, ba fumanwa (Mutameli!) inge ba yemi fa liwate. Mi ya tala mulilo, mali, malimi a mafubelu a sweli ku monyeha, mulilo wa Mulimu. Ne se ba amuhezi tulo fahalimwa sibatana (Rome), fahalimwa nombolo ya hae, fahalimwa liñolo la libizo la hae, ni fahalimwa siswaniso sa hae (Tamahano ya Likeleke), mi ne se i zwile. Mi ka kukutaza kwa Mushe ni Elia, bapolofita bababeli bani baba ka bonahala kwa Isilaele ku yo hoha. . . sikwata sa batu se, yona Nako ya Nyandiso yani, kukutela mwa nako yani ye ka tiswa mwateni, neli. . .

<sup>193</sup> Mwabona, Keleke se ingilwe cwale, kono muhupule Mufumahali uinzi fa Lubona. Nako ya Nyandiso. . . Ne se ipilile mwa mibuso, kwande, ni kutisa malena ba bona kaufela ni likute la bona ni kanya mwa Munzi. Halunze lu shetumukela mwa Sinulo 22, mu ka libona. Haiba musweli kuñola se ni ku si swalelela, ha luka fita ku sona muka bona se lu talusa. Haluna nako ya ku swala fa nto yenyinyani kaufela ni ku ikutela kwa mulaho ni kwa pata, kono lunata fa litaba zetuna za yona kihona. Mi zazi leliñwi, mwendi, haiba Mulena alata, lukaba ni nako yeñata ya ku ambola ka yona.

<sup>194</sup> Cwale, Nako ya Nyandiso ye ne tile ye, ne se lufitile mwa nyandiso yetuna. (Keleke haina kukena mwa Nyandiso! Kana mwa bona kuli nebali kale mwa Kanya?) Mi ki ye fa Nyandiso, baba kenisizwe bene bana ni. . . kakuli kimulatu wa ka ni wa mina ne ba si ka utwa kale Linzwi. Kambe ne ba Li utwile ni ku Li hana, ne ba kaya kwa lihele; ne ba lelekezwi kwa lififi la kwande ka ku hana Linzwi. Kono kambe ne ba si ka Li utwa, Mulimu fela ulukile, Nako ya Nyandiso i ka taha ku bona.

<sup>195</sup> Cwale, mulemuhe fa muzuzu fela. Ba bakenile ba tapile ka Linzwi leliswana, kakuli ki aletare yeswana, ki liwate leliswana la siiponi ni Linzwi leliswana. Sinulo 2:5, Sinulo 15: (kamba nitaluse) :2 kuisa :5. Mulemuhe, fa muzuzu fela. Cwale, lwa li kuba luise Linzwi ku bona, kona libaka lene ba bezi—le ne ba bezi sina cwalo. Ne lu si ka isa Linzwi ku bona, lu ka yo ba ni buikalabelo. Kacwalo haluna kukona kuswala sicaba kaufela; Keleke haina kukona (mwa lusika loo) babana ni Niti. Kakuli ba ka fita mwa Nyandiso, ha ki Balumeli bene ba shwezi kafoo mwa masika a likeleke ani, kakuli na bulezi kuli “Ba zwile mwa Nyandiso yetuna,” mi Nyandiso yetuna i sa taha, ki kasamulaho Keleke imano ya kwa Hae.

<sup>196</sup> Oh, ki fo he cwale! Oh, Na lata cwalo! Muteeleze! Haluyeni fa pili nyana, Ni bata kubona mufuta wa Linzwi le ne ba utwile. Cwale, ha lu kaleleni hape fa timana ya 2 ya kauhanyo ya 15.

*Na bona nto yeswana inge liwate la siiponi le li kopani ni mulilo: mi ba bane ba tuzi sibatana, . . . ni siswaniso sa sona, . . . ni palo ya sona, . . . ni swayo libizo la sona, ne ba yemi fa liwate la siiponi, ba sweli. . . liharepa za Mulimu.*

197 Cwale, mwabona, ne ba si ka kena kale mwahali, kono ne ba utwile Linzwi. Ne ba utwile Linzwi. Cwale, muteeleze, mubone mufuta wa Tuto yene ba utwile, mubone haiba li swalisana ni Keleke cwale.

*Mi ba opela pina ya Mushe mutanga Mulimu, (Fani, ki kasamulaho Mushe amano silela mwabuse.) ni pina ya Ngunyana, bali, Misebezi ya hao ki yemituna mi ya komokisa, Mulena Mulimu Yamata kaufela; (Ngunyana yani ki mañi?) Mulena Mulimu Yamata kaufela; linzila za hao ki za niti, wena Mulena wa ba bakenile.*

198 Mwabona sene ba Mu lemuhi kuba sona? Ha ki mutu wa bulalu mwa silaalu, kono “ki Mulena Mulimu Yamata kaufela, Mulena wa Balumeli!” Muteeleze! Kana mu itukisize? timana ya 4:

*Ki mañi ya si ke a ku saba, O Mulena, (taku yetuna ya M-u-l-e-n-a, Elohim) ni kulumbeka. . . Ki mañi ya si ke a ku saba, . . . ni ku lolisa libizo la hao? . . .*

199 Ne ba tapile ka mezi aswana e musweli kutapiswa cwale, ka kuutwa Linzwi, mi tumelo ni mata a Jesu Krete kakuba yena Yamata kaufela. Ki yona Sinulo kaufela kwa simuluho. Taba yateni kaufela i putelwa mwa Sinulo ya Yo Jesu Krete ali yena, “Mulimu ya ezizwe nama mwahala luna!”

*. . . Libizo la hao ki lelituna mi lelinde, . . .*

*Ki mañi ya si ke kusaba. . . ni ku kuteka libizo la hao? wena. . . kakuli wena uya. . . kenile fela: kakuli macaba kaufela aka taha ku to ku kubamela; kakuli likatulo za hao li bonahalile.*

200 Ka manzwi amañwi: Lu bona se si talusa ku sa Li amuhela, katulo ya Hao i bonahalile. Kacwalo ki luna ba luyemi fa, lu tapile cwale, lusweli kutapiswa ka mezi hase lufitile mwa Nako ya Nyandiso. Lu ngile mayemo a luna ku Wena mi lwa Ku lumela, mi cwale lu yemi fa nuka ya siiponi, mi lwa kuteka ni ku Ku lumba ka ponahazo ya Moya o Kenile wa Hao. Mi likandela za Hao ki za niti ni likatulo za Hao ki ze lukile.

201 Oh, mawi! Lwakona kuina sunda mutumbi ku zeo. “Kolobezo ya Moya o Kenile,” halu hoheni sesiñwi fa cwale, fa muzuzu fela, Ni na ni sesiñwi se Ni bata ku hoha. Cwale, halu. . . kiñi ha lu sa ikungeli sona seo fo lu inzi cwale.

202 Cwale, haiba lu lemuha, ki se siswaniso sesituna. Cwale, ki se fa Sibaka se si kenile hahulu. Ku lukile. Ki se fa sibaka se si kenile. Mi ki se fa sa pili, lu si ka taha kale foo, ki—ki liwate.

203 Ku lukile, cwale mulemuhe. Lu atumela cwani Mulimu? “Tumelo itaha ka kuutwa, kuutwa Linzwi la Mulimu,” ze sweli ku bonahala kuzwa mwa sibaka se si kenile Hahulu kutaha ku mulumiwa wa lusika lwateni.

204 Kwa mulaho, mi sani. . . Mwa tempele ya Solomoni, ne si monyeha, likandela zani ne li monyeha maseli a zona mwa lipizana za lisipi zani. Kacwalo, *fa*, lingeloi la lusika lwa keleke li bonahala mwa mezi ani koo Mutu yo ali yena *fa*, ku bonisa sishemo sa Hae, Manzwi a Hae, katulo ya Hae, Libizo la Hae. Kaufela zona li bonahalile *fa* fo mu kauhani ka ku Li lumela. Kana mwa utwa *nji*?

205 Mulemuhe bunde bwa se mo, ne lu sweli kuambola ka sona zazi leliñwi. Mutalime *fa*, *fa*, “Kabakaleo ha lu beiwa baba lukile, lu beiwa baba lukile ka tumelo.” Ku lukile, *sibaka sa bubeli*, kasamulaho wa kutapiswa, “kukeniswa.” Mi, *he*, “kutazwa ka Moya o Kenile.” Kuluka, kukeniswa, kolobezo ya Moya o Kenile! Mwa bona *nji*? Kana Liñusa la Hae neli cwani? Kubeiwa baba lukile ka kuutwa; kukeniswa kona se mueza; mi ni ka likute ku so no ezize ka kuitumela ku seo, Mulimu na ku swaile ka Moya o Kenile.

206 Cwale, wena, muzwale waka wa Baptist, Ni bata ku kubuza nto yeñwi. U li, “Ki sikamañi hape sa na ka eza Abrahama kwanda kulumela Mulimu? Mi Mulimu amu balela kuluka.”

207 Kona fela za na kona kueza, ona *fa*, Na lumezi ku Mulimu. Kono Mulimu, kuli a amuhele tumelo ya hae, amufa liswayo la mupato ni ku mu swaya, kubonisa kuli Mulimu nana ni kupatala- . . . na amuhezi tumelo ya hae. Mi haiba u bulela tumelo ku Mulimu, kono ha u si ka swaiwa kale ka Moya o Kenile. . . Maefese 4:30, haiba mubata ku iñola, Maefese 4:30, “Musike mwa halifisa Moya o Kenile wa Mulimu o mu swailwe ka ona!” Mi ha u si ka swaiwa konji ha u amuhezi Moya o Kenile.

208 Kana ki kufita lili? Kufitela ancafazo yetatama? “Kuisa kwa puluso ya luna, lona Lizazi luli la kuliululwa.” Hakuna mukwa wa kuzwa ku Zona. Haukoni kuzwa ku Zona, kakuli Halina ku zwa ku wena. Mwabona? “Kakuli mu swailwe kuisa Lizazi la kuliululwa kwa mina.” “Hakuna ze sa taha, hakuna ze liteni, manyando, tala, linyolwa, lifu, kamba hakuna, zekona ku lu kauhanya kwa lilato la Mulimu le lili ku Kreste.” Paulusi naize, “Ni kolwa hande ka zeo!” Ki fo he cwale! Ki fo he cwale, mu swailwe kuisa Lizazi la kuliululwa kwa mina.

209 Mulemuhe, zeo li ka tisa ku za la Sunda yefelile—yani yefelile hape. Kana Ni sana ni nako? Nina ni fela. . . Mutalime, mutalime se, moya. . . moya, moya, ni mubili. Ku lukile, mwabona: mubili, moya, moya.

210 Cwale, mutuhele ni takule se ni ku mi swaniseza nto yeñwi. Cwale, Ni ka mi swaniseza sesiñwi *fa*, Ne ni si ka ba ni nako ya ku i swanisa la Sunda yefelile kacwalo Ni na ni sona si swanisizwe

fa kina yaswanisise fa siemba sa pampili ya mubala wa buñanda talukeke ye. Ni bata kuli mu li ñole mi mwakona kubona se Ni talusa, cwale, mina ni lipotoloto za mina. Cwale, *wo* kona mubili; mi *wo* ki moyo; mi *wo* ki (taku yetuna ya M-o-y-a) Moya, ona Moya o Kenile. Ku lukile. Cwale, cwalo kona mo lu bupezwi.

<sup>211</sup> Haiba mulemuha *fa*, sibaka se si kenile, Sibaka se si kenile hahulu; *fa* katala, sibaka se si kenile; mi *fa* liwate—liwate, kwani kona ko mu utwela Linzwi, “Tumelo itaha ka ku utwa, ku utwa Linzwi,” kauhano, nuka ya kauhano, nuka ya kauhano, nuka. Cwale, mulemuhe se. Cwale, kuna ni fela makenelo alimañwi fa kukena *mwateni*, mi yani kikuli mu lukela kutaha *mo* pili. Kana ki niti yeo?

<sup>212</sup> Cwale, Ni lakaza kuli kambe Ni na ni sibaka, Ne ni ka ñola *fa*, “ba—ba balanjo.” Mi ba . . . Ba “Mulalelo wa Sinawenga,” yomuñwi. Mubone muuna yo mwa na kenezi *mo* kwa Mulalelo wa Linyalo, mi ataha ka nzila isili? Ki se *fa* Sikwalo. Jesu naize, “Kina Sikwalo.” Mi tafule ya sinawenga ye ne inzi *fa* ni sicaba kaufela se si inzi kwa matuko, mi fa nekuna ni muuna alimuñwi kwanu yana si ka apalo Sapalo sa Linyalo. Mi cwale Mulena ha taha, Ki hali, “Ukeni cwani mwahali mo, mulikana ka? U keni cwani mwahali mo?” Ne ku bonahalile kuli na si ka taha ka Sikwalo se. Na keni mwa lihaulokamba kutaha ka nzila ya kwa mulaho, kamba ka tuto yeñwi ya tumelo kamba kopano. Na si ka taha ka Sikwalo!

<sup>213</sup> Kakuli mwa linako za kale ba sa na ni lika zeswana, munyali ya ka ba ni kunyala, u fa memo ni ku kwalula lisila ku mañi ni mañi ya memilwe.

<sup>214</sup> Oh, kamo pilu yaka itulaka ni kutulaka ha Ni nahana ze cwalo! “Hakuna mutu yakona kutaha ku Na konji Ndate Ha mu file memo pili, mi kaufela ba Ni file Ndate ba ka taha ku Na.” Ne lu bizwa cwani? Kusikaba kale mutomo wa lifasi mabizo a luna na beilwe mwa Buka ya Bupilo ya Ngunyana, kubona Liseli, ku amuhela Moya o Kenile, ku zamaya ku Lona. Mabizo a luna (fani Ngunyana ha i bulaiwa) na ñozwi mwa Buka ka nako yeswana Libizo la Ngunyana ha li ñolwa mwateni. Bibebe, lu ka fita ku yona kasamulaho nyana, ili, “na pumile kaufela baba yahile mwa lifasi be mabizo a bona ha si ka ñolwa mwa Buka ya Bupilo ya Ngunyana haisamba lifasi litomwa.”

<sup>215</sup> Mulemuhe, mi haiba yena . . . munyali kasibili, ha na yemi fa munyako. Mi mutu yani atisa meno, ali, “Ki ye fa.”

<sup>216</sup> “Ni itumezi.” A nga memo, a i beya fafasi fa, ni mu apesa kubo ku kuli kaufela ba bonahale kuswana. Na lata cwalo! Mwabona? Mwa mata a Mulimu, mwa Keleke ya Mulimu yapila, bafumi, babotana, batamiwa, baba lukuluhile, babasweu, baba fubelu, baba ñandatalukeke, kaufela ba bonahala kuswana kakuli ne ba apezi ka Mata aswana a Moya o Kenile. Mwabona?

Cwale, ne ku bonahalile kuli na si ka taha ka Munyako.

217 Cwale, mulemuhe fa. Oh, haiba mutu na ka lika kukena mwa sibaka se si kenile Hahulu (mutu yomuñwi, muluti yomuñwi wa Bibeke ani bulelele), haiba mutu na ka kala kukena mwa sibaka se si kenile Hahulu se kusina kutaha ka nzila *ye*, na shwa. Mwana mushimani wa Aruni na ngile mulilo o munca zazi leliñwi, mulilo omuñwi wa kopano (kanti ne Sa lukeli kuba mulilo wa kopano), mi ba shwela fa munyako. Kana ki niti yeo? Kamba neli bana ba Eli bani, Na sepa. Bana ba Eli ne ba kenyize zeo mwateni, hane li yemela bana babashimani ba Aruni yanali yena muprisita yomutuna.

218 Cwale, cwale, kuna ni nzila iliñwi ya kukena mwa mubili kayona. Mubili wo u zamaiswa cwani? Cwale, mutalime ka tokomelo cwale mi mube ni lipotoloto za mina fakaufi. *Kiwo* fa munyako kwa neku le okena mwa mubili: wapili, wabubeli, wabulalu, wabune, wa buketalizoho. Cwale, mu i swanize zeo kana? Cwale, munyako wa pili ko wo *fa*: kubona, kununkelela, kuutwa, ni kulwaza, ni kuswala kamba kuutwa (iliñwi ya zona yelibata kunga fateni, hakuna taba). Cwale, ani kona maikuto mwa mubili. Kana ku cwalo? Ki babakai baba ziba cwalo? Maikuto a silezi kona a zamaisa mubili. Cwale, luna ni moyo kasumulaho mukena ka kufitela ku *ze*. Maikuto a kwande, wani kona mulao wa kwande.

219 Cwale, mwahali *mo* kuna ni iliñwi, zepeli, zetalu, zene, zeketalizoho, milelo ye ketalizoho mwa moyo. Cwale, mubata ku iñola? Yapili ki kuakaleza, ki kuakaleza. Ya bubeli ki lizwalo. Mi ya bulalu ki kupuzo. Mi ya bune ki kunahanisisa. Mi ya bu ketalizoho ki kutasezwa.

220 Cwale, kana muliñzi kaufela zona? Haiba ha mu si ka ñola, ha luboneñi ni zibe cwale. Muñzi kaufela ñji? Kubona, kulwaza, kuswala, kununkelela, ni kuutwa; mubili, kwani kona ku kwaluha kwa mubili.

221 Moyo ki ku nahaniseza, lizwalo, kupuzo, ku kakanya, ni kutasezwa, ki maikuto kamba milelo, inge maikuto a moyo. Mi moyo kona sibupeho sa moyo oli mwahali, kakuli moyo u beya fela buino bwa zeli mwahali ku wena. Si lwala sibaka sa kukeniswa, moyo u cwalo, u beiwa mwa sikwata se si swana sani. Ku lukile, cwale, kaufela . . . mañi ni mañi muñzi hande ñji? Ku lukile.

222 Cwale, kwa munyako *wo* kuna ni fela ulimuñwi, munyako ulimuñwi, o bizwa kuli “tato ya-kuipa.” Ki wena nduna wa ze kena mwani. Mi lieza sikamañi? Ki sikamañi se? *Mubili* uswanela kutapiswa, mwa pizana; u kenisezwa, *fa*; batezi Moya o Kenile, *mo*, mi se cwale siba sipula sa katulo ya Mulimu hape, koo Mulimu aina mwa pilu ya hao, mi haiba mueza se si fosahalile, muli, “Ooh, mawi, Ne ni fosize.”

223 Batu babañwi bali, “Ha si nifi mulatu kuli ni—ni be ni milili yemikuswani,” ili basali. “Ha si nifi mulatu kuipenta kamba

kueza mikwa ya mipende, kamba kaufela seo sili sona. Ha si ni fi mulatu ha ni ya kwa kubina. Ha si nifi mulatu ha ni bulela buhata nyana. Ha si ni fi mulatu ha ni bapalisa buitamo bwaka ka mukiti wa munyaliwa.” Mwa ziba libaka? Hamuna sa kunyaza. “Zeo ha li filikanyi lizwalo la ka.” Hamuna lizwalo ni lelikana sina noha mo i tokwezi linoka. Kacwalo fela muna . . . Haiba hauna lizwalo, hakuna sika mwateni se si ka mi holofaza. Wena u wa lifasi!

<sup>224</sup> Kono Ni mi swabisa kuli Jesu Kreste atahе *mo* mi alike kuezа cwalo nako iliñwi! Muzwale, u ka atulwa hahulu u ka siyala inge unyunga fela toho ya hao kwa lika zeo inge fela mo Ni yemezi fa, kakuli U kenile. Muteeleze, Ni bulela Mañolo, “Haiba mulata lika zeo lifasi, lika za lifasi, ki kuli lilato la Mulimu haliyo mane ni ku mina.”

<sup>225</sup> Neli cwani? Tato ya Kuipa. Kiñi ha uka ibiza kuli ‘tato ya kuipa,’ Muzwale Branham?” Kakuli si beya muuna ni musali hape inge fela Adama ni Eva mwa simu ya Edeni. Fa sikamañi? Likota zepeli! Tato ya Butu, *ye* ki lifu. *Ye* ki Bupilo, tato ya butu. Kusa ipuluka . . . Tukuluho ya buiketelo! Mulimu na beile mutu wapili, Adama ni Eva, fa tukuluho ya buiketelo. U mi beya mwa sibaka se si swana. Mi nzila fela ye mukona ku lukisa taba *ye* ka yona ki ka tato ya mina bañi. Haleluya! Tato ya hao kasibili! Una ni ku itakaleza kuezа Tato ya Mulimu. Mu lukela kuzwa kwa tato ya mina kuli mutuhele Tato ya Mulimu itahе, kakuli yeo kona fela nzila inosi yeliba kwa pilu.

<sup>226</sup> Oh, mwakona kuikopanya kwa keleke, mina ba Baptist ni ba Presbyterian. Mi mina ba Methodist ni ba Pilgrim Holiness mwakona kutaha ku za kukeniswa. Kono muna ni kuezа Tato ya Mulimu ka kuitakaleza, tato ya butu fela, kuli Moya o Kenile utahе mwateni *mo*, ku to pepa. “Lisupo ze li ka ba latelela baba lumela. Ka Libizo la Ka ba ka leleka mioya ye maswe. Ba *ka* bulela ka malimi asili. Ba ka beya mazoho a bona fa bakuli kamba kunwa lika zekola lifanu, ni zeñwi cwalo. Lisupo ze li ka latelela baba lumeleza tato ya bona kuba Tato ya Ka, ni misebezi ye Ni eza ni bona ba ka ieza.” Ni sepa kuli ha mu Li mbwinji. Kuna ni tato ya kulakaza kuezа Tato ya Mulimu. Mwabona se Ni talusa?

<sup>227</sup> Mutalime fa, ka kuambola fa sibaka se si kenile, ki pizana. *Kile* fa liseli, ki likandela (iliñwi, zetalu, zene, zeketalizoho, zesilezi, zesupa), yeñwi ni yeñwi ya zona ina ni liseli. Ki kai ko lizwisa liseli la zona? Liseli la zona li bonahala kai, Li monyehela kai? Ha li monyehi mwa lilulu leliñwi la kopano yeñwi. Ki ku bonahala kwa mulaho kwanu kwa Linzwi! Ki mezi a kauhano. Whew!

<sup>228</sup> “Kakuli kubaka ni swalelo ya libi” (Luka 24:49) “lina ni ku kutazwa ka Libizo la Hae kwa linaha kaufela, kukalela kwa Jerusalema.” Kana kubaka ni swalelo ya libi ne li lutilwe

cwani kwa Jerusalema? Kuisa kai? Ki kuya kwa lifasi kaufela. “Mubake,” Pitrosi abulela, mwa Likezo 2:38, “mi mu kolobezwe ka Libizo la Jesu Kreste kwa swalelo ya libi za mina.” Liñusa lani lina ni kuya kwa lifasi kaufela, mi kipeto mafelelezo a ka taha. Mi mafelelezo kona aka taha, kasumulaho Liñusa *le* limano ya kwa lifasi kaufela.

<sup>229</sup> Kuli, likandela ze fa li monyeha liseli fa ku ba Methodist, Presbyterian, kamba kopano ya Pentekota? Kihande, batili kutokwa!

<sup>230</sup> Li monyehela mwahali *mo* kuli “NITENI,” isiñi kuli “Ne nili cwalo.” Ha ki batu babalalu kamba babane baba shutana, kono Mulimu yainzi fani inza iponahaza Iliyena ku yeñwi ni yeñwi ya likeleke zani. Mutalime kwa mulaho kwani mi mubone sene ba ezize (kona lu sa zo fita fela mwa litaba za kale), neba Mu bonahalisa sina mwa Na inezi, sina Mwa inezi, mi sina mwa kana A belanga kamita.

<sup>231</sup> “Yena yana li...” Fani Joani ha to lemuha fela mubonahalelo wa Zona, a bulela kuli, “Ya Na liteni, ya Liteni, mi Uka Taha, yena Mulimu Yamata kaufela, pupo ya Mulimu, Alfa, Omega, wa Makalelo ni wa Mafelelezo.” Lani kona Liseli la niti le li lukela kubonahala. Kana mwa Li bona nji? Amen! Whew!

<sup>232</sup> Kasumulaho wa twelufu kiloko, mi Ni—Ni nani... Muteeleze, ha lu akufeni fela kuli mu li ñole. Ni toile fela ku mi inisanga nako yetelele hahulu, kono ha Ni zibi nako ye Ni ka mi bona hape. Mwabona? Mi Ni bata kuli muutwe se, balikani, bo ki Bupilo. Cwale, mutalime, Hani talusi kuli Na Si bulela. Haiba Ni—haiba Ni monyeha ka mukwa o cwalo...konakuli Ni...muka—muka palelwa ku utwisisa pilu yaka. Ha ni liki ku monyeha, “Oh, se fela ki...Ha u sesiñwi.” Ha ni liki kuezwa cwalo. Haiba ha mu si ka amuhela Liseli, Ni lika ku mi supeza ku Leliñwi fa. Isiñi leli inzi fa katala fa, kono Lona le linzi fa Lubona lwani. Mi Lubona lwani lu swanela kuba mwa pilu ya hao, mi u ka bona nto yeswana fela sina mo ku bonahalela fa.

<sup>233</sup> Ki sikamañi se fa halimu fa? Si bonisa *Se*. Mi se ki *Se*, lona Linzwi. Ku tapiswa ka mezi a Linzwi, ka Linzwi; kutapiswa (ka mezi a kauhano) kuzwa kwa lika za lifasi—lifasi, ka Linzwi. Linzwi li bulela kuli Yena wa swana maabani ni kuyakuile. Ha i buleli kuli, “Yena wa swana mwa lusika lwa Pentekota, kwa mulaho mwa balutiwa, mi kona kutaha lusika lo lu tatama Na cincize.” Batili, Yena ki ya swana! Mwabona? Hamukoni ku Li bulelisa nto isili kaufela. Ne lu ka inelela fela ku yeñwi ya lika zani ka lihola, kono Ni sepa kuli musweli mwa Li utwa cwale. Mulimu u ku bizize, uka I amuhela. Sani kona se Ni lumela. Ku lukile, sha.

<sup>234</sup> Cwale, ki sikamañi seo? Kuluka, kukeniswa, kolobezo ya Moya o Kenile; moyo, mubili, moyo; kaufela za swana. Cwale,

lambi imonyeha Linzwi. Linzwi la niti li bonisa sikamañi? Kana lambi ye neika eza sikamañi, haiba ne iamuhela Kanya ya yona Shekina kwa mubonahalelo wo? Li ka monyeha Kanya ya Shekina. Kana ku cwalo?

<sup>235</sup> Haiba muna ni sikolo sa za bulapeli, liseli la mina, muka bonahalisa sikolo sa za bulapeli. Mu li utwezi ka mukopano wa za bulapeli bwa Methodist, muka bonahalisa bu Methodist. Mwa monyeha! Haiba muna ni zona mwa mukopano wa za Pentekota, mu bonahalisa Bupentekota. Kono haiba muna ni Sona mwa Kanya ya Mulimu, ka sicacani se si tuka mulilo. . .

<sup>236</sup> Kiñi, fani Mushe hana zwile fa Pila Hae, na i kapesa sika fa sifateho sa hae, kacwalo, sicaba ne si sa mu talimi. Kana ku cwalo? Na tezi mata a Mulimu.

<sup>237</sup> Setefani, muuna yatezi Moya o Kenile. Kulika ku mu tuhelisa, kiñi, neiswana inge kulika kuyima ndu yeca mulilo ka lizazi la liñungwa, mwa mulilo; kutima mulilo ku yona. . . ni ndu yetuka mulilo ka lizazi la moya omutuna. Oh, ka butuna fela bwa—butuna bwa mata a mone ba fuzelela, kona mo ne utukezi ka butuna. Kiñi, hamukoni ku mu tuhelisa. Ona fani, hane ba mutisa fapila Kuta ya ba Sanhedrin, Bibebe iize, “Na yemi fani, a bonahala inge lingeloi.”

<sup>238</sup> Cwale, Hani sepi kuli “lingeloi” litalusa fela kuli neli Sibupiwa sesiñwi se si yemi fani; kono, lingeloi li ziba hande za bulela. Kona mo li ezeza ni lingeloi lifi kaufela, mulumiwa wa lusika lwa Keleke, ha u lukeli kukuta kwa mulaho ni kubona se li bahana baituti ba za bulapeli. Wa ziba sa na bulezi Mulimu mwa Bibebe ya Hae, ni mata ateni abonisa kuli Wa swana maabani, kacenu, ni kuyakuile. Ha sabi, u bulela fela za ziba kuba za Niti. Mi Mulimu na yemi fani inza Li yemela ka lisupo zeswana ni ze komokisa, ni ka Linzwi leli swana. Lani ki lingeloi!

<sup>239</sup> Setefani na yemi fani, ali, “Na ziba ze Ni bulela.” Ali, “Mina baba omelezi milala ni baba sina mupato mwa pilu ni lizebe, musweli ku hanyeza Moya o Kenile. Sina bashemi ba mina mo ne ba ezelize, ni mina ki mo mu ezeza!” Ali, “Ki mañi wa bo ndata mina ya si ka bulaya baplofita mi ba yahile mabita abona ku bona?”

<sup>240</sup> Mina likopano, ki mañi wa mina ya si ka eza nto yeswana? Mwabona? Muyahela lmamota amatuna amasweu ni miyaho ni lika zeñwi kwanu, mi kipeto mubulele za Mulimu! Ki wena luli ya Mu beile mwa ndu ya mocari, ki wena luli ya Mu beile mwa libita. Yani kona taba luli yene Mu beile mwa libita kwa mulaho kwani, neli keleke yetuna ye neli busweu, yona kopano, Bafarisi ni Basaduki bene ba Mu beile mwahali mwani ni kulika kuyaha kupuzo ku Lona.

<sup>241</sup> Halu boneñi ni mi bulelele kuli Krete ki Sibupiwa se si pila. Ha ki sika se si shwile, Ki Sika se si “zuhile kwa bafu mi upila kuyakuile.” Oh, muzwale! Luli! Si eza sikamañi? Si



bonisa sikamañi? Si bonisa kuzwa *fa*, si kaba sikamañi? Ne li ka ezahala- . . . Ki ifi ponahazo ya niti ya Hae? Mi nto yapili ye ka bonahala, ki Libizo la Hae. Kana ku cwalo? Li ka bonahalisa Libizo la Hae. Nto yetatama ye bonisa, ikona kuba mata a Hae. Mwabona se Ni talusa? Si ka bonisa lika kaufela Ali zona.

<sup>242</sup> Kacwalo haiba *se* si bonisa kwa lusika lo *fa*, lika kaufela za Na li zona, kona kuli Ki ya swana! Whew, kanya! Kanya! Ki sikamañi seo? Si Mu bonisa ka mwa Na inezi, sina Mwa inezi kamita, sina Mo akana abela kamita, kakuli li zwelela fela kwa Lubona lwa Mulimu; Jesu Krete wa swana maabani, kacenu, ni kuyakuile; Mulimu ya swana, Mata a swana, Kanya ye swana, lika kaufela ze swana. Yena wa swana maabani, kacenu, ni kuyakuile. Oh, muzwale!

<sup>243</sup> Ha lu fiteleleñi fela hanyinyani. Cwale, ha lungeni kalulo yeñwi ya timana ya 6 ye *fa*, ya kauhanyo ya 4. Nina ni litaba nyana ze ñozwi kulo *fa*, mi Ni bata kuakufa ni fite kuzona haiba Ni kona. Cwale, *ze—ze* siyezi, kasamulaho mu mano siya taba ye mwa- . . . kasamulaho lu ma no zwa *fa* timana ye, ona cwalo luli la potoloha fela, kubulela sene ba ezize. Halu boneñi haiba lwakona kufita fateni.

. . . *siiponi* . . . *liwate la siiponi* . . . (Cwale, lwa ziba kuli sani neli sikamañi.) *mwahala lubona*, . . . libupiwa *zene zepila*, Libupiwa, za *libatana* . . .

<sup>244</sup> Cwale, cwale, ki ba bakai baba na ni mutolokelo omunca wa Bible? Mwa mutolokelo mina o munca, i bulela kuli “Libupiwa ze pila.” Kihande, ha Ni zibi yena King James *fa* za bulelela kuli zepila. . . neli loibata zene zepila “*libatana*”? Kihande, Na nga buka ya litaluso za manzwi a Sigerike—Sigerike, ni kukutela mwa buka ya litaluso za manzwi a Bible ni kufumana se si taluswa. Cwale, ki se *fa* mo si inezi. Cwale, mulemuhe ka tokomelo. Linzwi le li tolokilwe *fa*, cwale ha mu li batisise, ni mina, kuli mubone hande. Mwabona, Ni bata kuli muñole se Ni bulela, mi . . . haiba mwa kona mi mubata kueza cwalo. Ku lukile, toloko yenca ili, “Libupiwa ze pila,” ku yona. Cwale, mutalime:

*Mi* . . . *nekuna* . . . *ni libupiwa zene ze na ni meto kwa mulaho ni kwa mulaho*.

<sup>245</sup> Mi izwelapili ku toloka “*libatana*,” zeo lu ka fita ku zona *fa* muzuzu fela. Cwale, *sibatana* si bonahalile. Kana muna ni miñolo mwa matuko a Bible ya mina, *fa—fa libatana*? Haiba muna ni, mutahe kwa miñolo ye ñozwi mwa matuko. Ni lemuha kuli Muituti Scofield *fa* uñozzi za hae. *Libatana* litalusa, ufitile *fa*, uli, “Libupiwa ze pila.” Oh, mawi! Cwale, mutalime. Linzwi la Sigerike fo ki, “Z, ma o amabeli ni, m” . . . kamba, “Z, ma o amabeli ni n,” ki kuli, “Z, ma o amabeli, ni n.” Cwale, mwa—mwa Sigerike, i bizwa Zoon ili kotalusa kuli “Sibupiwa.”

<sup>246</sup> Cwale, ha ki cwalo. . . haiba mubata ku ibala cwale. Haluna nako. Ne ni ka ibala, kono ha Ni na nako. Muñole Sinulo 11,

13, ni 17. Cwale, fo fokuna ni *sibatana*, likauhanyo mwa Sinulo 11, 13, ni 17, i bizwa *libatana* ka mukwa o swana; kono *libatana* foo, toloko ki “t-h-e-r-i-o-n,” *therion*. Linzwi, linzwi la Sigerike la *therion*, le litalusa kuli “sibatana sa mwa naheñi, se si si ka tapiswa.” *Therion*, seo si talusa kuli “sibatana sa mwa naheñi, se si sika tapiswa.”

<sup>247</sup> Kono Zoon italusa “Sibupiwa,” mwabona, “Li (Zoon) zepila zene Libupiwa.” Isiñi *libatana* za “naheñi,” *therion*; kono, “Zoon, Libupiwa zepila.”

<sup>248</sup> Mi *therion* ki ya “naheñi, yesika tapiswa yebuhali.” Ka manzwi amañwi, haiba mu lemuha kauhanyo ya 11, “sibatana sa Rome.” Kauhanyo ya 13, “United States.” Kauhanyo ya 17, “sibeli sa United States ni Rome,” ya likeleke za likopano ze tamahani ni Bukatolika kona ye li fetuzi, kusina kubondololwa ni hanyinyani ka kutalima kwa Evangeli. Whew! Kusina kutapiswa!

<sup>249</sup> “Kulumbwe Mulimu, lu zwile mwa keleke yetuna ya Methodist, ya Baptist, ya Presbyterian, ili kopano ya Pentekota. Lwa ziba se lu bulela! Hakuna ya ka lu zamaisa...ya ka lu bulelela!” Ki fo he cwale. Yasika tapiswa! Yasika fetulwa! Kusina lilato la taho! Baba nani ñole! Baba seba batu ka buhata! Baba sina buiswalo! Ni bahanyezi ba lika zende! Baba na ni mikwa ya . . .

<sup>250</sup> [Hakuna manzwi fa tepu—Mu.] . . .kufita ku zeo cwale. Mi Ni tabela fela ku pazula nto yeo mwa liemba emba cwale, kono Ni . . .kuli ikone kufita fa tepu ye, nihakuli cwalo. Kono haluna nako ya kueza cwalo. Cwale, mwa utwisisa. Ki babakai baba utwisisa? Muli “Amen!” [Puteho ili, “Amen!”—Mu.] Mwabona, ze ki . . .

<sup>251</sup> Kana *Zoon* ki nto mañi, Z-ma o amabeli-ni n? Libupiwa Zepila. Ikona ku bulelwa kuli *Zoon*, Z, ma o amabeli, ni n. Mukona ku i bulela cwani yeo, “Zoon”? “Zoon,” Ni bulele.

<sup>252</sup> Mi *therion* ki t-h-e-r-i-o-n, “*therion*,” mwabona. Kacwalo sani si talusa kuli “folofolo yesika tapiswa kale, ya mwa naheñi, yebuhali.” Kona zeo *libatana* zani . . .Munge za mina . . .munge buka ya litaluso za manzwi a Sigerike ni ku i balisisa ni kubona haiba ha ki linzwi le li swana. Mu talime mwateni ni ku ibona. Munge buka ya—munge buka ya mina ya Sigerike, munge Emphatic Diaglott. Cwale, mubone haiba yeo ha ki niti, kuli yeo ki niti, kuli italusa “sibatana se si sika tapiswa,” mwa Sinulo 11, 13, ni—ni 17.

<sup>253</sup> Mi mo mwa Sinulo 4, i talusa kuli “Sibupiwa se si pila,” isiñi *sibatana*; kono i bizwa kuli “sibatana” kono ha si cwalo. Ki nto yeswana ni mwa Ezekiele 1:8, 1 kuisa :28, ki yona. Mwendu luka fita ku yona fa muzuzu fela.

Ku lukile, “Yesika tapiswa, ye si ka fetulwa kale, sibatana sa naheñi.” Yesina tapiswa!

254 Kono ze ki “Libupiwa zepila.” Ki likamañi seo? Ha ki Mangeloi. Na mi bulelela, ha lu baleñi mwa Sinulo 5, fabuse fela bwa likepe. Sinulo 5, ni timana ya 11:

*Cwale Na talima, mi . . . na utwa linzwi la mangeloi amañata* (“mangeloi,” mwa buñata) kupotoloha *lubona* (“Mi” ki kutamahanya.) *mi libatana ni . . . babahulu: . . .*

255 Mwabona, “mi,” ki kukopanya. Mwabona? Ne si Mangeloi, kamba kuli neli babahulu, ne li “Libupiwa zepila” fa Lubona. Oh, kana ha mu lati se? Libupiwa zepila! Ha ki Mangeloi, kakuli se si paka cwalo fa, mwabona:

*. . . Na talima, mi . . . na utwa linzwi la mangeloi amañata a potolohile lubona ni libupiwa ni babahulu: . . .*

256 Cwale kuna ni likwata ze shutana zetalu fa. Ni sepa kuli mina kaufela muna ni mulao wo fafasi fa cwale. Cwale, Ni bata ku mi bonisa. Kuna ni likwata ze shutana za yona zetalu, likalulo zetalu ze shutana (Cwale, mutalime.) kupotoloha Lubona.

257 *Kilo* fa Lubona. Cwale, sa pili fa Lubona lo ki Libupiwa zene zepila. Kwanda zeo kuna ni babahulu baba twenti foo (ona *cwalo* fela) babahulu inge ainzi fa lubona, fahalimwa ma—ma mabona aona, mabona nyana cwalo mwatasi. Mi kupotoloha cwalo, ki limpi zetuna za Mangeloi zepotolohile Lubona. Mwabona se Ni talusa? Ki lika ze shutana kaufela, ze ku yeñwi. *Kuna* ni Mangeloi; *kiba* babahulu; mi ki ze fa Libupiwa zepila.

258 Lusike lwa siya seo fa muzuzu fela. Halu li talimeñi fela fa muzuzu, “Libupiwa ze pila.” Ki likamañi zeo haiba ha ki Mangeloi, ha ki batu baba liuluzwi? Ki likamañi zeo? Kikuli mu tabela kuziba? Ki ye toloko yaka. Ni sepa kuli i lukile; Na lumela i lukile. Ki balibeleli ba Mulimu ba Lubona lwa Hae. Cwale, luka pukuta se hanyinyani fela. Cwale, mwa bona, zona ki—haki Mangeloi kamba mutu. Ha ki lifolofolo za mwa naheñi. Ki Libupiwa, “Libupiwa ze pila.”

259 Cwale, *kilo* fa Lubona lwa Mulimu. Mi *ba* ki balibeleli ba Hae. Ha lu baleñi fela hanyinyani ku zeo ni kufumana mwa mizuzu yelikani. Mwabona, ki Mangeloi a Mulimu kamba balibeleli ba Mulimu ba Lubona lwa Hae, mi bona . . . Ha lu ngeni . . . fela—fela fa muzuzu hape, ha lu kuteleñi ku Ezekiele. Ni—Ni na ni lika ze ñozwi fa, mi Ni toile fela ku li fitelela, Ni ziba kuli se ki . . . [Hakuna manzwi fa tepu—Mu.] Ha lu kuteleñi mwa Ezekiele kauhanyo ya 1, mi ha lu kaleleñi fa timana ya 12 kuisa fa timana ya 17, fa muzuzu fela.

*Mi kamukana za ya kwapili: . . .*

260 Cwale, lu ka talima mwa mizuzu yelikani . . . Mi muhupule timana ya 7 ye fa, cwale, mutalime mo ne libonahalela mo mwa timana ya 7 ya kauhanyo yeswana ya Sinulo, “ze ne.”

*Mi sibupiwa sa pili ne si swana sina tau, . . . sibupiwa sa bubeli ne si swana sina namani, . . . sibatana sa bulalu neli sifateho . . . ne si na ni . . . sa mutu, mi libupiwa zene neli swana sina . . . mbande yefufa . . . sibatana sa bune . . . inge mbande yefufa.*

261 Cwale, fani Ezekiele ha na boni Kanya ya Mulimu, na boni nto yeswana ya na boni Joani. Mwa hupula Sunda yefelile mo ne lu bezi ni “Kanya ya Mulimu,” ni kuba ni siswaniso Sa Na kopilwe ni luna? Mwa hupula cwalo? “Kanya ya Mulimu,” nto yeswana yana boni Ezekiele, ki taba yeswana yana boni ni Joani, ki Ye fa kacenu. Si eza Jesu Kreste kuba ya swana mwa nako ya Ezekiele, taba yeswana ni yeneteni mwa lifasi mo, yena Mulimu yaswana yaliteni mo ni luna kacenu; ya swana maabani, kacenu, ni kuyakuile; Yena ya Na liteni, Yali Teni, mi Uka Taha; makenelo a mwa moyo, mubili, ni moyo; liwate la sipi (ki Linzwi), ili Kukeniswa kwa moyo wa luna, ni Mutazi wa Moya o Kenile. Ki nto yeswana, mwabona, ki nto yeswana fela!

262 Cwale, mutalime se. Ku lukile:

*. . . mi moyo . . . kaufela ko ne liya; . . . cwale . . . ku ya, ne li ya; mi ne li sa ka sikuluhi ha lizamaya cwalo.*

263 Ne li sa sikuluhi. Haiba li kwa neku *le*, ne li zamaya inge mutu; haliya neku *le*, ne li zamaya sina mbande; haliya neku *le*, ne li zamaya sina tau. Ne li si ka kuti mwa mulaho! Nelina ni kuya kwapili kai ni kai ko ne liya, yeñwi ni yeñwi ya libatana. Cwale, kana *sibatana* sitalusa sikamañi mwa Biblele? Puso. Ku lukile, si talusa “puso.”

264 Cwale:

*Cwale haili kuswana kwa libupiwa zepila, mi mibonahalelo ya zona neiswana sina mashala atuka a mulilo, mi sina . . . haili . . . za mubonahalelo wa malambi: ne ya mwahalimu ni fafasi mwahala libupiwa zepila; mi mulilo wa benya, mi kuzwa mwa mulilo kwa taha liseli.*

Yani ki Mulimu. Kuzwa mwa mulilo kwa bonahala Liseli; isiñi liseli la kozimiki, cwale, ki Liseli la Kuyakuile.

*Mi libupiwa ze pila za mata ni kufetuha (Halu boneñi). . . libupiwa zepila za mata ni kukuta, mi sina mubonahalelo wa lumonyi lwa pula.*

*Cwale ha Ni nze ni talima libupiwa zepila, amubone liwili li liliñwi mwa lifasi fahalimwa libupiwa ze pila, fa lipata za zona zene.*

*Ku bonahala kwa mawili . . . ni musebelezo wa ona na . . . bonahala kubenya sina licwe la . . . berilo: amane*

*cwalo nana ni sibupeho si li siñwi: mawili ni musebelezo wa ona na bonahala kubenya . . . na bonahala inge wili yeñwi ikwini ku yeñwi.*

265 “Ki sisupo mañi fa, Muzwale Branham? Ki sikamañi seo?” Ku talusa kuli balibeleli ba—bona balibeleli bani neli areka ya Mulimu. . . Nebali mwa musipili, inge ba pikuluha ka mawili nako ya ba bona Ezekiele; kono cwale Joani ha ba bona, ne se ba tile kale mwa sibaka sa bona se si swanela mwa Lihalimu. Areka ya Mulimu neili mwa lifasi, inge ipotoloha fa mawili, hane ba i zamaisa kuzwa mwa sibaka ni sibaka, ne li talusa kuli neili mwa musipili, ne ba i zamaisa mwa misipili kaufela ya lihalaupa mane ku yo punya kwa tempele ni zeñwi cwalo; kono cwale i ngezwi kwa lihalimu kakuli lusika lwa Keleke lu felile, mi i amuhezwi mwa Kanya. Mwabona? Se inzi sikalalambo cwale, mwa Lihalimu, ni Mangeloi kaufela ni lika zeñwi li ibeile mwahali. Lu ba fumana kasamulaho nyana ba tubula likuwani za bona za bulena ni kuwela fafasi ka lipata za bona ni kufa kanya ku Yena. Mwabona? Neli balibeleli ba Mulimu ba tempele, ba areka.

266 Cwale, muhupule balibeleli ba Mulimu ba areka, kamba sipula sa sishemo. Cwale, muhupule. Ku zekai, Joani na boni, zekai? Zene. Ki zekai zana—zana boni *yena*? Na boni zene, niyena, Libupiwa zene zepila. Cwale, mutalime, sibeli sa bona ne ba boni pono yeswana.

267 Mi bune ki nombolo ya lifasi. Kana mwa ziba cwalo? Ki babakai baba ziba cwale lusika kena kale ku yona, *bune* ki nombolo ya lifasi? Luli! Sina Maheberu babane. . . Ki ya lifasi- . . . Ki nombolo ya lifasi, ya “tukuluho, tukuluho.” Cwale, mube ni seo mwa minahano ya mina, “tukuluho,” kakuli Ni ka fita fateni, fa muzuzu fela, katata luli. Mwabona, “Tukuluho!” Cwale, nekuna ni bana babalalu ba Siheberu mwa ondo ya mulilo o sabisa, kono Wa bune a to taha, ya ba puluso. Lazaro nali mwa libita mazazi amalalu, kono cwale la bune ha li to fita ya ba tukuluho. *Zene* ki nombolo ya Mulimu ya “tukuluho,” kacwalo ne ku bonahala kuli Libupiwa ze ne ze li lukela kuba za lifasi.

268 Ni sepa kuli hamuna ha mu si ka shwa hahulu tala cwale. Ni sepa kuli takazo yamina ya micelo ya za moya ifitelezi—nyana i pahami nyana fahalimwa tala ya butu bwa cwale. Mwabona? Ku lukile.

269 Cwale, mulemuhe, “Lina ni meeto” (ku Ezekiele mo) “kwapata ni kwa mulaho ni mwahali.” Ha lu baleñi fela seo. Mutalime fa, mwabona. Mwa bona mwahali mo, Ni lumela kuli ne ba bulezi mwahali mo kuli, “libatana,” lifateho zene, inge mbande, ni mafufa, atezi meeto fande, mwahali. Mutalime fa:

*Mi libupiwa zene mi yeñwi za zona neina ni mafufa a silezi ku yona; . . .*

270 “Mi a fufa,” ni zeñwi cwalo, “mi ne ana ni meeto a fande, mwahali, ni kwa mulaho.” Ne li ambola ka butali bwa zona. Ne li ziba sene silibanga teni, sesili steni, ni se si ka taha; kakuli nelili hande fa Sipula, fakaufi hahulu kuli mane ne li si batu. Balibeleli ba tempele, kamba, isiñi balibeleli ba tempele (Balibeleli ba tempele, bona ki ba handeleti ni fotefoo sauzande.), kono yo ki mulibeleli wa sishemo, balibeleli ba Lubona, ona Lubona, kutaha hande bukaufi ni Mulimu, “Libupwiwa zepila,” nto yetatama ku Mulimu, inze liyemi fani. Butali bwa zona, za ziba ze ne banga teni, sesili teni, se si ka taha. Nelina ni “meeto fande,” kubonisa se ne li bona, sene si taha; “meto mwahali,” kuziba lika kaufela cwale; mi “meto kwa mulaho,” na ziba sene sibanga teni. Yanali teni, yali teni, ya taha, inza bonahala mwa masika a likeleke “Yana Liteni, Yali Teni, ni Ya Taha; Jesu Krete wa swana maabani, kacenu, ni kuyakuile.”

271 Mu li tokomele cwale. Lu ka ngongotela taba yeo fa limati fa mizuzu yelikani fela. Mu li talime. Cwale, fa muzuzu fela.

272 Li patulula butali bwa zona, mi ne ku bonahala kuli ne li ziba, kuziba. Ne li ziba za kwapili kaufela ni za cwale ni za kwa mulaho, ni kaufela zona!

273 Mi zateni. . . Ne li sa katali. Ne li sa ikutwi ku katala. Ne isike kuba sika kaufela se ne si tamahana ni mutu, mutu ukatala katala fela. Kono ne ba sa katali, ne ba opela kuli “Uyakenile, uyakenile, uyakenile! Uyakenile, uyakenile, uyakenile! Uyakenile, uyakenile, uyakenile, Mulena Mulimu Yamata kaufela! Uyakenile, uyakenile, uyakenile!” musihali kaufela ni busihu kaufela mwahala lusika kaufela. “Uyakenile!”

274 Halu kuteni kwa mulaho fa muzuzu fela. Halu kuteleni kwa mulaho, Ni na ni Liñolo mwa munahano waka, Isaya 6, kapili fela. Mutalime! Isaya na boni nto yeswana ona cwalo fela.

275 Pono kaufela ya Mulena. . . Zeo kona ze Ni bulela. Haiba lipono zelunani kacenu ha ki lipono za Bibeles kaswanelo, kona kuli li lyangani. Haiba i monyeha, kamba, sinulo kaufela ye bonisa Mulimu kuba sika sisili fela kwanda Sa nali sona kamita, ki sinulo ye fosahalile. Keleke kaufela iyahilwe ku yona, Mateu 17.

276 Halu boneñi, Isaya, kauhanyo ya 6. Mupolofita yo na yendamezi mwa mazoho a mulena yomunde, mi na mu lekezi mifuta kaufela ya litino zende. Mi nali mupolofita, mi ki ha fita fa kuli. . . Kono zazi leliñwi mulena a shwa, kacwalo nana ni ku—nana ni ku tuta. Kacwalo aya kwa tempele ku yo lapela. Kakuli na kalile kuzwa mwa sibaka sa mulena se si swanela kubasona, mi, kuli ange. . . Mulena yomunde wa kale neli muuna yomunde ya kenile. Kono a zwela kwande mi abona mo ne bapilelaa sicaba, kacwalo a yo fita mwa tempele. Cwale, muteeleze.

*Ka mwaha wa kushwa kwa mulena Oziasi Na bona hape Mulena ainzi mwa lubona, lo lu inzi kwahalimu hahulu, mi mungundo wa liapalo za hae no tala tempele.*

277 Kanya! Kana “Mungundo wa Hae kinto mañi”? Ki seo foo, “Mangeloi, Libupiwa,” kona Mungundo wa Hae ono Mu latelela. Mungundo kona otatamanga mwa mulaho, mwabona?

*. . . mungundo wa liapalo za hae no tala mwa tempele.*

*Mwa sibaka se si fahalimwa hae nekuyemi liserafimi: yeñwi ni yeñwi ne na ni mafufa a sikisi; ka mafufa amabeli me li ikwahela kwa lipata, . . . ka amabeli ne li ikwahela kwa mahutu, mi ka amabeli ne li fufa.*

*Ne li huwelezana inze li, Kiyakenile, kiyakenile, kiyakenile, MULENA wa limpi: lifasi kaufela li tezi fela kanya ya . . . hae.*

*Mi cwale mitomo ya minyako ya tempele ya nyanganyiswa ki linzwi la muhuwo wo, mi tempele ya tala musi.*

278 Mawi! Oh, mawi! Seo si bonisa kuli lipono zani ki ze swana fela ku ufi ni ufi wa baana bani. “Kiyakenile, kiyakenile, kiyakenile!” Ha li katali, musihali ni busihu, “Kiyakenile, kiyakenile, kiyakenile, Mulena!”

279 Halu kuteni kwa mulaho fa muzuzu fela cwale, kuli lu ikolwisise kubona kuli lwa utwisisa sicaba sani hande. Nako yapili yeo balibeleli ba ne ba bulezwi, neli mwa Genese. Cwale, muhupule, lika kaufela ze lu kutaza lina ni kuzwa kwa Genese kuisa kwa Sinulo. Nako kaufela ye mubata kuba ni puzo, mutahe mu to ni buza. Mwabona? Ilukela kuba Bibeke kaufela, isiñi fela siemba sa yona, kakuli Mulimu ha cinci! Sa Nali sona mwa Genese, Usali cwalo ni kacenu, mi Nali mwa lusika lwa fahali. Yena kamita wa swana! Mwabona? Cwale, mwa Genese, fani Likerubimi ze . . . Kona mo Ni ti lo li fumanela, Ne ni kutile ku yo batisisa sene sili libaka sona kwa simuluho.

280 Ha lu apuleñi mwa Genese 3:24, fa nako nyana fela cwale. Genese, kauhanyo ya 3 ni timana ya 24. Mwa I lata? [Kopano ili, “Amen!”—Mu.] Ku lukile. Cwale, ha lu kaleni ka timana ya 22. Na—Na lata fela Se! Se ki sika se Ni bata fela kubeya mwateni fa, ki nto yeñwi fela, kono ikona kuba nto yende hahulu zazi leliñwi.

*Mi MULENA . . . ali, Amubone, mutu yo sa fetuhile sina . . . yomuñwi wa luna, . . .*

281 Cwale, likezeli zaka ze lateha mi zende ni ze bunolo (mutuhele ni li tatulule ka mukwa o cwalo), musike mwa nahana kuli Ni sweli kulwanisa kamba ku—ku ba shandaula busali sakata bwa buino bwa bahame. Ni lika kubonisa fa sa kuli musali . . . Shangwe! Mi ku mina fa tepu, mina basali baba ka teezeza kwa tepu ye, Hani liki ku mi seha, Na ni mutanga Mulena fela kuli nitise Liseli. Nto ye kwatasi hahulu ni ya ku sa ipuluka

ni lika ze masila hahulu kuzeliteni mwa lifasi ki musali ha li ya maswe. Mi licwe lelinde hahulu ku ze liteni kamukana ku muuna, kwanda puluso ya hae, ki musali yomunde. Mi Ni bulela ku mutu ya sina buiswalo, wa linyawe yani, ya sitani. Mi Ni ka mi bonisa ona fa halunze luli kuyona, mane ni mi bonise fela libaka le Ni. . .leo Bibebe iluta kuli basali basike baba bakutazi, balisana, baluti, kamba sika kaufela mwa keleke. Cwale, muteeleze fela ku se:

*Mi MULENA. . .ali, Amubone, muuna sa fetuhile. . . yomuñwi wa luna, (Cwale, Na si ka bulela kuli musali sa fetuhile alimuñwi, “muuna yani u bile alimuñwi.”) . . . mi uziba bunde ni bumaswe: . . .(Musali na si ka pumiwa; na pumilwe. Kana mwa bona nji?)*

282 Cwale, Paulusi naize, “Ha ni lumelezi kuli musali a lute kamba kuhatelela mata, kono. . . kakuli Adama ubupilwe pili mi Eva mwa mulaho. Mi Adama ha si ka pumiwa, kono musali ki yena yana pumilwe.” Kacwalo na si ka ba alimuñwi ni Mulimu. Na sa zibi shutano ni yekana, na pumilwe. Kana mwa utwa nji? Haiba mu utwa, muli “Amen,” kuli Nibe. . .[Kopano ili, “Amen!”—Mu.]

*. . .mi MULENA. . .ali, Amubone, sa fetuhile. . . yomuñwi wa luna, ku ziba bunde ni bumaswe: bakeñisa kuziba. . . mi cwale, akasana aisa lizoho la hae akoyola kwa kota ya bupilo, aca mi apila kamita:*

*Kabakaleo MULENA. . .amu leleka mwa simu ya Edeni, kuli a yo lima mubu kwa zwisizwe.*

*Kacwalo a leleka mutu; mi kwa neku la upa la simu ya Edeni abeya Likerubimi, zena ni lilumo le lifufa. . . lilumo leli benya le li zukuziwa kwa maneku kaufela, (Mwabona libatana zene? Kuna ni fela linzila zene zemukona kuya ka zona, mwabona: upa, mutulo, wiko, ni mboela. Likerubimi ze ne li na ni mukwale fa munyako wa simu. . .) kuli libuluke nzila ye ya kwa kota ya bupilo.*

283 Kakuli haiba mutu akile a swala kwa Kota ya Bupilo, konakuli na ka pila kuyakuile.

284 Mi Likerubimi ze, ze bulezwi pili, ne li beilwe kwa munyako wa upa wa simu, kuya ka linzila zene. Ne ni lukela kueza yeo kuba ye shutani nyana ku zeo; Hani koni fela kueza ka kuluka kwa litaelo za Mulimu ni lika ze cwalo, kono Na—Na fela. . .ili kuli muzibe se Ni talusa. *Kiyani* foo simu ya Edeni. Mi wo kona munyako oli ona *fa*, u nzo kwaluha ona *fa*, ukwaluke fande, mi *fa* munyako wo neku na ni Likerubimi. Likerubimi! Mi, muhupule, ha i buleli kuli “Kerubimi,” i bulezi kuli “Likerubimi.” Likerubimi ne li beilwe kwani kuli li sileleze Sikamañi? Kota ya Bupilo. Sani Kona sene li lukela ku sileleza, ili Nzila ya Kota ya Bupilo. Nzila, Nzila ki Mañi? [Muzwale uli,



“Jesu.”—Mu.] Si zwelela kai? *Ki se* sibaka se si kenile, *ki ze* fa Likerubimi.

285 Cwale, mutalime, muñole se kaufela. *Ki se* fa si Kenile—Kenile. . . Sibaka se si kenile hahulu se, Se si kenile hahulu, *se* kona sibaka se si kenile, mi ki le *fa* liwate, mi ki *le* fa liseli la likandela, ze sebene ze bonisa Liseli kuzwa *fa*, mwahali *mo*, mwahali *mo*, mwahali *mo*, mwahali *mo*, mwahali *mo*. Mwabona? Ki sikamañi se li bonahalisa? Lisweli ku sileleza ni ku monyeha ka Mulilo wa Mulimu Nzila ye ya kwa Kota ya Bupilo. Mwabona, haikoni kuzwa *mo*, mwa sikolo sa ba Presbyterian kamba sikolo sa ba Pentekota, lina ni kuzwa *Mo*, ku monyeha Liseli. Ku lukile.

286 Mu lemuhe, zona—zona Likerubimi ze zana boni Joani fa ne lilukela ku tokomela ni kusileleza Kota ya Bupilo, kacwalo li lukela kutokomela batu. Kamba mubale Genese, mukutele kwa Genese hape, “Ne li buluka Kota ya Bupilo, ku I sileleza, yona Nzila ya Bupilo.” Nzila ya Bupilo! Kana Nzila i cwani? Jesu naize, “Kina Nzila yani. Kina Sinkwa sani se si zwile ku Mulimu kwa Lihalimu. Haiba mutu uca Sinkwa se, uka pila kuyakuile.” Cwale kuna ni Nzila ya kukuta ka yona kwa Kota ya Bupilo yani. Mwa utwa kana?

287 Cwale, ku se, Ni bata ku bonisa cwale se ka niti: ki aletare. Cwale, ye ilukela kuba aletare kwa simu ya Edeni. Ni ka mi bulelela libaka. Kikuli mwa hupula sibeli sa Kaine ni Abele bataha kwanu ku to lapela? Kacwalo seo sibonisa kuli aletare ya Mulimu ne ishimbuluzwi ni kutomiwa mo mwa simu ya Edeni, mi nzila fela ya kukuta ka yona kwa Edeni ki ka aletare. Ki fo he cwale hape, mwabona, kukutela kwa Edeni kufitela fa aletare. Mi ne li lukela kubabalela ona nzila yani kwani, ku i sileleza, kuli ne ba si ke ku kutela kwani kufitela aletare ye i apeswa ka mali.

288 O Mulimu, kikuli sicaba ha si boni nji? Mwabona, hakuna sika kwanda Mali! Kuna ni kuba ni swalelo, sipula sa sishemo kwani, ona aletare ya katulo ye ilukela kuba sipula sa sishemo; mi cwale aletare ye, haiba Mali a zwiswa, ku ka yo yema ka Lizazi la katulo lani mulilo wa buhali bwa Mulimu kuli u sileleze Kota yani hape. Nto iliñwi fela ye ka kena mwa munyako wo wa Edeni hape, ikaba ka Mali a Jesu Krete. Mwa bona kana?

289 Cwale, mulemuhe. Eehe, cwale Kaine. . . Oh, ki *yo* Kaine; mi ki *yo* fa Abele, Abele. Ku lukile. Cwale, sibeli sa bashimani ba taha kwa munyako wo ku to lapela. Kana ki niti yeo? Kacwalo ilukela kuba aletare ya Mulimu. Kana ku cwalo? Mi fapila aletare ye ba yahile za kuyolisa, aletare yeñwi. Ki *ye* aletare ya niti ya Mulimu, inzi mwa pilu ya mutu. Mi kuna ni aletare yeñwi *fa*, ye ne yemela sibaka se si kenile Hahulu mwa sibaka se si kenile.

290 Oh! Oh! Ni ikutwa inge kubulelela ka malimi. Oh, mawi, Kanya ya. . . Kana ha mu Li boni nji? Mulemuhe fela! Oh, libaka le Ni bulelezi cwalo, kakuli ha Ni fumani manzwi amañata mwa

mushobo waka wa Sikuwa kuli ni toloke maikuto aka. Mwabona, sesiñwi sina ni ku bulela.

291 Sina Muzwale Rowe, muika wa lituto ku Muteleli wa naha. . . mwendi neli babane kamba ba baketalizoho baeteleli ba naha Batompehi, ki hali, “Oh, Muzwale Branham, busihu bobuñwi ne Ni tile kwa mukopano.” Ki hali, “Ne ni sa zibi sa kueza,” ki hali, “Ne ni yemi fande fani.” Mi ki hali, “Oh,” ali, “Ni latile Mulena bupilo bwaka kaufela.” Ki hali, “Ni bile” (Na sepa) “Episcopalian.” Ki hali, “Mi Ne ni hupula kuli Na mu ziba Mulena.” Ki hali, “Mi busihu bobuñwi Na talima kwa ni kwa, Ne ni sa zibi sa kueza.” Ali, “Ne—Ne ni sa koni kukena mwahali, kono” ali, “Na utwa Linzwi ha li taha. Oh, La kala kutaha.” Ki hali, “Na kala kuya ku kambama ni ku shetumuka kuzwa mwa tende, ku zamaya kwa mulaho ni kwa pata,” mi ali “ona fani Ne ni si ka libelela kuya fa munyako, Na hohoba mwatasi na yona fani pizo ya aletare hane iezizwe, ni kumatela kwa katala ni kuwa fafasi, ali, ‘Mulena, Ni mueza libi!’” Mi ali, “Mi A ni talisa ka Moya o Kenile wa Hae.”

292 Mi ali, “Na kona kubulela mishobo ye ketalizoho ka yemilalu yeshutana,” kakuli ki ndumeleti. Mwabona? Yena ki. . . umwa. . . yena—yena ki—ki muelezi wa Muteleli wa naha, mi. . . ku kalela koo ku Woodrow Wilson ni kushetumuka. Ki ndumeleti ku mutu ni mutu wa Muteleli wa luna, muika wa lituto, wakona kubulela mishobo ya linaha lisili. Ki hali, “Ni ziba mushobo kaufela o kona kuñolwa ku ye zibahala mwa lifasi.” Kono ali, “Ne ni tezi hahulu kanya Ne ni sa itusisi ufi kaufela wa yona kuli ni lumbe Mulimu ka ona, kacwalo Mulena a nifa omunca kuzwa kwa Lihalimu ku to Mu lumba ka ona.” Oh! Ooh! Ki fo he cwale.

293 “Kusileleza munyako woo.” Kaine ni Abele bataha kwanu ku to lapela. Kacwalo ilukela kuba aletare ye ne li sileleza. Kana ku cwalo, zona Likerubimi ze?

294 Taba yeñwi, mulemuhe ki bo bupaki bobuñwi. Kaine. . . Mutalime Biblele cwale! Ni tabela kuli mu apule ku yona, kono ki. . . musike mwa bilaela, mwa ifumana mwa Genese. Ku lukile, mutalime. Kaine azwa kwani, Kaine azwa fa Pila Mulena kuzwa fa munyako mwa simu. Kacwalo Kubateni kwa Mulena ku lukela kuba fa aletare, mi aletare neili fa munyako. Kanya! Oh! Ku lukile. Ki sibaka sa Mulimu mwa kuina, fa aletare ya Hae. Cwale, Kaine azwa fa Pila Mulena, kuzwa mwa sibaka se. Mu bata ku li ñola? Genese 4:16, haiba mubata ku iñola. Cwale, cwale, mina kaufela baba utwuile, kana muiñozi nji?

295 Cwale, Ni na ni sesiñwi fela se Ni bata kuswanisa kulofa fa muzuzu fela. Ni sepa kuli hakuna neba piza yamina ya manawa ye ka cela, kamba sika kaufela fa. . . Cwale, mulemuhe. . . A mu li tuhele licele, ku lukile, hanili kamukana li ka fela nihakuli

cwalo. Halu—halu nahaneñi litaba fa, ye kona—ye kona taba ya—ya luli.

<sup>296</sup> Mushe na ngezwi kwa Lihalimu, Mushe, na angelwa mwa ku kambama mwa Lihalimu mi abona aletare ya Mulimu. Kana ki niti yeo? Ni lika kubonisa taba yaka fa. Mwa ziba se Ni lika kueza, nji cwani? Ku lukile. Na ile fapila Kubatani kwa Mulimu. Mi ha na tulukile kuzwa fa Pila Mulimu, ki hali, Mu- . . . Mulimu na bulelezi Mushe, “Eza lika kaufela mwa lifasi kuswana ni za kwa Lihalimu.” Kana ku cwalo? Ku lukile.

<sup>297</sup> Cwale, mi cwale ha na ezize cwalo, ha na pangile Areka ya Bulikani, abeya Likerubimi zepeli kuli li sileleze areka. Mwabona seo sili sona? Neli tempele. . . neli yona aletare, balibeleli ba Lubona. Likerubimi zepeli, Na ize “Ku u libupe ka sipi ya kopa mi ubeye mafufa a zona aswalani sina *cwana*,” kakuli ona zeo kona za na boni mwa Lihalimu.

<sup>298</sup> Ona cwalo kona mwa na bonezi ni Joani mwa Lihalimu, zona Likerubimi ze kwa maneku amane a areka ya Lubona mwa Lihalimu. Neli balibeleli ba areka. Likerubimi, balibeleli fa sipula sa sishemo.

<sup>299</sup> Haiba mubata kubala Liñolo leo (haluna nako ya kuya ku lona), muñole Exoda 25:10 kuisa 22.

<sup>300</sup> Cwale, ba sileleza sipula sa sishemo haiba Mulimu umwa Kanya ya Hae ya Shekina. Kana Kanya ya Shekina ne inzi kai? Fa sipula sa sishemo. Kana ku cwalo? Ba sileleza Kanya ya Shekina yani. Hmm! Whew! Muteeleze, balikani! Mi si bonisa kuli muyambaeli ufi kaufela hakoni kutaha kwani ni kunga za Teni. Mu lukela ku itukisa musika fita kale fa Pila Yona.

<sup>301</sup> Mutalime ku Aruni, mwa mufuta. Lusika. . . Cwale, muhupule, kopano mwa mazazi ani mane neisa koni neba kuatumela ka mukwa kaufela. Kono cwale Aruni hana kena. . . Ki linako zekai hana kena mwa Teni? Hañwi ka mwaha. Kana na bile cwani. . . ? Nana ni kuba ni liapalo zeñwi, ze ne lukilwe ka mazoho amañwi, mufuta wa litino ze ipitezi. Nana ni kuapala ka nzila yecwalo. Nana ni pomagareti ni mulangu, kuli nako kaufela ya na hata no lila kuli “Uyakenile, uyakenile, uyakenile, wena Mulena.” Na atumela sipula sa sishemo, ka mali.

<sup>302</sup> Mi nana ni kutoziwa ka oli yeñwi, kuisela sende ye shutani yezwa kwa palisa y amwa mukulo wa Sharon. Mi Jesu nali yena Palisa yamwa mukulo ya Sharon yani. Mi, mulemuhe, palisa ki nto yende, ina ni sende ku yona. Kono sende isika zwa kale, palisa ina ni ku lubiwa, mi kipeto sende ya hamuleha kuzwa mwa palisa. Jesu, mwa bupilo bwa Hae, neli bupilo bo bunde hahulu ku bo bu kile bwa pila; kono Na si ka siala ka nzila yani, kakuli Na to toza Keleke ya Hae (fa ku atumela Kukena kwa Hae), kacwalo bupilo bwa Hae bwa hamuleha kwande. Mi Moya o Kenile o swana onoli ku Yena u beilwe fa Keleke, mi Wa Mu eza kuba ya swana maabani, ni kacenu, ni kuyakuile, Palisa

ya Sharoni, yona sende ya yona. Mutu ya taha mwa sibaka se Sikenile hahulu se una ni kutozwa ka Moya o Kenile oswana. Mi ha zamaya cwalo, “Uyakenile, uyakenile, uyakenile, wena . . .” (Isiñi ni kwai mwa mulomo wa hae.) “Uyakenile!” (Isiñi ni kola ya hae ye futukile.) “Uyakenile, uyakenile, uyakenile,” a apezi ka kukena kwa Jesu Kreste. Hmm! Ha ki bunde ni boo Wena ukenile! Oh!

303 Cwale, “sipula sa sishemo.” Cwale, sipula sa sishemo si mwa pilu, sipula ko ku monyeha Kanya Ya—Ya Hae mwa bana ba Hae kaufela, Kanya ya Shekina mwa pilu ya mutu. *Kiye* fa pilu ya mutu. Kana ki niti yeo? Kana kona sipula sa sishemo seo? Kana mutaha cwani ku zona mwa milao ye shutana Ye? Ka tato ya kuipa, tato ya kuipa. Utaha *mo*, ni mwahali *mwani*, kutaha *sikamañi*? Kanya ya Shekina. Ki—ki sikamañi Kanya ya Shekina? Ki Kubatani kwa Mulimu. Mi cwale muuna ha zamaya, kamba musali, u monyeha Kanya ya Shekina. Ha kenangi mwa kubapala za kulaula ni—ni kuzwelapili, ni kuzwela kwande ku yo latula Linzwi. Hakuna taba ka se ba bulela batu, una ni pilu ya hae yi tomilwe fa nto iliñwi: Mulimu. Mi haiba luli u bizizwe ki Mulimu kipeto Jesu Kreste u iponahaza Iliyena ku yena ka Kanya ya Shekina, kueza lika zeswana za Na ezize kwa mulaho kwani; ku bonahalisa Evangeli yeswana, ku kutaza Linzwi le liswana, lona Linzwi leliswana le li bonahalile mwa tikanyo yeswana mo ne libezi ka nako yani, inge fela mo ne kuinezi kwa Pentekota li pimilwe hape. Oh, mawi!

304 “Sipula sa sishemo.” Ezekiele ni Joani bubeli bwa bona ne ba boni lika zeswana. Cwale, mulemuhe, cwale lu sutelezi fela kutaha kwa mafelelezo, fa nako nyana fela. Cwale, fa kona fo Ni bata kuli mube ni sesiñwi. Oh, shangwe musike mwa si mbwinja! Cwale, ki ba bakai baba ziba kuli Likerubimi zani ne li *Libupiwa zepila* mi ne si libatana? Ne li . . .neli ze pahami.

305 Cwale, kana Lingeloi lipahami nyana kufita mutu kamba li mwatasi nyana? Ku lukile, sha. Ki ufi yomutuna hahulu, mwana Mulimu kamba Lingeloi? Mwana Mulimu! Ki ufi yana ka utwa Mulimu kapili, Lingeloi le li yemi fani fapila Hae inze li kupa sika, kamba alimuñwi wa mina kaufela ya kupa? Alimuñwi wa mina kaufela! Mwabona, kakuli mu bana ba bashimani ni basizana. Ona—ona ki batanga. Mwabona? Ki batanga, mi mu bana ba bashimani ni basizana. Kacwalo mwabona bundume bo mu nani, lwa saba fela kuitusisa bona.

306 Cwale, Ni bata kuli mulemuhe fa, se ki sesinde. Oh, mawi! Mutuhele ni tahe fa ni tule zeñwi za zona kuli Ni kone kufita ku ze. Munge lipotoloto za mina cwale, ki se sene Ni bata luli kuli muswanise. [Muzwale Branham ubeya siswaniso fa limati—Mu.] Mwendi Ni kuksufaze hanyinyani se. Cwale, Isilaele mwa musipili wa bona, hane batoma mafulo, cwale mutalime hande ka tokomelo se, neba ina ku: iliñwi, zepeli, zetalu, zene.

(Batili, ni sepa Ni lyanganisize.) Iliñwi, yabubeli, yabulalu; iliñwi, yabubeli, yabulalu; iliñwi, yabubeli, yabulalu; iliñwi, yabubeli, yabulalu; cwalo kona mo ne ba inela bukaufi ni sipula sa sishemo. Cwale, Na ziba, kaufela mina mwa ziba cwalo, mu boni ni kubala mwa Testamente ya Kale.

<sup>307</sup> Cwale, kwa neku la upa, neku la upa, ona *kwanu*, Ni ka iñola kuli mukone ku i utwisise. Upa, neku la upa kamita neli Juda. Wo kona munyako, J-u-d-a, Judah. Mi ni Juda . . . neli yena ni toho ya masika amalalu ni ndembela yabona; masika amalalu ni ndembela ya bona, ili ndembela ya Judah. Mwa hupula . . . Ki babakai baba boni *Milao Ye Lishumi, Milao Ye Lishumi* ya Cecil DeMille? Ku lukile. Kamba, mu ibale ona mwa Mañolo mo, mwa Mañolo mo, nitaluse, nekuna ni Juda kwa neku la upa. Ku lukile.

<sup>308</sup> Kwa neku la wiko, kwa neku la *kwanu*, (Cwale mu li ñole, mu li bale hande . . . li mwa Exoda, ni zeñwi cwalo, ha ba zwa.) neli Efraimi, E-f-r. Mi nana ni mishobo yemilalu ni ndembela ya bona. Ku lukile, Efraimi.

<sup>309</sup> Cwale, mi kwa neku la mboela nekuna ni Rubeni, R-u-b, ni masika amalalu, ni ndembela ya bona.

<sup>310</sup> Mi kwa neku la mutulo nekuna ni Dani, Dani ni mishobo yemilalu, ni masika amalalu ni ndembela ya bona. Ku lukile.

<sup>311</sup> Cwale, cwalo kona mo ne ba yahela. Cwale, muhupule, ha lu baleñi cwale mwa Mañolo cwale kuli lube ni sona ka swanelo hande. Ni ka kalela fa timana ya 7:

*Mi . . . sibatana ne si swana sina tau, mi sa bubeli . . . ne si swana sina namani, (kamba nkomwana) mi sibatana sa bulalu ne si swana inge sifateho sa mutu, mi sibatana sa bune ne si . . . mi . . . sibupiwa sa bune ne si swana ni mbande yefufa.*

*Mi libupiwa zene yeñwi ni yeñwi neina ni mafufa a silezi ku zona; mi na tezi meto mwahala ona: mi ne li sa pumuli musihali ni busihu, kubulela kuli, Uyakenile, uyakenile, . . . Mulena Mulimu Yamata kaufela, yanali teñi, ya liteni, ni ya sa taha.*

*Mi cwale libatana ze ha li fa kanya ni milumbeko ni tumbo ni ku yainzi mwa lubona, ya pila kamita ni mita,*

*Babahulu baba mashumi amabeli ni babane ba wela fafasi fapila yainzi mwa lubona, mi ba mu kubamela ya pila kamita ni mita, mi ba tubula mishukwe yabona—ba tubula mishukwe yabona fapila lubona, bali,*

*Wena uya swanela, O Mulena, ku amuhela kanya . . . likute . . . mata: kakuli ki wena u bupile lika kaufela, mi ha li ezizwe ki . . . ka kulata kwa hao.*

<sup>312</sup> Cwale, cwale, mutalime. Kwa neku la upa—neku la upa, na boni sifateho sa mufuta mañi? Haiba mu lemuha, neli tau, t-a-

u, kona sene sili sisupo. Yani neli—yani neli yona ndembela ya Juda. Kakuli Yena ki . . . Jesu na zwile mwa . . . Niti! Mi ki Yena Tau ya lusika lwa Juda.

<sup>313</sup> Cwale, ki babakai babakile babona fateni zodiaki? Buñata bwa mina mwa ziba seo ili sona: ki naleli. Mwabona? Yani neli Bibeke ya pili ya Mulimu. Cwale, i kalisa ka sikamañi, nombolo yapili mwa zodiac, mufuta wapili? Ki mwalanjo! Kana ku cwalo? Mi ki sikamañi sa mafelelezo? Leo, yona tau. Kutaha kwa Pili ni Kutaha kwa Bubeli kwa Krete, kaufela zona limwateni mwani. Ba nga kansa ye silani . . . kamba lusika lo lu silani fela fokuna ni litapi ze futukile yeitalime kwa mulaho wa yeñwi, ili lusika lwa kansa, mi kona mo lupila hande cwale.

<sup>314</sup> Mi mulemuhe mwa piramidi ha na i yahile, mwa nako ya Enoke, licwe kaufela nelili mwateni. Ne ba kona ku likanya lika zani ka swanelo ni kuuha lindwa ni lika zeñwi. Lika kaufela li petahalile kwanda licwe la kwa Toho. Kiñi? Mu lemuhe fa mashelēni a mina a dollar? A mu azwise mi mutalime fateni, kuwani ya izusizwe fateni. Kiñi? Ne i si ka apeswa. Krete ki yena licwe la kwa Toho lene li hanilwe, Nali yena Licwe la toho lene li hanilwe. Wa kuta cwanoñu nyana fa. Mutalime kamo Keleke yani, kwa mulaho kwani mwa lusika lwa ba Lutheran, kwatasi kwani mo ibapukezi; mi kipeto iba yelikani, ka bunyinyani fela, ka bunyinyani fela kufitela ishetumuka fafasi cwalo; ha se li zwile mwa lusika lwa Pentekota, kona i litha fafasi kuli licwe kaufela li swane hande ni ku beya kuwani yani mwateni, Keleke ye ka tisa Jesu kuba yaswana maabani, kacenu, ni kuyakuile. Ka kupetahala fela mo ku lukela kubela!

Cwale, Na li yena Tau ya lusika lwa Juda.

<sup>315</sup> Cwale, mutu kaufela yakile abala Bibeke u ziba nombolo ya Dani kuli neli ifi, kamba sikamañi—sikamañi Dani . . . Oh, Ni talusa sikamañi, eehe, sene si yemela Dani? Yena, neli mbande. Yeo ki niti. Na li mbande. Kuna ni ya balile Bibeke. Na li mbande.

<sup>316</sup> Cwale, Rubeni neli muuna. Nali yena wapili, ili ya fokola hahulu mwahala sikwata. Kana Jakobo na si ka bulela cwalo mwa—mwa Genese 49? “Rubeni, ki wena mweli waka mata aka; mata a hao aswana sina mezi, kono no pahamile fa malobalo a ndataho,” usilafalize malobalo aka u a pahami. Mwabona, boo kona bumaswe bwa mutu. Mwa bona? Folofolo haina mikwa ya butanya bo bu cwalo, kamba tau, hakuna nihaiba yeñwi ya zona ye nani zeo; kono mutu ki yena yana ni zecwalo, u mata mata ni musala mutu ni zeñwi cwalo. Kuswana fela sina . . . Ki nto yeswana fela, lika kaufela li felile.

<sup>317</sup> Cwale, yo fafasi fa, *yo*, Dani neli mbande. Mi, *yo*, Rubeni neli sifateho sa mutu. Mi Efraimi ki komu. Cwale, mwa bona siswaniso foo? Efraimi . . . Cwalo kona mo ne ba yahezi, mwa Bibeke.

318 Cwale, haiba mu ka lemuha, Dan ki yena toho ya masika amalalu, Juda ki yena toho ya masika amalalu, Rubeni ki toho ya masika amalalu, mi Efraimi ki toho ya masika amalalu. Zetalu ha li alulwa kazene ki twelufu, masika a twelufu a Isilaele. Mwabona, ufi ni ufi wa bona ni ndembela ya habo; mi ndembela ya Juda neli tau; ndembela ya Rubeni, mutu; ndembela ya Efraimi, ki komu; ya—ya—ya Dani neli mbande.

319 Cwale, mutalime kwa mulaho kwanu sa na bulezi Joani, “Mi yo nana ni sifateho. . .” Ha lu baleñi fa cwale, lubone fela haiba ha ki nto yeswana ni mwa Lihalimu:

. . . *sibatana sa pili ne si swana sina tau*, (Judah). . .  
*sibatana sa bubeli ne si swana sina namani*, (yeo ki nkomwana) . . . *sibatana sa bulalu neli sifateho sa mutu*,  
*mi sa bune neli. . . mbande ye fufa.*

320 Ona cwalo fela masika a Isilaele a to yaha, inza libelela, ki balibeleli ba lifasi baba yemi kwa areka. Oh, Haleluya! Kana ha mu boni nji?

321 Fa! Sishemo, s-i-p-u-l-a s-a s-i-s-h-e-m-o, “sipula sa sishemo.” Hakuna sene si ka taha kai ni kai fa kaufi kusina kusila masika ani. Kusila sikamañi? Tau; kusila mutu, butali bwa mutu; ni kusila musebezi, sina komu; kamba kusila mbande, lubilo lwa yona. Mwabona? Lihalimu, lifasi, mwahali, ni libaka zeñwi kaufela; mwa bona, ne bali balibeleli. Mi fahalimwa sona nekuna ni Siita sa Mulilo. Muzwale, hakuna se ne si swala sipula sa sishemo sani kusina ku atumela. . .

322 Mi nto fela yene ka atumela neli ka mali. Aruni na kenanga mwateni hañwi ka mwaha ni mali. Cwale mwa bona nji? Cwale, mutalime. Toho ifi ni ifi ya masika amalalu ne i sileleza sipula sa sishemo, sipula sa sishemo sa Testamente ya Kale. Cwale, kana muñezi zeo, mañi ni mañi? Cwale, ki ye fa yenca, muzwale. Amuteeleze ku se, kuzwa fo lu ka zwa. Cwale, muhupule, bani neli balibeleli ba Testamente ya Kale. Ki babakai baba balile fateni mwa Bibebe, mwa ziba haiba yeo ki niti? Mwabona, bani kona balibeleli ba Testamente ya Kale.

323 Cwale lu pila mwa lusika lusili. Kanya! Oh, Na lata lusika lo! Mina bo? Cwale, Mulimu una ni sipula sa sishemo kacenu se si silelezwa. Mwa lumela cwalo? Sipula sa sishemo si fumaneha kai? Mwa pilu ya mutu. Ne si tile kai mwa pilu ya mutu? Ka lizazi la Pentekota foo Moya o Kenile (ili yena Mulimu) ha u taha mwa pilu ya mutu. Kana ku cwalo? Cwale, ha lu ngeni se fafasi fa, ni kuitukisa ku si swanisa haiba mwa bata. Pentekota, P-e-n-t, Ni ka beya Pentekota. Se kona sipula sa sishemo, ona Moya o Kenile. Mubeye fa. . . Ni ka mi bulelela cwana, mu si eze ka swanelo luli, halu beyeni fa “Nkwilimba” ili kotalusa. . . nyunywani, mwabona. Ku lukile, ku sileleza sipula sa sishemo, cwale kana Mulimu una ni balibeleli fa sipula sa sishemo kacenu? Cwale sani. . . Cwale, mutalime mo si bezi bunde.

324 Ne ni inzi zazi leliñwi mi na bona se, mi Na tulela fela mwa halimu ni kumata mata kwa ni kwa kupotoloha sipula, nali, “Kanya! Kanya! Kanya! Kanya! Kanya,” kupotoloha, kupotoloha. Charlie, Ni ka eza zetuna hahulu kufita mo Ni ezezanga mwa mushitu nako yeñwi. Kezeli Nellie, haiba Ni eza cwalo, ne mu ka ni leleka mwa ndu ya mina kapili luli. Huh? Oh, Ne ni bile fela ni nako ye kanya. Cwale, mutalime mo ne siinezi, sa na ezize Mulena.

325 Cwale, Pentekota, kasamulaho wa Pentekota, ya ñola Buka ya (Sikamañi?) Likezo za Moya o Kenile, L-i-k-e-z-o. Kana ku cwalo? Kana Likezo ikala ka sikamañi, taba yapili ki kukena mwa puluso? Likezo 2:38. Ki ye fa ya mafelelezo yani, mwahali. Kana ku cwalo? “Kaufela ba tala Moya o Kenile mi ba kala kubulela ka malimi asili. Mi Pitrosi ayema mi a ba kutaza kutazo. Se bali, ‘Ki sikamañi se lu ka eza? Lu ka kena cwani ku zeo?’ Ki hali, Likezo 2:38, ‘Mubake, mi mukolobezwe mañi ni mañi wa mina, Libizo la Jesu Kreste.’”

326 Cwale, muhupule, Mulimu una ni balibeleli babañwi baba—baba yema kwa sipula sa sishemo sani. Ki sikamañi sipula sa sishemo sani se ba sileleza? Ku lukile. M-a-t-e, Mateu, kwa upa; Luka, Luka; Mareka; ni Joani. Evangeli ya bona kaufela yona i paka Buka ya Likezo kuli i tahe, ba i sileleza kaufela ko mu bata ku i talima.

327 Halungeni fela iliñwi, iliñwi fela, haluna nako. Nina ni ze mashumi amabeli kamba kufitelela ze ñozwi kulo fa, kono ha lungeni fela iliñwi fa tuto ye ya puluso. Kana lukaba ni nako ya kulapela? Batili, ki wani kiloko, kacwalo Ni sepa kuli haluna kuba ni yona konji haiba kaufela mubata kulapelela bakuli. Cwale, Ni nani. . . Ni na ni fela nako yeñata. Mwabona? Ku lukile.

328 Cwale, mulemuhe se! Mateu, Mareka, Luka, ni Joani, ki sikamañi seo? Nombolo ya lifasi, ya Evangeli, zene. Ku lukile, mulemuhe.

329 Cwale, Mateu 28:19. 28, cwale, foo kona mina mizwale ba tumelo ya balimu babalalu fo mu libile, 28:19. Ku lukile. Mateu, fa kalulo ya mafelelezo ya kauhanyo, ili, “Muye cwale, mulute macaba kaufela, mu ba kolobeze ka Libizo la Ndate, Mwana, Moya o Kenile”; kono ki fa hape kwa taha Pentekota, mi Pitrosi ali “Mubake, mi mu kolobezwe ka Libizo la Jesu.”

330 Kuna ni se si fosahalile foo. “Mateu, kana ki wena mulibeleli yali kwa munyako wa kwa upa na?”

331 Kana munyako u cwani? Munyako ki sikamañi? Jesu. Jesu naize, “Munyako wa kumbana.” Kana ki niti yeo? Kana ipelletelwa kuli. . . I pelletelwa cwani, k-u-k-u-m-b-a-n-a kamba k-u-n-a-m-a? *K-u-k-u-m-b-a-n-a* kutalusa “mezi,” “mezi kona munyako.” Kana mukena cwani? “Mubake, mañi ni mañi wa



mina mi mu kolobezwe ka Libizo la Jesu Kreste,” kiulula minyako. Aye! Whew!

332 “Oh, kono, Muzwale Branham, una ni Mateu 28:19 fafasi foo.” Yeo luli ki niti. “Kono, Mateu, kana u mulibeleli wa ona?”

“Luli, Kina mulibeleli ya tezi.”

333 Cwale munge Mateu 1:18 mi mubone se ibulela, mubone haiba ya babalela—babalela se. Mubone haiba Mateu 1:18 isileleza Mateu 1...28 ni Likezo 2:38. Mubone haiba ika li babalela!

*Cwale kupepwa kwa Jesu Kreste kutahile ka mukwa woo: . . .*

“Ki yo fa Mulimu Ndate, Mulimu Mwana, Mulimu Moya o Kenile,” mo balika kubulelela.

*. . . kupepwa kwa Jesu Kreste kutahile ka mukwa woo: Mi . . . mahe Maria ana beelelizwe ku Josefa, ba si ka taha kale hamoho, a fumanwa kuli una ni mwana wa Moya o Kenile.*

Ki ufi? Seo si baeza bubeli kuba nto Iliñwi!

*Mi se neli . . . kaufela . . . sa ezwa, kuli . . . Mi amubone, . . .*

*Cwale Josefa muuna hae, kakuba muuna ya lukile, . . . a sa lati ku mu swabisa ku babañata, a hupula ku mu lisela ka mukwa woo.*

*. . . amubone, lingeloi la Mulena, la tuluka, la taha ku yena (Mwa ziba.) mi lali, Josefa, wena mwana Davida, si sabi ku ikungela Maria musala hao: kakuli sa itwezi ki sa Moya o Kenile. (Mwabona?)*

*Mi uka pepa mwana mushimani, . . . ba ka mu beya libizo la JESU: . . .*

*Ne li . . . kaufela . . . ze za ezwa, kuli ku talelezwe . . . ka mupolofita, . . .*

*Kakuli, mwalanjo uka itwala . . . (Isaya 9:6) . . . mwalanjo uka itwala, mi . . . apepe mwana mushimani, mi ba ka mu beya libizo la . . . [Kopano ili, “Emanuele.”—Mu.]*

334 Kana wa li tokomela? “Ndate, Mwana, ni Moya o Kenile,” Ndate, Mwana, ni Moya o Kenile, se fela: malumbatina a Libizo li liliñwi lani. Kacwalo mulibeleli uyemi fani kuli a li yemele. Mwa utwa nji? Oh, mawi! Cwale, ki ba bakai baba ziba cwalo? Ki se fa! Ki mulibeleli.

335 Cwale, halu . . . Ni na ni sishañata sa puluso yeñwi, munge zeñwi ze. Kono cwale haiba lukaba ni mukoloko wa litapelo fa muzuzu fela, ka mizuzu fela ye lishumi halu likeni sesiñwi fa

muzuzu fela. Ha lungeni Mañolo cwale. Ki kai ko Ni ñozi taba ye? Ki ye fa. Ku lukile.

<sup>336</sup> Cwale ha lungeni ni kubona haiba Mateu fahalimu fa cwale u ka i sileleza kwa foliso ya Bumulumu. Mutahe ni lipotoloto za mina ni lika zeñwi cwale, ze musweli kuñolisa? Ku lukile. Mubone haiba Mateu wa shandaula . . . u ka i sileleza. Ha lungeni Mateu 10:1.

<sup>337</sup> Ha lungeni ni kubona haiba Joani . . . iliñwi fela kamba zepeli, ha lungeni zepeli, kamba iliñwi kamba zepeli za zeo lili zona, Joani 14:12, ni 15:7.

<sup>338</sup> Mubone haiba basweli kutokomela foliso ya Bumulumu kupotoloha Lubona lwa Mulimu! Mareka 16, Mareka 11:21 ni 22.

Luka 10:1 kuisa fa 12, ni Luka 11:29 kuisa fa 31. Halu mateni ni yeñwi ya zona, lubone haiba ba sileleza, kubona haiba ba sileleza tukelo ya foliso ya Bumulumu ka kuswana sina ha ba sileleza munyako wa kolobezo ya Libizo la Jesu. Lwa kona ku i fitisa ku yeñwi ni yeñwi ya zona. Yani ki niti.

<sup>339</sup> Cwale ha lu kuteleñi fela kwa mulaho ni kubona Mateu 10:1. Amu apule fela cwale kuli lu . . . mi kipeto lu ka kwala mwa mizuzu fela ye ketalizoho yemiñwi, ye lishumi, haiba ki kuliya, haiba Mulena alata. Ku lukile, ha lungeni Mateu 10, lubone haiba Mateu usileleza Likezo za baapositola.

<sup>340</sup> Kana mu nahana kuli—kuli Mulimu ha beyi silelezo fa Linzwi la Hae? Mubone haiba komu yeo, tau, mutu, mbande ha isika toma fa minyako yani ona fa lifasi fa cwale? Ki ye fa Evangeli, li Evangeli zene. Mwabona? Mi, mu lemuhe, nzila kaufela ko ne liya ne li zwelapili kihona. Ha ba li itwanisi, li pila ni yeñwi hamoho. Mwabona? Yeñwi izamaelela ni butali bwa mutu; yeñwi izamaelela ni bubebe bwa mbande; yomuñwi ki mulisana . . . Yomuñwi ki mubuleli, kuli a fufe sina mubuleli, mwabona; yomuñwi ki mulisana; yeñwi ki yetiile; yeñwi ki ye butali. Mwabona, kusileleza kwa maneku kaufela, Mulimu inza sileleza Evangeli ya Moya o Kenile ye! Mu I lumele, muzwale! Ku lukile.

<sup>341</sup> Cwale ha lungeni Mateu 10:1.

*Mi asino biza balutiwa ba hae ba ba lishumi ka bababeli, abafa mata . . . (Hmm!)*

Ne ba kopanezi mwa ndu ya fahalimu,  
 Kaufela inge ba lapela ka Libizo la Hae,  
 Ba kolobelizwe ka Moya o Kenile,  
 Mi mata a sebelezo a taha;  
 Sa Na ba ezelize ka lizazi lani  
 Uka mi ezeza zeswana ni mina,  
 Ni tabile hahulu kuli Ni kona kubulela kuli Ni  
 alimuñwi wa bona.

342 Oh, amu kuzise fela mbututu fa muzuzu cwale. Muteeleze fela, muteeleze hande:

. . . mi abafa mata a kuleleka mioya ye masila, . . .

343 Balisana babañata ba tuhela fela mioya ye masila kuina ona mwa keleke ya hae; mutinelo wa basali, likezo, mikiti ya kubina, lipapali za bunko, kubina, lipapali za malyalya, kaufela. . . Oh, makeke!

. . . kuleleka mioya ye masila, ku ba leleka, ni kufolisa matuku kaufela ni makulano kaufela.

344 Mwabona mulibeleli ya inzi fani fa munyako? Evangeli ha i sileleze kwa mulaho yona buka ya Likezo yene ñozwi!

345 Cwale, Ne ni utwile muluti yomutuna ha ki kale hahulu, yana ize, kuli. . . alimuñwi. . . neli muuna yomutuna, muuna yomunde, na kopani ni yena, a muswala mwa lizoho, muzwale yomunde. Ki hali, “Kono Likezo za baapositola neli fela muinelo wa Keleke.” Huh! Ka manzwi amañwi, nana ni sibupeho sa na tomile *fa*, mwabona. Mi, kanti Likezo za baapositola nelili mwahali, mi li Evangeli ze kona kalulo ye tokomela ku Li beye hamoho ni ku Li sileleza. Mwabona mo—mo—mo munahano wa mutu ukona kuezeza sika kaufela. Ne ni ka nahana taba yeswana kambe ne si ka Yena. Mwabona?

346 Muinelo wa mubelekelo, Pentekota ne si sibupeho sa mubelekelo wa Evangeli. Likalulo zene za evangeli kona muinelo o yemela Pentekota! Kasumulaho bamano ba ni sibupeho sa sibupeho se, Pentekota ya ba teñi. Kana ku cwalo? Ki ifi ye ne ñozwi pili, Buka ya Likezo kamba ki—kamba baapositola? Ki baapositola. Jesu na taha mwateni inza eza misebezi ni ku bulela ze ka taha, ni Mateu, Mareka, Luka, ni Joani, bona balibeleli babane bani neba ñola lika kaufela ze ne ba bona kuli li ka ezahala, inge ba li bulela fela inge mo li inezi, mo ne li ka ezahalela, ze ne ka ezahala. Mi ona fani fela ba Li potoloha hande, mi ki Leo la taha! Amen! Mateu, Mareka, Luka, ni Joani, kona muinelo wa mubelekelo, kamba musebezi wa kusileleza tempele yetuna, ili Lubona, ki Mbuyoti ya Pentekota.

347 Isiñi kopano ya Pentekota, muzwale, kezeli, basiyalezi kwahule bazwile mwa sika sa luli, uh—hum, kwahule kufitelela likeleke zeñwi. Ba kwahule hahulu kufita ma Lutheran. Ba Lutheran ne ba ezize zende kufita mo ne ba ezelize bona, mi yeo ki niti, mane ka kuswana sina ona cwalo. Ona cwalo fela, Gene, kakuli, cwale, Ne ni si ka bona Jesu kwande a keleke ya Lutheran, inza lika kukena mwahali, kono kulika. . . kakuli Ni sepa kuli mane Na siyo mwateni ka ku kala. Kono Na—Na li mwa keleke ya Pentekota mi a lelekiwa. Yeo ki niti.

Cwale, Mateu 10:1.

348 Cwale ha lu fiteleleñi fa ku Joani 14:12 ni kubona haiba—haiba—haiba Joani uka kuta ni ku to sileleza lika zende za

Pentekota. Mwa Joani, kauhanyo ya 14 ni timana ya 12, Jesu wa bulela:

*Kaniti, niti, Ni li ku mina, Ya lumela ku na, misebezi ye  
Ni eza uka ieza ni yena; mane uka eza misebezi yemituna  
ku fita; kakuli Ni ya ku Ndate.*

349 Oh, muzwale, munyako wani fani, kone ku inzi mbande ona fani kakuli yeo kona sebelezo ya bulumiwa, mwa ziba, kufufa sina mbande. Bubebe, ku yo fita mwa naha ya sipolofita mwahalimu mwani, mwa bona, yakona kubona ze sa taha kwapili ni kubulela lika ze ne liteni, ze liteni, ni ze sa taha. Mwabona? Inzi fani inge i li sileleza, ali, “Misebezi ye Ni eza!” Mutalime mbande yani, mwabona.

350 *Kiye* fa tau, ki mutanga. Jesu na ba file mata. Mi Wa Li sileleza, U sileleza Likezo 2:38. Wa li yemela hande ona fani, yona tau yani.

351 Ki ha kutaha lubilo lolutuna lwa Evangeli, ni mbande ye, kuli, “Misebezi ye Ni eza ye muka ieza ni mina. Mane yemituna ku fita ye ki ye muka eza,” ku fufela mwa lifasi ni Yona! Inge liiba lene li i pumilwe toho, ni kulotisa mali, mali a hasaka fafasi, ihuwa kuli, “Uyakenile, uyakenile, wena Mulena,” kenisa wa mbingwa. Eehe.

352 Cwale, Ni na ni yeñwi foo, Joani 15:7. Ha lu apuleñi mwa kauhanyo ya 15, timana ya 7:

*Ha muina ku na, cwale, ni manzwi a ka... (isiñi  
manzwi a sikolo sa bulapeli)... manzwi a ka aina ku  
mina, mu ka kupa se mu lakaza, mi mu ka si ezezwa.*

353 Ki niti yeo? Kona kuli Evangeli yeo i silelelizwe ona fa. Mbuyoti ya Pentekota ye i silelelizwe ki Joani ni Evangeli ya hae; I silelelizwe ki Mateu, Evangeli ya hae.

354 Cwale, ha lu fiteñi mwa Evangeli yetatama, Mareka, kauhanyo ya 16, lubone haiba Mareka na sileleza Mbuyoti ye ya Pentekota. Mareka, kauhanyo yabu 16. Cwale, ha lu kaleleni fa... kasumulaho... u ambola za zuho. Cwale, ha lu shetumukeni fafasi kufitela lu fita fa—fa timana ya 14 ya Mareka 16:

*Ha sa bonahalile ku baba lishumi ka alimuñwi hane  
bali fa tafule, mi aba omanyaka ku sa lumela kwa bona  
ni kutatafala lipilu, kakuli ne ba si ka lumela baba mu  
boni ha sa zuhile.*

355 Ne ba si ka lumela bene balika ku ba bulelela liñusa. Mwabona, cwalo kona mo kuinezi kacenu. Sicaba se si na ni bupaki bwa Moya o Kenile; sicaba sali, “Bukuba, ki sikwata sa bapikuluhi ba bakenile.” Mi Aba omanyaka lipilu kutatafala lipilu kwabona, mwabona, ni ku sa lumela kwa bona; ba ba Mu zibile mwa zuho ya Hae.

*Mi ali ku bona, Muye mwa lifasi kaufela, mi mukutaze evangeli kwa libupiwa kaufela.*

356 Sikamañi? Ku kutaza e . . . kuna ni . . . fela Evangeli iliñwi; balibeleli babane. “Mukutaze Evangeli kwa libupiwa kaufela!” Cwale, muhupule, U sweli kunga zeo kaufela cwalo, balibeleli babane kaufela (Mateu, Mareka, Luka, ni Joani), mwabona, “Mukutaze Evangeli kwa libupiwa kaufela!”

*Ya lumela mi a kolobezwa uka piliswa; kono ya sa lumeli uka beiwa mulatu.* (Mwabona, muna ni kukena mwa kolobezo ye fa.)

*Ya lumela mi a kolobezwa uka piliswa; . . . ya sa lumeli uka beiwa mulatu.* (Oh, muzwale, lumela, shangwe!)

*Mi . . . (Tamahano, kuli itamahanye ze siyezi hamoho.) . . . Mi lisupo ze li ka latelela baba lumela; . . .*

357 Kihande, cwale, ha lu boneñi, ki sikamañi se ba bulela ba Methodist? “Haiba ukona kuhuwa, upile bupilo bobunde.” Ba Baptist bali, “Mube fela ni tumelo mi mu kolobezwe.” Episcopalian uli, “Yema sina mu Episcopalian, sina cwalo, ni kukubama kanti kuabana ku sa ezahala.” Ba Katolika bali, “Bulela kuli ‘Lumela, Maria.’” Ba Pentekota bali, “Kena mwa kopano ya luna. Mu kolobezwe ka Libizo la ‘Ndate, Mwana, ni Moya o Kenile.’” Ki fo he cwale. Mwabona?

*. . . lisupo ze li ka latelela baba lumela; Ka libizo la ka . . . (Hmm. Hakuna “Ndate, Mwana, Moya o Kenile” ka zeo.) . . . Ka Libizo la ka ba ka leleka mioya; ba ka bulela ka lipuo lisili;*

*Ba ka swala linoha; . . . ha ba ka nwa sifanu, hasina ku ba tiseza kozi; ba ka beya mazoho a bona fa bakuli, mi bao ba ka foliswa.* (Amen! Oh, muzwale!)

358 Cwale mukutele ku ya 11, mi kipeto lu fakau fi fela ni kukwala. Mateu 11, mi Ni nani 20 ni 21, Jesu wa bulela. Ze kaufela ki Jesu ya bulela, cwale, hakuna nihaiba iliñwi ya zona kwanda za bulela Jesu, mañi ni mañi.

*Mi cwale habusa, ha ba sutelela . . . bukaufi ni Betania, a lapa:*

*Ki ha bona kota ya feiga . . .*

359 Fani kona fa Na kutezi kota (yeo ki Mateu 21). Ni na ni . . . :12, shangwe mu ni swalele. Mareka 11:21 ni 22:

*Mi Pitrosi a hupula ali ku yena, Muluti, bona, kota ya feiga yo kutile ka nzila ya . . .*

*Mi Jesu a alaba ali ku yena, Mube ni tumelo ku Mulimu.* (Mwabona?)

*Kakuli kaniti Ni li ku mina, (konakuli, ki mwahali) . . . nili ku mina, Yo kaufela yakali kwa lilundu le, Nanuha, u yo inepela mwa liwate; a sa bilaeli mwa pilu, kono . . .*

*a lumela kuli litaba za bulela li ka ezahala; wakona kuba ni . . . ukaba ni za bulela kaufela.*

360 Mushimani, munyako wa kwa mboela u silelezwa ki komu. Munyako wa kwa mutulo u silelelizwe ki tau, munyako wa kwa mutulo . . . Ni talusa munyako wa kwa upa. Mi munyako wa kwa mutulo u silelezwa ki mbande yefufa, Joani, ki mubuleli. Mi kipeto ñaka kwa neku *le*, Luka, ki mualafi.

361 Cwale, ha lu boneñi se i bulela Luka. Munge Luka, kauhanyo ya 1- . . . Ni lumela kuli luna ni Luka 10:1 kuisa fa 12, ki yona—ki yona tumo. Kaufela mina mwa ziba seo sili sona, kono . . . Luka, kauhanyo ya 10, ni 1 kuisa fa 12. Ku lukile, ne lu ka kuzwelapili kubala kaufela zona, kono haluna kuba ni nako ya kueza cwalo. “Ikele mwa musipili wa hao . . .” Ni ka kalela fa timana ya 3:

*Mu zamaye: amubone, Ni mi luma inge lingunyana mwahala litongwani.*

*Musike mwa lwala sikwama, nihaiba mukotana wa mufaho, . . .*

362 Mwabona, “Musike mwaya ka libizo leliñwi la kopano. Muye ka mo Ni mi lumela. Mwabona? Musike mwaya ni sepo ya kuli mu ka ba ni ma dollar aeza handeleti sauzande mwa ancafazo ye; haiba ha mu sa ezi cwalo, musike mwa ya. Mwa bona. Mutome mikopano ya mina.” Ki hali, “Amuye ko Ni mi luma.” Mwabona.

*Musike mwa lwala sikwama, kamba mukotana wa mufaho: . . . mi musike mwa itumelisa ni mutu mwa nzila.*

363 “Musike mwa yema ni kubulela kuli, ‘Ni ka ya ni yo bona mo . . . ba basweli kueza . . . lika ze mo . . .’ Muzwelepili fela ko Ni mi luma. Musike mwa iseza ngana ku mutu ufi kaufela.”

*Mi ndu kaufela ye mu kena mubulele pili, . . . muli, Kozo iine mwa ndu yeo.*

*. . . mi ha ku na ni mwana a kozo, kozo ya mina ika kuta . . . ika ina ku yena: hakusi cwalo, ika kutela ku mina hape.*

*Mi mwa hola yeswana muine, mwa ndu yeswana (nitaluse) muine, inze muca ni kunwa se si bewa fapila mina: (Cwale, lika ze kaufela ka za “ku sa ca nama, ni zeñwi cwalo.” Mawi, bunde! Mwabona?) kakuli ya sebeza uswanela ki mupuzo wa hae. Musike mwa ya mwa ndu yeñwi ni yeñwi.*

364 Kuya ni ba ha Jones kacenu, kwa mulalelo, ni kuya ni—ni babañwi hape habusa, mi ka lizazi le litatama, ni ba bañwi. “Muine fela ona moo!”

Fani kona fo Ni kenelanga mwa mukopano, mwa ziba, libaka le Ni inelanga kwa hotela, ni kuinelela mwateni, ona mwani kona

mo Ni fumana kozo. Mwabona? Musike mwalata kupota pota ndu ni ndu!

*Mi munzi kaufela o mu kena ku ona, ha ba mi amuhela, mu ce lika ze ba mi yumbula:*

*Mufolise ba ba mwateni—mufolis bakuli ba ba mwateni, mi mu ba bulelele kuli, Mubuso wa . . . Mulimu usutelezi fakaufi ni mina.*

365 Kono cwale, kihande, ha lu boneñi ni bale timana yetatama:

*Kono munzi kaufela o mukena ku ona, mi ba sa mi amuheli, muzwele fa mapatelo . . . a fande a munzi ni . . . ka . . . lizazi leliswana, . . .*

*Lu mi tutulela mane liluli la munzi wa mina, le li lu kumalezi fa—fa nihakuba cwalo, luna . . . (Halu boneñi cwale.) . . . Nihaiaba ona . . . Mane . . . liluli la munzi wa mina, le li lu kumalezi lu mi tutulela lona: nihakuba cwalo muzibe, kuli mubuso wa Mulimu utile fakaufi ni mina.*

*Kono Ni li ku mina, Sodoma u ka ezwa hande ka lizazi la katulo, kufita munzi wani.*

366 Oh, muzwale, ni sepo ye fuyozwi yani! Haiba nji ha ba boni, ba ku amuhela, zwelapili cwalo, ubulele fela kuli, “Kihande, haiba ha mu ni lati, Ni ka tutula fela maluli kwateni, ni ku tubula makatulo aka, ni kuzwelapili ona cwalo.” Ka manzwi amañwi, lu bulele kuli, “Hakuna se ni ngile; haiba Ni ca sika kaufela, Ni ka si lifela ka sona, mi ha lu zwelapili kihona.” Ki hali, “Kaniti . . .” Mi ufi ni ufi wa minzi yani yene baile kuyona mi ne i si ka ba amuhela, ufi ni ufi wa yona utibile mi u i congile kacenu. Mi muleneñi kaufela—muleneñi o no ba amuhezi, u sa yemi kufitela lizazi le. Ki fo he cwale.

367 Cwale, iliñwi hape, mi lu ka kwala. Halu boneñi, luna ni 10. 11: 29 kuisa 31, Luka 11:29 kuisa fa 31, mi lu ka kwala. Oh, Na lata Se!

*Mi undi wa nyangela ha ba kubukana . . .*

368 Halu boneñi, kana Ni na ni . . . Kana ki Luka yani, Luka 11:29? Eeni, Ni sepa ki yona. Apwee:

*Mi cwale undi wa nyangela aba kubukana hamoho, Jesu akala kubulela ali, Lusika lo ki lusika lo lu na ni lunya: lu kupa makazo; kono haluna kufiwa . . . makazo . . . konji . . . makazo ya Jonasi mupolofita.*

*Kakuli sina Jonasi ha neli sisupo sa batu ba Ninive, kacwalo . . . Mwana mutu ni yena ukaba sisupo ku ba lusika lo.*

*Mulena wa musali wa kwa mboela u ka yema . . . mwa lizazi la katulo ni bana ba . . . lusika lo aba atule: kakuli na zwile kwa mafelelezo a lifasi ku to utwa butali bwa*

*Solomoni; mi, amubone, yomutuna ku Solomoni uteñi kwanu.*

*Baana ba Ninive ba ka yema mwa lizazi la katulo ni lusika lo, ba . . . lu atule: kakuli ne ba bakile ka mukosi wa Jonasi; mi, amubone, yomutuna kufita Jonasi uteni kwanu.*

<sup>369</sup> Ki sikamañi se Ni bulela cwale? Ka kukwala, Ni ka tuhela fela ze siyezi kuikela. Kono, ka kukwala, Ni bata kubulela cwana kakuli Ni mi bulukile nako yetelele hahulu. Ki sikamañi Sa bulela fa? “Ku ka taha lizazi lakuli lusika lo lumaswe, ni lwa bubuki,” (Cwale muhupule!) “ba ka bata sisupo. Mi lo ki lusika lo lu maswe lwa bubuki.” Mi ki Hali, “Lusika lwani lu ka amuhela sisupo.” Mutalime mo li tamahanela hamoho ni Bibeke kamukana, sisupo sa Jonasi. “Jonasi nali mwa mba ya tapi mazazi amalalu ni masihu; kona ni yena Mwana mutu mwa lukela kubela mwa mba ya—ya lifasi mazazi amalalu ni masihu.” Ikaba sikamañi? Ki sisupo sa zuho. Mwabona? Sisupo sa zuho si ka ezahala mwa lusika lo lu maswe lwa bubuki, mi ne li ezizwe mwa Buka ya Likezo. Jesu na zuhile kwa bafu, ataha ku Pitrosi, Jakobo, ni Joani, ni baapositola, mi ba eza Buka ye ya Likezo (ne si likezo za baapositola), neli likezo za Moya o Kenile ze ne beleka *mwa* baapositola.

<sup>370</sup> Ha ki mutu kacenu; ki Moya o Kenile obeleka ku mutu, kamba batu, mwabona, kona o eza musebezi. Ha ki mutu; mutu ki sibyana fela, mwabona, kono Moya o Kenile ki Oli mwa sibyana sani. Mwabona?

<sup>371</sup> Mi mutalime sene ba ezize, mutalime fa lisupo ze ne ba ezize za Jesu. Neba na ni ku ba lemuha kakuli. . . Nebali—nebali litimbi, baba si ka ituta, Pitrosi ni Joani. Kono neba na ni ku ba lemuha kuli, nebali ni Jesu! Neba eza lika za Na ezize. Kacwalo, mwa bona, Buka kaufela mwa Bibeke, kaufela . . . ki Libuka zene, likalulo zene za Evangeli li sileleza Mbuyoti ya Pentekota ni Liñolo kaufela kuli liyemele se si bulezwi. Mi cwale Likezo za baapositola li paka kacenu ka likalulo za Evangeli zene kuli Jesu Krete ki ya swana maabani, kacenu, ni kuyakuile. Kana mwa Mu lata?

Ne ba kopanezi mwa ndu ya fahalimu yani,  
 Kaufela inge ba lapela ka Libizo la Hae,  
 Ba kolobelizwe ka Moya o Kenile,  
 Mi mata a sebelezo a taha;  
 Sa Na ba ezelize ka lizazi lani  
 Uka mi ezeza sona,  
 Ni tabile hahulu kuli Ni kona kubulela kuli Ni  
 alimuñwi wa bona.

<sup>372</sup> Halu boneñi ni i opele:



Ne ba kopanezi mwa ndu ya fahalimu,  
 Kaufela inge ba lapela ka Libizo la Hae,  
 Ba kolobelizwe ka Moya o Kenile,  
 Mi mata a sebelezo a taha; (Zeo kona ze  
 lutokwa kacenu.)  
 Sa Na ba ezelize ka lizazi lani  
 Uka mi ezeza sona,  
 Ni tabile hahulu kuli Ni kona kubulela kuli Ni  
 alimuñwi wa bona.

Batu ba haba si ka ituta, (Isiñi . . . Fela inge  
 Pitrosi, Jakobo, ni Joani.)  
 Kamba kuipahamisa ka libubo la lifasi,  
 Kaufela ba amuhezi Pentekota ya bona,  
 Ba kolobelizwe ka Libizo la Jesu;  
 Mi basweli kukandeka cwale, kwahule ni kwa  
 hule-hule,  
 Mata a hae aswana ni kacenu, (Ka kuswana  
 fela sina mwa na inezi.)  
 Ni tabile hahulu kuli Ni kona kubulela kuli Ni  
 alimuñwi wa bona.

Ni alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona;  
 Alimuñwi wa bona, Ni alimuñwi wa bona,  
 Oh, Ni tabile hahulu kuli Ni kona kubulela kuli  
 Ni alimuñwi wa bona.

Oh, amutahe, mizwale baka, mubate mbuyoti  
 ye  
 Ye ka kenisa pilu ya hao kwa sibi,  
 Ye ka kalisa kuliza milangu ya tabo  
 Mi ika tukisa moyo wa hao ka mulilo;  
 Oh, wa tuka cwale mwa pilu yaka,  
 Oh, kanya kwa Libizo la Hae,  
 Ni tabile hahulu kuli Ni kona kubulela kuli Ni  
 alimuñwi wa bona.

Alimuñwi wa bona, alimuñwi wa bona,  
 Ni tabile kuli Ni kona kubulela kuli Ni  
 alimuñwi wa bona; Haleluya!  
 Alimuñwi wa bona, Ni alimuñwi wa bona,  
 Ni tabile hahulu kuli Ni kona kubulela kuli Ni  
 alimuñwi wa bona.

<sup>373</sup> [Hakuna manzwi fa tepu—Mu.] Li puma batu babañata. Ki . . . Batu babañata kwande kwanu mwa mikwakwa baba yanga kwa keleke, baba fumanaha mwa likeleke, ba pumilwe sina Eva mwa na pumezwi kwa simuluho. Ha ba zibi shutano ni yekana.

374 Oh, amutahe munge Kota ya Bupilo! Cwale, mwa sibaka sa Likerubimi. . . Cwale, Ni bata kubulela nto yeñwi. Mwa sibaka sa kuli Likerubimi zani libabalele Lubona loo, kono liyemi inge li bata, kulika kusabisa sicaba, ku sileleza kwa Lubona, kulika kubatisa mwa munyako, kukutela kwa Kota ya Bupilo hape kuli ba kone ku nga Se. Jesu naize, “Kina Sinkwa sa Bupilo se si zwile ku Mulimu kwa Lihalimu. Ya ca Nama ya Ka ni kunwa Mali a Ka una ni Bupilo Bobusafeli mi Ni ka mu zusa ka lizazi la mafelelezo.” Yeo ki niti. Oh, Ni tabile hahulu!

375 Ki babakai bakuli babali mwa sibaka? Halu boneni mazoho amina, munanule mazoho a mina. Ku lukile. Ki babakai baba na ni. . . Kana sani. . . Kana—kana Ni utwile Billy? Kana uinezi kai? Kikuli ufile makadi a litapelo? Kana u. . . ? [Hakuna manzwi fa tepu—Mu.] Ku lukile, ki mañi yana ni. . . [Hakuna manzwi fa tepu.]

376 Cwale, mutalime neku le, mina kaufela. Cwale, kuswana fela inge mo kuinezi hakutaha mwatasa Kanya fa, mwabona. Mwabona? Mwabona? La taha. . . Ki Liseli le li kwanu. Musutelela kwanu fa, mwa bona. Cwale, mutalime, fela ki—ki kumonyeha fela, ki kumonyeha fela, seo ki sona, mwabona. Ha ki Liseli. Ki le Liseli le li lepelela fa, mwabona, ona fa ku musali yoo. Ni Li lemuhile fela mi Na hupula kuli Nelili fahalimwa yomuñwi.

377 Cwale, musweli kubona alimuñwi Na ni bona bababeli. Iliñwi ya zona ki ya nama, mi yeñwi ki Ya Moya. Kuna ni muuna ya inzi fande fa, mwa mukoloko wo inza talima kwa Liseli lani. Ne li mu wezi. Uzwelela kwa Seymour, Indiana, mi una ni. . . nana ni luñañali. Haiba u ka lumela, sha, Mulimu uka ku folisa kwa butuku bwa sitiroko yeo. Amen! Lumela cwale!

378 Kana u lumela zeo ka pilu ya hao kaufela? Mi haiba Mulena Mulimu, Mubupi wa lihalimu ni lifasi, uka ni lumeleza kuezisa sika kuli ni ku bonise kuli ki Mulimu, konakuli uka lumela ka pilu ya hao kaufela? Buino bwa—bwa hao ki buino bwa kuikalelwa bu tisizwe ka—ka—ka kuyema lupepo. Wa lumela kuli Mulimu uka ku folisa? Ni wena ha uzweleli kwanu mane.

379 [Hakuna manzwi fa tepu—Mu.] . . . butata bwa hao ki bufi? Mi, u eza cwalo, kuli Uka ku folisa? [Hakuna manzwi fa tepu.] . . . wakona ku ku folisa, kakuli ha ki wena ya bata ku foliswa, ki mwana hao wa mushimani. Mwabona? U inzi mwa Virginia. Kana u lumela kuli Na kona ku ku bulelela se si fosahalile ni yena, ka tuso ya Mulimu? Una ni litombo zamwa mba. Yeo ki niti. Mi kuna ni nto yeñwi ye fosahalile ku yena, ha si ka piliswa. Mi usweli wa mu lapelela. Cwale, Musala. bo Baker, ikutele kwa Somerset mi ulumele ka pilu ya hao kaufela, Jesu Krete uka mu folisa. [Hakuna manzwi fa tepu.] . . . ? . . . ku kuezisa hande, u ka Mu amuhela kuba Mufolisi wa

hao? Haiba mwakona . . . [Hakuna manzwi fa tepu.] . . . mufolisi.  
Paulusi naize nako yeñwi . . . [Hakuna manzwi fa tepu.]

<sup>380</sup> Sicaba se si teelelize ka tokomelo kufita mane ni kufita mwa musihali wo, Mulena, cwale, Mulena Mulimu, Ni lapela kuli sishemo sa Hao ni bunde lika ina ku bona.

<sup>381</sup> Satani, Na ku laela ka Libizo la Jesu Krete, zwa mwa sicaba se! Ba inezi ku teezeza kwa Evangeli. Ha u sa kona kuba swala ni kamuta. Lumeleza kuli mata a diabolosi atamile sicaba se, azwe!



*SINULO, KAUHANYO YABUNE KALULO YA III* LOZ61-0108

(Revelation, Chapter Four Part III)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Sope 8, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)